

E lab júu[^] quiá['] Dsea⁻ Jmáang⁻ e cajme['] JUAN

Lajíi[~] mi[~] nú⁻ gui e nitiroq̃ jmigüí['] ba[']
e niseeng⁻ Dsea⁻ Jmáang⁻

1 Jo jíi[~] lati['] mi[~] uiim[~] nisea⁻
e sii⁻ Júu[^] do, jo e jo líing[']
Jóo['] Fidié[~]; jo cøøm⁻ seeng⁻ còo[']
Fidié[~], cò['] íb⁻ dseáng['] Fidié[~] cajo['].
² Jo colíim[~] seeng⁻ e Júu[^] do còo[']
Fidié[~] lajíi[~] lati['] mi[~] uing[~]. ³ Jo
la'eáang['] còo['] e Júu[^] dob cajmée⁻
Fidié[~] lajalé['] e sea⁻ fí jmigüí['];
joba['] lajalé['] e sea⁻ fí jmigüí['] cajmée⁻
Fidié[~] colíing[~] còo['] e Júu[^] do. ⁴ Jo
la'eáang['] còo['] e Júu[^] doba['] cuø['] e
see⁻ naa['] fí jmigüí['], jogui íb⁻ cajo['] i
líing['] i Jing['] quiá['] Fidié[~] i cuø['] e
tiing['] ngáng['] jaléng['] dsea⁻ jmigüí['].
⁵ Jo i Jing['] quiá['] Fidié[~] do jmóo⁻
e lijnea⁻ lacaang⁻ lí⁻ nuu⁻ sò['], jogui
e nuu⁻ sò['] do ja⁻ mí caquíi[~] jmií[~]
fa['] nijmé⁻ e niyúng⁻ i Jing['] quiá[']
Fidié[~] do.

⁶⁻⁷ Jo malií⁻ gui caliséng⁻ jaang⁻
dseañu['] i calisí['] Juan i seáang⁻ dsea⁻
jmií[~]; jo Fidié[~] caguíng['] ír jogui
casíng⁻ neiñ⁻ e laco['] dsea⁻ do nini[']r⁻
júu[^] quiá['] i Jing['] quiá['] Fidié[~]
do, jogui e laco['] ninú⁻ jogui e já⁻
nilíng['] jaléng['] dsea⁻ lajíi[~] júu[^] e
niguiá⁻ dsea⁻ do. ⁸ Jo dsu['] i Juan
i seáang⁻ dsea⁻ jmií[~] do ja⁻ líiñ[']

dseáng['] i Jing['] quiá['] Fidié[~] do, cò[']
líiñ['] jaang⁻ dsea⁻ i casíng⁻ Fidié[~] e
laco['] nini[']r⁻ júu[^] quiá['] i Jing['] do
jee⁻ jaléng['] dsea⁻ góor⁻ dsea⁻ Israel.
⁹ Jo caguéng⁻ i dseáng['] já⁻ Jing[']
quiá['] Fidié[~] do fí jee⁻ dsea⁻ jmigüí[']
e laco['] nijmér⁻ jial e niliseeng⁻ dsea⁻
fí lí⁻ jnea⁻ jí⁻.

¹⁰ Jo i dsea⁻ i líing['] Júu[^] quiá[']
Fidié[~] do niseem⁻ bre lajíi[~] lati['] mi[~]
uing[~]; jo nañi['] fa['] la'eáang['] còo[']
í bre cajmée⁻ Fidié[~] lajalé['] e sea⁻ fí
jmigüí['], jo dsu['] jaléng['] dsea⁻ jmigüí[']
ja⁻ já⁻ calíñ⁻ júu[^] quiá['] dsea⁻ do.

¹¹ Jogui dseáng['] fí góo⁻ bre caguéñ⁻
cajo, dsu['] ja⁻ ca'íng['] dsea⁻ góor⁻ ír.

¹² Jo dsu['] jaléng['] i dsea⁻ i ca'íng['] ír
jogui i já⁻ calíng⁻ júu[^] quiá[']r⁻, joba[']
cacuø['] reiñ['] fí e ca'uíñ⁻ do jóo[']
Fidié[~]. ¹³ Jogui líiñ['] do jóo['] Fidié[~]
dsu['] o['] uí['] e caliséñ['] fí jmigüí['] la,
o[']gui fa['] líing['] i⁻ quiu['] ta⁻ quiá[']r⁻
e ca'uíñ⁻ lajo, dsuco['] líiñ['] do lajo
uí['] e 'ñiab['] Fidié[~] cajmée⁻ e
ca'uíñ⁻ do jóo[']r⁻.

¹⁴ Jo e Júu[^] do ca'uíng⁻ dseáng[']
jaang⁻ dsea⁻ jmigüí['], jo caliséng⁻ jee⁻
jneaa⁻ aa['] fí jmigüí['] la, jogui dsíng[']
jmi['] neáang⁻ jnea⁻ aa['], jogui jmang[']
júu[^] já⁻ quié[']. Jo mi[~] calicuíng⁻ naa[']
e Júu[^] do i líing['] Jóo['] Fidié[~] i

camíng' do, joba' calinè'baa' jóng jial dseáng' jlo' niin, jo dsu' e jo catíin jii' dseáng' 'nia' bre e cacuø' Tiquiá'r ír, co' dseáng' eám' 'né' dseà do quiá'r. ¹⁵Jo lalab cajíng' Juan i seáang' dseà jmiì do cuaiñ quiá' dseà do mi cajín' lala:

—Jo i lab i dseà i éeng' jnea~ do ie~ lamí~ cafá' a lala: “Jo i dseà i nijáa' cøong' guiiju laco' gui cagüéng' jnea' fí' jmigüí' la niing' guir eáang' laco' jnea~, dsuco' lajii' mi~ nú' gui eáang' e niliseeng' jnea' ba' e niseieñ.”

¹⁶Jo co' eám' guiúng' dseà do cóo' jneaa' aa', joba' cuø'r' jneaa' aa' jalé' güea' quiá'r cóo' gui jalé' gui e 'né' qui' ii' dseáng' laliing' e jii' ja' catíi' naa' lajo. ¹⁷Jo la'eáang' cóo' Moi' cacuø' Fidiée' jneaa' aa' júu' quiu' ta' quiá'r; jo dsu' la'eáang' cóo' Dseà Jmáam' ba' e nicaline' naa' jial tíi' 'neáang' Fidiée' jneaa' aa' jogui la'eáang' cóo' íb' cajo e liti' júu' quiá' Fidiée'. ¹⁸Jo jii' jaang' dseà jmigüí' ja' mí' cangáaiñ' dseáng' 'nia' Fidiée', dsu' jii' i Joor' camíng' do i líing' Fidiée' cajo, jii' í' bing' i nicajmijnéeng' jial líing' Tiquiá'r Fidiée' uíi' e dseáng' cøom' seeiñ' cóo' dseà do.

Mí' café' Juan i seáang' dseà jmiì' cuaiñ' quiá' Dseà Jmáang'
(Mt. 3:11-12; Mr. 1:7-8; Lc. 3:15-17)

¹⁹Jo cóo' jmiì' jaléng' i dseà i quie' nífi' quiá' jaléng' dseà Israel i seeng' fí' Jerusalén casiñ' cóo' tú' míng' jmidseà quiá'r cóo' gui jaang' gáang' dseà levita fí' lí' táang'

i Juan i seáang' dseà jmiì' do e cangojmingí'r' dseà do lala:
—¿I' dseà lin'?

²⁰Joba' cañii' i Juan do dseáng' la líi' jo casí' reiñ' do lala:
—O' jnea~ i Dseà Jmáang' i í' áa' na' i nisíng' Fidiée' i nicá' nífi' quií' na'.

²¹Jo cajmingí' tu i dseà do i Juan do calé' catú' jo cajín' lala:

—Jo ¿i' dseáng' líing' 'nu' jóng? ¿Su Líi' i café' cuaiñ' quiá' Fidiée' malí' gui eáang'?

Joba' cañii' tu i Juan do jo cajín' lala:
—U~, o' í' jnea~.

Joba' calé' catú' cajmingí' tu i dseà do jo cajín' lala:

—¿Osi 'nu' bi i dseà i caguíng' Fidiée' i nífé' cuaiñ' quiá'r i sijeeng' naa' fí' jmigüí' la?

Joba' cañii' tu i Juan do quiáiñ' do jo cajín' lala:

—U~, o' í' jnea~ cajo.

²²Joba' i dseà do caléb' catú' cajmingí'r' i Juan do jo cajín' lala:

—Jo song' o' lajogui, joba' ¿i' gui dseáng' líing' 'nu' jóng? Jo co' dseáng' la guíim' 'né' lé' naa' júu' i dseáng' líing' 'nu' quiá' i dseà i casíng' jnea' do, joba' ¿e' fó' 'nu' uø' e lin'?

²³Joba' cañii' tu i Juan do quiáiñ' do:

—Jnea~ líin' n' jaang' i fé' i cagüéng' fí' ní' guoo' uø' quiú, jo quiee' júu' quiá' Fidiée' e catíng' 'nú' e fé' lala: “Nea' na' condsée' cóo' fí, co' tí' lí' nijáab' Fii' naa'”
—lí' laco' cajíng' Fidiée' fí' ní' jii' quiá'r e cajme' Saíí', jaang' dseà i café' cuaiñ' quiá' Fidiée' ie' malii' gui eáang'.

²⁴Joba' i dseà i casíng` dseà fariseo fí lí` táang` i Juan i seáng` dseà jmiì` do cangosiin` còo` dseà do ²⁵jo cajmingí' tureiñ':

—Jo song ja` líng'gui' i Dseà Jmáang` i nisíng` Fidiéé` fí la i nicá` níff' quí`naa' o'gui Líí` o'gui i dseà i fé` cuaiñ` quiá' Fidiéé`, joba' `zjali'` jmoo'` ta` seáng` dseà jmiì` jóng?

²⁶Joba' cañíi` tu i Juan do quiáin'` do jo cajíñ':

—Jnea` seáan`n dseà jmiì` jii` còo` layaang` jmiì; jo dsu'` jee` 'nú' niseem` jaang` i ja` mí` cuíng`na'. ²⁷Jo lana tí lí` nilicuíim`ba' i dseà í, cò' tí lí` ninám`bre ta` quiá'r`. Jo jnea` fí` quini` í` ja` eè` quíin`, cò' jè`gui cò' nisií` ní` 'núu` lomii`r` ja` quíin`.

²⁸Jo jalé'` e la cangojée'` fí` còo` fii` lí` sii` Betania e née` lí' lí` 'ngóo'` gua` Jordán, cò' fí` job lí` táang` i Juan i seáng` dseà jmiì` do ie` jo.

Jesús líiín` i Jo'se'` Jiuung` quiá'` Fidiéé`

²⁹Jo mí` cajneá` còo`gui jmiì` lajo, i Juan do cangár` e nijaquíeeng` Jesús fí` lí` siñ'. Joba' cafér'` uii` quiá'` dseà do, jo casí'r` jaléng` i dseà i teáng` còo'r` do lala:

—Fíng na jòø`na', dob nijáa` i líng` i Jo'se'` Jiuung` quiá'` Fidiéé` i fíng` jalé'` dsee` e røøng` dseà jmigüí`.

³⁰Jo i dseà lab i éeeng` jnea` do ie` lamí` cafá'`a lala: “Mí` nisóong` jnea`, nijáa` jaang` i niing`gui eáang` laco'` jnea`, dsuco'` i dseà í` lajii'` mí` nú'`gui eáang` e niliseeng` jnea`ba' e niseeiñ`.” ³¹Jo jii'` jnea` ja` mí` caliñi` bíi` i` dseáng` dseà do, jo dsu'` cagá`a fí` jmigüí` la e gaseáan` dseà jmiì` e laco'` jaléng` dseà góo'o` dseà Israel nilicuíiñ` dseà do.

³²Jo cajíng'`gui i Juan do lala cajo:

—Còo` jmiì` camó'` jnea` Jmiguí` quiá'` Fidiéé` e cajgó'` fí` níff' jo caje'` fí` yú'` gui` Jesús e líing` jaang` mee`. ³³Jo lajee` e nú'`gui lajo ja` mí` ní` jnea` i` líng` dseà do, jo dsu'` Fidiéé` i casíi` quié` e e cagaseáan` dseà jmiì` casí'r` jnea` lala: “I dseà i nimáan` i nijgiéé` Jmiguí` quié` e fí` yú'` gui`, i dseà í`bing'` i niseáng` dseà jmiì` còo'` Jmiguí` quié`e.” ³⁴Jo camób` jnea` mí` cangojée'` jalé'` e jo, joba' dseáng` lajam'` nita` dsii` e Jesús líiín` dseáng` i Joo'` Fidiéé` camfíng'` do.

La'uii` dseà i ca'uíng` dseà quiá'` Jesús

³⁵Jo mí` cajneá` còo`gui jmiì` lajo, i Juan i seáng` dseà jmiì` do táaiñ` colíing` còo'` gáng` dseañu'` i nilíing` dseà quiá'r`. ³⁶Jo lajee` job cangár` e cangfíng` Jesús, joba' cajíñ'` casí'r` i dseà quiá'r` do e fé'r` uii` quiá'` dseà i cangfíng` do jo cajíñ':

—Fíng na jòø`na', i dseà ngóo'` dob i líng` i Jo'se'` Jiuung` quiá'` Fidiéé` i fíng` jalé'` dsee` e røøng` dseà jmigüí`.

³⁷Jo dsifi'` mí` canúu` i dseà gáng` do lajii'` e cajíng'` i Juan do, joba' lajmináb` cangoliiñ` tí`leáaiñ` laco'` ngóo'` Jesús. ³⁸Jo mí` calilí'` Jesús e líing` ii` ngolíng` caluur`, joba' dsifib'` caji'r` nir` e cajòoiñ` i dseà do jo cajmingí'` reiñ':

—¿I` nilíng`na' 'náng`na'?

Joba' cañíi` i dseà do quiá'` Jesús jo cajíñ':

—Tífa', `zjie` fí` quíi'`?

³⁹Joba' cañíi` Jesús quiá'` i dseà do jo casí'`reiñ':

—Má'aa' cóo' jnea, jo lajob niliñ'na'.

Jo colim cangoliiñ cangojmiñir jie quía' Jesús, jo fi' job cajer coliiñg' lata' e jmiñ jo, co' la ii' quiú' e callóob' ningóo' ie' jo.

⁴⁰Jo jaang' lajee' i dsea' gáng' i canúu' júu' quía' Juan i seáng' dsea' jmiñ do siir' Df' i nilíing' dsea' ngáang' cóo' jaang'gui dseañu' i sii' Simón, jo íb' i cangotáang' cóo' Jesús do. ⁴¹Jo dsifi' lajob cangó' Df' e cango'neeiñ' i rúin' i sii' Simón do, jo mi' cadséng'neiñ' do lalab casí'r'.

—Janú', Simón, lana nicalicuim'baa i dsea' i cajíng' Fidié' i nisiin' fi' jmiñ' la i sii' Dsea' Jmáang' i nicá' nifi' quí'ii' do.

⁴²Jo dsifi' lajob i Df' do cangojéiin' i rúin' i sii' Simón do fi' lí' guiiñg' Jesús; jo mi' tí' lí' cangá' dsea' do quía' Simón lalab cajíñ' casí'reiñ'.

—Jo 'nub' i sii' Simón, jo lin' jóo' jaang'gui i sii' Juan, jo dsu' lati' lana nilisiñ' Cefas osi Táh cóo' jmiñ' griego é.

Mi' cató' Jesús Lii' cóo' Natanael

⁴³Jo mi' cajneá' cóo'gui jmiñ' lajo, ca'f' dsii' Jesús e cangó'tur fi' lí' se' Galilea, jo fi' job cajíng' rúin' cóo' jaang' dseañu' i sii' Lii', jo lalab casí'reiñ' do:

—Má'aa' cóo' jnea'.

⁴⁴Jo i Lii' do niseeiñ' fi' cóo' fi' e sii' Betsaida, jo dsea' góo'bre nilíing' i Df' do cóo'gui Táh Simón, co' cóob' fi' lí' seeiñ'. ⁴⁵Jo dsifi' lajob cangó' Lii' e cango'neeiñ' jaang'gui dseañu' i sii' Natanael, jo mi' cajíng'neiñ' do, lala casí'reiñ'.

—Lanab nicalicuíng'naa' i dsea' i ca'éeng' Moi' fi' ni' jì' quía'r' malii'gui eáang', jogui cajo i ca'éeng' jaléng' dsea' i café' cuaiñ' quía' Fidié' lí' laco'gui cajme'r' fi' ni' jì' malii'gui eáang'. Jo i dsea' íb' i sii' Jesús i seeng' fi' Nazaret i líing' jóo' Sé'.

⁴⁶Jo mi' canúu' Natanael e júu' jo, joba' cajíñ' lala:

—Ja' lí' dsii' e fi' Nazaret nigüi'fi' jaang' i ni'é' guiú' cóo' dsea' rúng'.

Joba' cañii' Lii' quía' i dsea' do jo cajíñ'.

—Má'aa' fi' lí' guiiñ', jo lajoba' nilicuín' dsea' do.

⁴⁷Jo mi' cangá' Jesús e nijaquíéeng' dsea' do fi' lí' siñ', joba' cajíñ' lala e café'r' uii' quía' Natanael:

—I nab dseáng' lajang' jaang' dsea' góo'naa' dsea' Israel i ja' quie' júu' ta' júu'.

⁴⁸Jo mi' canúu' Natanael e jo, joba' cañii' quía' Jesús jo cajmíngi'r' dsea' do lala:

—Jo éjial nicuín' jnea' jial líin'n? Joba' cañii' Jesús quíaiñ' do jo cajíñ'.

—Co' lajii' nú'gui e nitó' Lii' 'nu', jéem' nicamáng' jnea' 'nu' e guiin' uii' 'ma' güiñ'.

⁴⁹Joba' cañii' tu Natanael quía' Jesús jo casí'r' dsea' do lala:

—Tifa', 'nub' dseáng' i líing' jóo' Fidié', jogui 'nub' cajo dsea' lin' dseata' dsea' féng' quía' jaléng' jneaa'aa', dsea' lí'ii' dsea' Israel.

⁵⁰Joba' cañii' tu Jesús quía' i dsea' do calé' catú' jo casí'reiñ'.

—¿Su ja' líin' lana dsu' uíi' e fá'a e camán'n 'nu' e guiin' uii' 'ma' güiñ'? Jo dsu' jnea' fii' 'nu' e

nábi nimó^l jalé^l e niing⁻gui eáang^l e tiin⁻ jmee⁻e.

⁵¹Jo lalab cajíng^l-gui Jesús cajo e casí^r lajaléin^l do:

—Jo lalab jmitaa^l óo^{na} cajo e nimó^lba^l jial jnéeng⁻ fí^l ñifí^l fí^l lí^l guing⁻ Fidiée^l, jogui jial soo^l jogui jgáang^l jaléng^l ángeles quiá^l- Fidiée^l fí^l lí^l sín^ln, jnea^l dsea^l gáa^a fí^l ñifí^l e líinⁿ jaang^l dsea^l jmigüí^l.

Mí^l cajmée^l Jesús la^luii⁻ e quií^r jmií⁻

2 Jo mí^l cangí^l ní^l jmií⁻ lajo, jo ie^l jo caliseá^l coo^l jmií⁻ e cung^l guó^l dsea^l fí^l coo^l fií^l jiu e sii^l Caná e née^l lí^l se^l Galilea. Jo ie^l jo dob táang^l Yá^l, niquiá^l Jesús, ²jo Jesús cóo^l-gui i dsea^l quiá^l- do líiín^l dsea^l i simíng⁻ quiá^l- e jmií⁻ e tí^l do, joba^l fí^l dob quijgeáaiñ^l cajo. ³Jo lajee^l e teáaiñ⁻ e jmií⁻ do, coob^l mí^l cadseá^l e jmí^l mí^l huiñg⁻ jól^l e jmáiñ^l ta^l do, joba^l niquiá^l Jesús cajíñ^l casí^r- dsea^l do lala:

—Ngóo^l cadseáb⁻ e jmí^l mí^l huiñg⁻ jól^l e jmáang^l ta^l do.

⁴Joba^l cañí^l Jesús quiá^l- i niquiá^l- do jo cajíñ^l casí^r- dsea^l do lala:

—Neaa^l, ¿jialí^l fí^l jnea^l lana? Co^l lana ja^l mí^l catí^b í^l e nijmee⁻ lajii^l ta^l e si^lfinⁿ do.

⁵Joba^l cajíng^l-tu niquiá^l Jesús e sí^r i dsea^l i jmóo^l ta^l jmicóo^l- e sinúu^l do:

—Jmee⁻na^l lajaléb^l ta^l quiu^l i Jesús na.

⁶Jo ie^l jo nitée⁻ jñúu⁻ tu^l cóo^l- e líí^l cóo^l- layaang⁻ cuu^l, jo e jo íng^l ta^l e a^l jmií⁻ e jmáng^l dsea^l Israel ta^l e laco^l jmiguiúng⁻ yaaiñ⁻ fí^l quini^l Fidiée^l, co^l lajob quií^l tiiín^l e jmóor^l. Jo laco^l e dsíí^l tu^l cuu^l

do ab⁻ jiu la cincuenta si la setenta litro jmií⁻. ⁷Jogui Jesús casí^r- jaléng^l i dsea^l i jmóo^l ta^l e sinúu^l do lala:

—Jmiróong⁻na^l jmií⁻ laco^l laco^l e tu^l na.

Joba^l dsifí^l lajob cajmiróong⁻ i dsea^l do dseáng^l la có^l e tu^l do.

⁸Jo mí^l cangí^l jo, cajíng^l-tu Jesús casí^r-reiñ^l:

—Lana fií^l i 'nú^l güiseáang^l- jiu^l e nicaguié^l-na^l dsíí^l e tu^l do, jo güica⁻na^l quiá^l- i dsea^l née^l ni^l e jmií⁻ la.

Joba^l lajob cajmeeeíñ^l do.

⁹Jo i dsea^l i quie^l nifí^l quiá^l- e jmií⁻ do ca^l-bre capi^l e do, jo dsu^l jmí^l mí^l huiñg⁻ jól^l nica^l-uíng^l do, jo jíí^l ja^l ñir^l jial ca^l-uíng^l do lajo. Jo jíí^l i dsea^l jmóo^l ta^l sinúu^l do, jo jímí^l ja^l ñir^l jial ca^l-uíng^l jmí^l mí^l huiñg⁻ jól^l e jmií⁻ do, dsuco^l yaam⁻bre cajmiróoiñ⁻ jmií⁻ e dsíí^l tu^l do. Jo mí^l ca^l- i dsea^l quie^l nifí^l e jmií⁻ e ca^l-uíng^l jmí^l mí^l huiñg⁻ jól^l do, joba^l dsifí^l lanab cató^r- i siming⁻ i cacúng^l guó^l do ¹⁰jo casí^r-reiñ^l:

—Lajim⁻ dsea^l cuor^l la^luii⁻ e jmí^l mí^l huiñg⁻ jól^l e jlo^l-gui, joba^l mí^l tí^l lí^l nica^l- i dsea^l simíng⁻ do jmiguiúung⁻ jiu e jmí^l e jlo^l do, joguiba^l e niguié^r e jmí^l mí^l huiñg⁻ jól^l e uong⁻gui do quiá^l i dsea^l simíng⁻ do. Jo dsu^l 'nú^l nica^l-meá^lba^l e jmí^l mí^l huiñg⁻ jól^l e jlo^l-gui do quiá^l tí^l lí^l ningóo^l dséng⁻ jmií⁻.

¹¹Jo e la cajmée^l Jesús fí^l e fií^l e sii^l Caná e née^l lí^l se^l Galilea. Jo e lab la^luii⁻ e quií^r jmií⁻ e dsigá^l dsíí^l dsea^l e cajméer^l fí^l jmigüí^l la, jo lajoba^l cajmijnéeíñ⁻ jial tíí^l 'göiñ^l. Jo

jaléng' dseà quiá'r jáb' calíin júu[^] quiá' dseà do.

¹²Jō mī cangf̄ jō, Jesús cangór[~] fí cōō fī e sii Capernaum colíing[~] cōō' niquiá'r[^] cōō' gui jaléng' rúin' jogui cōō' jaléng' dseà quiá'r cajo; jō fí job cajer' cōō tū jmī lajo.

Mī ca'uøong` Jesús jaléng' dseà i jmóo ta` nīi fí guá'

(Mt. 21:12-13; Mr. 11:15-18; Lc. 19:45-46)

¹³Jō mī cangf̄gui lajo, cō' nijaquiém' bi e jmī quiá' dseà Israel e sii Pascua, joba' Jesús cagüi'fir' fí Capernaum jō cangór[~] fí Jerusalén. ¹⁴Jō mī tí lī caguiér[~] fí jō, dsifib' cangór[~] fí guá' fé' e si' fí jō, jō fí sigui' job cadséin' jaléng' dseà i teáng' ta' n'ning' jaléng' güitá' cōō' gui jaléng' jō'se' jogui jaléng' mee'. Jogui cangáin' cajo jaléng' i neáng' ta' jmisíing' cuu' e né' jaléng' dseà i dsitáang' fí e guá' fé' do. ¹⁵Jōba' mī tí lī cangáng' Jesús jaléng' i dseà í, dsifí lalab casá'r cōō tū' nīi jō catáin' máang' jō cōō' e jōb ca'uøoin' i dseà do colíing[~] cōō' i jó' núu' i jéein' do e n'niin'. Jogui cajím' Jesús jalé' mes' quiá' jaléng' i dseà i neáng' ta' jmisíing' cuu' do, jō caguiáb' e cuu' do fí nī uø. ¹⁶Jōgui lalab casí' Jesús jaléng' i dseà i jmóo ta' n'ning' jaléng' mee' do jō cajín':

—iUøong' na' jaléng' i mee' na, jō ja' jmoo' na' 'móo' fí guá' lī jmi'féng' dseà Tiquié'e Fidié'!

¹⁷Jō dsifí lajōb cadseng' dsíi i dseà quiá'r do lajii' e tōō' fí nī jī quiá' Fidié' lī fé' lala: "Liguíim' jnea' mī ja' jmi'gó' dseà guá' lī jmi'féng' dseà Tiquié'e."

¹⁸Jōba' i dseà Israel i quie' nifi' do cañir' quiá' Jesús jō casí' rein' do lala:

—¿E' quí' jmī nijmée' e laco' nilita' dsí' naa' e cangáin' fí e cajmee' lajalé' e ná?

¹⁹Jōba' cañi' tu Jesús quiá' i dseà do:

—Íing' na' e guá' fé' e si' la, jō jnea' gui quí' baa jmī e nijmiliing' tūu' cōō' nī jmī.

²⁰Jōba' cañi' tu i dseà Israel do quiá' Jesús:

—Jial líi' e lajo, cō' tuló' dsí' jñúu' jii' cali' hī' jnea' e calíi' e guá' fé' na, jogui 'nu' fó' lana e cōō' nī jmīb' lí' nijmiliing' tu'.

²¹Jō dsu' café' Jesús lajō e éeng' n'ia'r cōō' ngúu' táam' bre mī cajín' cuaiñ' quiá' e guá' fé' do. ²²Jō dsu' cartí' mī cangf̄ e cají' tu Jesús, jō lajoguiba' e cadseng' dsíi i dseà quiá'r do lajii' júu' e cajíng' dseà do ie' jō, ie' lamí' cajín' e cōō' nī jmīb' nilí'r e nijmiliing' tur e guá' fé' do. Jō joguiba' dseáng' já' calíng' i dseà quiá' Jesús do lajii' júu' e silíi' fí nī jī quiá' Fidié' cōō' gui jalé' júu' e cajíng' dseà do lajee' cateáin' fí jmigüi' la.

Niñib' Jesús jial líing' dseà lajiiin'

²³Jō lajee' táam' bi Jesús fí Jerusalén, lajee' jmī e quí' tting' dseà Israel e jmóor' jmī e sii Pascua do, jō lajee' jō jmiguiab' jalé' e quí' Jesús jmī cajmээр' fí quini' jaléng' i dseà i siseáng' do ie' jō, jōba' i fíim' i dseà í já' calíng' júu' quiá' dseà do. ²⁴Jō dsu' Jesús ja' ta' dsíir' cōō' i dseà do cō' nicuíim' brein' do guiá' jial líiin'

do lajiiñ. ²⁵ Jo co' niñi' bre ñia'r' guíá' jial líng' dseá jmiǵúí', joba' ja' ñeáin' dseá jiéng' i nijmeá' júu' ír' jial í' dsíí' dseá jmiǵúí'.

Mi casíng Nicodemo cóo' Jesús

3 Jo mi' cangf' jiu lajo, lajee' e táam' bi Jesús fí' Jerusalén, jo ie' jo nitáang' fí' jo jaang' dseá Israel i sii' Nicodemo i nilíng' dseá fariseo, jo i dseá í' líiin' jaang' dseá i laniing' jee' jaléng' dseá góor' dseá Israel. ² Jo cóo' lajee' e uóø' cangór' e cango'eer' Jesús, jo mi' caguiér' fí' jo lalab casí'r' dseá do: —Tifa', nineb' jnea' røø' e Fidiéeb' dseá casíin' 'nu' fí' jmiǵúí' la e cañí'ée' jnea', dsuco' jíí' jaang' dseá jmiǵúí' ja' quíi'r' jmií' fa' líing' eé' lí' nijmér' e dsigá' dsíí' dseá jíí' laco' quíi' 'nu' jmií' e jmoo' fíng song ja' jmicóo' Fidiéé' quiá'r'.

³ Joba' cañíí' Jesús quiáin' do jo cajíin':

—E laba' jmitaa' o', e doñi' ii' dseá i ja' niníng' tu calé' catú' e ni'uíin' jaang' dseá i 'míing' la'eáang' cóo' Fidiéé', joba' ja' quí' jmií' jóng fa' e dseá do nicá' nifí' quiá'r'.

⁴ Joba' cajmingí' tu Nicodemo e cajmingí'r' Jesús jo cajíin':

—¿Jial quí' jmií' e jaang' dseá yúu' niquíng' tur fí' dsíí' tu' niquiá'r' jo niníng' tur calé' catú'?

⁵ Joba' cañíí' tu Jesús quiá' Nicodemo jo cajíin' casí' rein':

—E laba' jmita' guí' o' cajo, e doñi' ii' dseá i ja' ngáang' la'eáang' cóo' jmií' jogui cóo' Jmiguí' quiá' Fidiéé', joba' ja' quí' jmií' fa' e nilí'r' e Fidiéé' nicá' nifí' quiá'r'.

⁶ Co' doñi' ii' dseá i níing' quiá' tiquiá' niquiá', joba' jíí' dseá jmiǵúí'b' líiin'; jo dsu' jaléng' i dseá i liseeng' la'eáang' cóo' Jmiguí' quiá' Fidiéé', joba' Jmiguí' job jée' quiá'r'. ⁷ Jo ja' güidsigá' o' dsu' uíí' e fíi' i 'nu' na, e lajiim' dseá 'né' e niliseeng' tur e laco' ni'uíin' dseá 'míing' la'eáang' cóo' Fidiéé'. ⁸ Cofa' guí' fí' la fí' nab íí', jo lico' nuu' baa' e ii' dsu' ja' jnéeng' e jóø' naa' jie' fí' ngóo' osi jie' fí' jáa' é. Jo dseáng' lajob líí' cajo cóo' i dseá i uíing' dseá 'míing' la'eáang' cóo' Jmiguí' quiá' Fidiéé', co' ja' líí' dseá jóø'r' jial mi' uíing' dseá lajo.

⁹ Joba' cajmingí' tu Nicodemo cajmingí'r' Jesús calé' catú' jo casí'r' dseá do:

—¿Jial cuóøng' e nilí' e fól' na, Tifa'?

¹⁰ Joba' cañíí' tu Jesús quiá' dseá do jo cajíin' casí' rein':

—¿Jaang' tifab' líing' 'nu' quiá' dseá Israel, jo ja' ngám' bi' jalé' e fá'a la? ¹¹ Jo jnea' jmitaa' o' e lajíí' e neb' jnea', jíí' joba' fé' naa', jogui lajíí' e nuu' naa' jogui ne' naa', lajíí' e job júu' e guia' naa' jee' 'nú'; jo dsu' 'nú' ja' já' líing' na' lajíí' júu' e fé' naa' do. ¹² Jo song 'nú' ja' já' líing' na' mi' fá'a júu' cuaiñ' quiá' fí' jmiǵúí' la, joba' ¿jial já' nilíng' na' jóng mi' fá'a cuaiñ' quiá' fí' ñiff'?

¹³ Jo jíí' jaang' dseá ja' mí' cajgóor' fí' ñiff', co' dseáng' lajíí' 'niá' baa dseá gáa' fí' jo; jo cagüén' n fí' jmiǵúí' la e líin' n jaang' dseá jmiǵúí'. ¹⁴ Jo líí' laco' cajmée' Moí' ie' lamí' cajmeáain' jaang' mi' cóo' layaang' ñí' jo cateáain' fí' yú' cóo' 'ma', jogui dseáng' lajob

'né nidsingíing̃ jneã cajo, jneã dseà gáa'a fí ñifí e lín'n jaang̃ dseà jmiǵüí, cō' niteáng̃ dseà jneã fí cōq̃ dseà 'mà cajo ¹⁵e laco' doñí ii dseà i já' nilíing̃ júu^ quié e quí' jmií e niliseeíñ cøng̃ cōq̃ Fidiéẽ latã.

**Dsíng' 'neáng̃ Fidiéẽ
jaléng' dseà jmiǵüí**

¹⁶Jō cō' eáam̃ 'neáng̃ Fidiéẽ jaléng' dseà jmiǵüí, joba' cacuøøíñ i Jōq̃' camíing̃ do e laco' cajúng̃ dseà do cuaiñ quiá' jaléng' dseà jmiǵüí; jō lajoba' jaléng' dseà i jáng' yaang̃ fí jaguó dseà do ja' quí' jmií fa' e ni'náiñ quiá' Fidiéẽ, cō' cøm̃ niliseeíñ cōq̃ dseà do latã. ¹⁷Dsucō' Fidiéẽ ja' casíiñ i Jōq̃' do fí jmiǵüí la e laco' ni'f̃ dseà do í' e nidsilíing̃ dseà fí lí' 'lí'^, cō' casíiñ dseà do fí la e lí'^ laco' nileáiñ dseà jeẽ jalé' dseẽ quiá' biñ'.

¹⁸Jō doñí ii dseà i jáng' 'ñia' fí jaguó i Jōq̃' Fidiéẽ do, joba' i dseà í' ja' ni'f̃ñ' iihuíf̃ uiĩ quiá' jalé' dseẽ quiá'r- mĩ nití' í' lajō; jō dsu' i dseà i ja' jáng' 'ñia' fí jaguó i Jōq̃' Fidiéẽ do, joba' i dseà í' ni'f̃m̃'bre iihuíf̃ uiĩ quiá' jalé' dseẽ quiá'r-, cō' ja' mí cajáng' 'ñia'r' fí jaguó i Jōq̃' Fidiéẽ camíing̃ do. ¹⁹Joba' lajaléng' dseà i ja' jáng' yaang̃ fí jaguó Fidiéẽ, nibíiñ fí lí' 'lí'^ uíí' e eáang̃'gui catí dsíur' e cajméer̃ jalé' e ja' dseeng̃; cō' iẽ mĩ cagüéng̃ fí jmiǵüí la i Jíng' quiá' Fidiéẽ do, ja' calijíí' jaléng' dseà i dseà í', cō' e lí' nuu' só' dob cajmeáang̃'gui quiá'r- e laco'gui i Jíng' quiá' Fidiéẽ do é. ²⁰Jō jaléng' dseà i

jmóo' jmang' e 'lí'^ 'ní' ním-bre i Jíng' quiá' Fidiéẽ do, jō jíí' capí'^ ja' iiñ nidsiquiééiñ fí cáang̃ dseà do, cō' ja' iiñ e nililí'^ dseà jmiǵüí jalé' e 'lí'^ e jmóor do. ²¹Jōgui dsu' jaléng' i dseà i seeng̃ cøng̃ cōq̃ júu^ quiá' Fidiéẽ laco' catíing̃, joba' tib' dsíur' e dsiquiééiñ fí quinĩ i Jíng' quiá' Fidiéẽ do e laco' cuø' lí' quiá'r- e jaléb' e jmóor do cøm̃ røø laco'gui jíí' e iing̃ Fidiéẽ e nilí'.

**Mĩ café'tu Juan i seáang̃ dseà
jmií do cuaiñ quiá' Jesús**

²²Jō mĩ cangf̃guijju lajō, cangób-tu Jesús colíing̃ cōq̃ jaléng' dseà quiá'r- fí lí' se' Judea, jō fí job cajer' huøøm-jju e seáaiñ jmií jaléng' dseà i guilíing̃ fí do. ²³Jō iẽ job cajo i Juan do táaiñ tã seáang̃ dseà jmií fí quiá' cōq̃ fií lí' sii' Enón ca' lí' née' cōq̃ fií e sii' Salim, cō' fí job lí' sea' jmií jmiǵuiúung̃, jōgui fíim̃' dseà dsilíiñ fí jō e sáaiñ jmií. ²⁴Jō jalé' e la calí' lajeẽ nú'gui e nitáiñ i Juan do fí dsíí' 'nuñí'^.

²⁵Jō i líing̃ i dseà i ngí' cōq̃ i Juan do canaaiñ jfiiñ cōq̃ jaang̃'gui dseà Israel cuaiñ quiá' jalé' e quí' tfiiñ jmóor e laco' liguiúiñ fí quinĩ Fidiéẽ. ²⁶Joba' cangolíim̃-bre e cangosí'r' i Juan do, jō lalab casí'r- dseà do: —Tífa', i dseà i lamí' táang̃ cōq̃ 'nu' lí' lí' 'ngóol' guà Jordán do i ca'eeng̃ 'nu' do jōgui i nicaféé' uiĩ quiá' do, lana dseà í' dob nitáaiñ seáaiñ dseà jmií, jō fíing̃'gui dseà nidsiquí'r' ír' laco'gui 'nu'.

²⁷Joba' lalab cañíí' Juan quiá' i dseà do:

—Lajim̄ dseà li'r̄ jalé' e seà' quiá'r̄ dsu' uíi' e Fidiéẽ'bing' i jmicóo' quiá'r̄ e li'r̄ jalé' e jo. ²⁸Jo 'núb' dseà nicaná'u-na' røø mi' café'a e o' jnea' Dseà Jmáanḡ, cø' jnea' líin'n̄ jaanḡ i casinḡ Fidiéẽ' i cagiénḡ jéenḡgui laco' dseà do e laco' cagaguiaa' guiú' fí' quiá' dseà do. ²⁹Cofa' coø' lí' cung' guò' dseà, jo i siming' do í'bing' i jée' quiá' i simí' i cacúng' guò' cøo'r̄ do, jogui i dseà i ngóo' caluú' i siming' do eám' lí'íanḡ dsíir' mi' núur' e sáin' do. Jogui dseáng' lajob lí' quié' jnea' lana, cø' dseáng' eám' íanḡ dsii' mi' núu'u lajo. ³⁰Jo dseà do eáng'gui ngóo' liniin̄, jo dsu' jnea' lí' lí' ngóo' lí'uónḡ-guú.

Dseà i jáa' fí' ñiff̄

³¹Jo lalab cajíng'gui Juan:

—Jo i dseà i jáa' fí' ñiff̄ niinḡ-guir jee' jaléng' dseà jmigúí'; jogui i dseà i líing' dseà jmigúí', jmang' júu' quiá' fí' jmigúí'ba' quier'. Jo i dseà i jáa' fí' ñiff̄ do, niinḡ-guir jee' jaléng' dseà jmigúí'. ³²Jo íb' dseà i fé' quiá' lajíí' e nicangár' jogui lajíí' e nicanáur' fí' lí' guinḡ Tiquiá'r̄ fí' ñiff̄, jo dsu' jíí' jaanḡ dseà ja' jí'r̄ lajíí' júu' e fé' dseà do. ³³Jo dsu' doní' íi' dseà i já' líing' júu' quiá' dseà do, joba' tíi' nir' e jmang' júu' já'ba' fé' Fidiéẽ'. ³⁴Jo i dseà i nicasinḡ Fidiéẽ' fí' jmigúí' la, jmang' júu' quiá' dseà í'ba' fé'r, dsuco' Fidiéẽ'bing' i cuø' dseà do lalíng' Jmigúí' quiá'r̄. ³⁵Jo Fidiéẽ' eám' 'neáaiñ' i Jóor' camíng' do, jogui cacuø'r̄ dseà do e óoiñ' ta' e ninéé' niñ' lajalé' e seà fí' jmigúí'. ³⁶Jo doní' íi' dseà i jáng' yaanḡ fí' jaguó' i Jóo' Fidiéẽ'

do, joba' niliseeíñ' cøøng' cøo' dseà do lata'; jo dsu' i dseà i ja' iinḡ jáng' yaanḡ fí' jaguó' i Jóo' Fidiéẽ' do, joba' ja' qui' jmií' fa' e niliseeíñ' cøøng' cøo' Fidiéẽ' lata', cø' lí' lí' latab' niñiñ' iihuí' eáang' e cuø' Fidiéẽ' jaléng' i dseà la'í'.

Mí' cangíng' Jesús fí' lí' se' Samaria

4 Jo mi' cangíngui lajo, lajee' e táam'bi Jesús fí' lí' se' Judea, calilí' jaléng' dseà Israel i líing' dseà fariseo e fíing'gui dseà nidsiquí' quiá' Jesús e sáaiñ' jmií' laco'gui i dseà i dsiquí' Juan i seáng' dseà jmií' do. ²Jo dsu' e já', o' dseáng' Jesús dseà i seáng' dseà jmií' do, cø' dseà quiá'bre i jmóo' ta' lajo e júu' siná'r̄ quiá' dseà do. ³Joba' mi' caliñí' Jesús lajíí' e í' dsíi' i dseà Israel i líing' dseà fariseo do uii' quiá'r̄, joba' cagui'fí'bre colíing' cøo' dseà quiá'r̄ fí' lí' se' Judea, jo cangolíng-tur fí' lí' se' Galilea.

⁴Jo dseáng' la guíim' 'né' ngíñ' fí' lí' se' Samaria lajee' e teáaiñ' fí' e ngolíñ' fí' lí' se' Galilea. ⁵Jo lajob caguilíñ' fí' coø' fí' e née' dsíi' lí' se' Samaria lí' sii' Sicar, fí' quiá' lí' røø' guóo' uø' quiá' 'lí' yá'u' Jacóo' e cangíñ' fí' jaguó' i jóor' i sii' Sé' do lajíí' mali'. ⁶Jo fí' job lí' lí' coø' toø' e a' eáang' lí' níng' jmií', jo fí' job lí' calí' ojmá' quiá' 'lí' yá'u' Jacóo'. Jo nijaquíéng' guieñ'fb' mi' caguié' Jesús colíing' cøo' dseà quiá'r̄ e fí' ojmá' do, jo fí' job cajmi'íng' dseà do cø' eám' niffíñ' e ngir', jo dob caguár' cáang' e toø' a' jmií' do. ⁷⁻⁸Jo lajee' jo i dseà quiá'r̄ do cangolíñ' e cangoleáar' jalé' e

nidó'r e fí fii Sicar do. Jo e fí ojmf̄ dob cajé Jesús 'ñia'r lajeē jo, jo cō'ná' lajob caguié̄ jaanḡ dseamf̄ i seenḡ fí lĩ se' Samaria e fí ojmf̄ do, joba' lalab casí' Jesús i dseamf̄ do:

—¿Já' cuó' jiu' jneā jmiì dúu' u?

⁹Jo cō' jaléng' dseà Israel dseáng' ja røð seem bre cō' dseáng' dseà i seenḡ fí lĩ se' Samaria, joba' i dseamf̄ do cañiir̄ quiá' Jesús lala:

—¿Jial cuó'ng' fō' lajo? Cō' jaanḡ dseà Israel líng' 'nù, jo ja' litíng' 'nú' fa' líng' eè mii' na' jnea', dseà lí'naa' dseà Samaria.

¹⁰Joba' cañi' tu Jesús quiá' i dseamf̄ do:

—Facō' jiu' ñí' 'nù jalé' e guiá' e iinḡ Fidié' e cuó'r' 'nù, jogui facō' ñí' cajo i jneā dseà i mii' 'nù jmiì, joba' facō' lajo, 'nub' dseà catíin' e nimii' jneā jmiì jóng, joba' jneab̄ nicuó'ø' 'nù e jmiì cō' e cuó' e seenḡ dseà lata'.

¹¹Joba' cañi' i dseamf̄ do quiá' Jesús jo casí'r dseà do lala:

—Fii' i, jii' cō' ja' quié' 'nù cō' e nigui' jmiì fí dsí' e too' la, jo dsíng' a'. Joba' ¿e cō' niquíin' e jmiì e fō' e nicuó' jneā do? ¹²Jo 'li' yúu' quí' ii' Jacó' caséer' e ojmf̄ la quí' ii', cō' fí lab lĩ cacár jmiì e jmáin' ta' cajo, jogui lajobi jaléng' jōr' cō' gui jaléng' jō' núu' i ca'eáin', fí lab lĩ ca'uō'r' jmiì e ca'íng' neiñ' do. Jo ¿su 'nù í' o' e niinḡ gui' laco' i dseà í'?

¹³Joba' cañi' tu Jesús quiá' i dseamf̄ do jo cajíin':

—Jaléng' dseà i fí' jmiì e uøð dsí' e too' la niguiáb' tu jmiijmiiñ̄ calé' catú'; ¹⁴jo dsu' i dseà'gui i

ni' i' e jmiì e nicuó'ø' do, joba' jo tō' jmiì fa' e niguiá' gui jmiijmiiñ̄. Dsucō' e jmiì jo lí' lafa' e contø'm seā jmiì fí dsí' tu'r cō' e cuó' e seeiñ̄, jo e jo lí' e contø'm seeiñ̄ cø'ng' cō' Fidié' lata'.

¹⁵Joba' cañi' tu i dseamf̄ do quiá' Jesús jo casí'r dseà do lala:

—Fii' i, iim' baa nicuó' jneā e jmiì e fō' na e laco' jo niguiá' gui jmiijmiiñ̄ o' gui 'né' gui fa' e gáa' tí' la e gaquie' jmiì.

¹⁶Joba' cajíng' Jesús casí'r i dseamf̄ do:

—Guó'ng' cateá' jo güitee dseañu' quií' jo ñilíng' tu' fí la.

¹⁷Joba' cañi' i dseamf̄ do quiá' Jesús:

—Ja' cō' o' dseáng' dseañu' quié' e.

Joba' cañi' tu Jesús quiá' dseà do:

—Jáb' laco' café' na, dseamf̄, e o' dseáng' dseañu' quií' i cō' lana; ¹⁸dsucō' lamí' jéeng' gui 'ñíng' gui dseañu' i nicacúng' guó' cō', joba' i dseañu' i cō' na lana ja' líiñ' dseáng' dseañu' quií'.

¹⁹Jo mĩ' tí' lĩ canúu' i dseamf̄ do e cajíng' Jesús e júu' jo, joba' cañiir̄ quiá' dseà do lala:

—Fii' i, lanab calilí' i e 'nù lin' jaanḡ dseà i fé' cuaiñ̄ quiá' Fidié'. ²⁰Jo jaléng' 'li' yúu' quí' ii', dseà Samaria, quí' tiiñ̄ e jmiféin' Fidié' fí ní' e mó' la, jo dsu' jaléng' gui 'nú', dseà Israel, fō' na' e jii' fí Jerusalén lĩ 'né' e nijmiféng' naa' Fidié'.

²¹Joba' cañi' tu Jesús quiá' i dseamf̄ do jo casí' rein':

—Já' güilín' júu' quié' e, dseamf̄, e nijaquie'm' e nitf' í' e 'nú'

nirilí'na' e ja' 'né' nigüüling'na' fí' e yú' mó' na e güijmiféng'na' Tiquí'ii' Fidiée', o'gui 'né' fa' e nigüüling'na' cartí' Jerusalén cajo e laco' güijmiféng'na' dsea' do.
 22 Co' 'nú'`, jaléng'` dsea' Samaria, jíí'` ja' cuíng'na' i' i' jmféng'na' do; jo dsu' jaléng'` jnea'`, dsea' líí'naa' dsea' Israel, nicuúim'baa' i' i' 'né' jmféng'naa' do, co' jee' jnea'`, dsea' líí'ii' dsea' Israel, job lí' caguíng'` Fidiée' jaang' i' nileáng'` dsea' jee' jalé'` dsee' quiá'r'`. 23 Jo catíb' e í' jo, jo dseáng'` lanab liy, e jaléng'` dsea' i' dseáng'` lajang'` júu' i' jmféng'` Tiquí'ii' Fidiée' 'né' nijmér'` dseáng'` laco' sí'í'` la'eáang'` cóo'` Jmiguí'` quiá'` dsea' do, dsuco'` dseáng'` lajob iing'` Tiquí'ii' Fidiée' e nijmé'` jaléng'` dsea' i' jmféng'` ír'`. 24 Dsuco'` Fidiée' lííin'` Jmiguí'`, joba' jaléng'` dsea' i' jmféng'` ír'`, 'né' nijmér'` lajo la'eáang'` cóo'` Jmiguí'` quiáb'` dsea' do dseáng'` laco' sí'í'`.

25 Joba' cañíi'` tu i' dseamf' do quiá'` Jesús jo cajíin'`:

—Niñib'` jnea' e tí' lí'` nijáab' i' cajíng'` Fidiée' i' nisíin'` do i' líing'` Dsea' Jmáang'` i' nicá'` nifí'` quí'ii', joba' mí'` tí' lí'` nigüéeng'` dsea' do fí' la, í'` guib dsea' i' ni'é'` jnea'` jalé'` e jo.

26 Joba' cañíi'` tu Jesús quiáin'` do jo cajíin'`:

—Dsea' í'` bi jnea' i' sing'` s'íng'` cóo'` 'nú'` lana.

27 Jo lajee'` gui'` nang'` fé'` Jesús e job, mí'` caguíling'` i' dsea' quiá'r'` do i' cangolíng'` e cangoleáa'` e nidó'`r, jo mí'` cangáin'` Jesús e táang'` dsea' do s'íiin'` cóo'` jaang'` dseamf, joba' eáam'` cangogá'` dsíir'` mí'` cangár'` lajo. Jo dsu'` jíí'` jaang'` dsea' do ja

cateá'` dsíir'` fa' eè'` nijming'`r` Jesús uii'` quiá'` i' dseamf i' sing'` do, o'si e'` quiá'` e s'íiin'` do é. 28 Jo ngf'` jo, jo dob casée'` i' dseamf do e dsuu'` quiá'r'` do e lí'` sí'í'` niguié'r'` jmií'` do, jo caquim'` tur fí'` jee'` fii'; jo mí'` caguíéin'` fí'` jo, canaain'` guiar'` júu'` jee'` jaléng'` dsea' góor'` jo sí'` rein'` lala:

29 —Má'aa', jo majmicuíng'`naa' jaang'` dseañu'` i' nicamán'` n i' nicajmea'` jnea'` júu'` quiá'` jalé'` ba' e nicajmé' e jééng'` gui, jo jangám'` íb' i' dsea' i' cajíng'` Fidiée' i' nisíin'` fí'` jmigüí'` la i' líing'` Dsea' Jmáang'` i' nicá'` nifí'` quí'ii'.

30 Jo mí'` canúu'` i' dsea' góor'` do e júu'` jo, dsifib'` ca'uøøiin'` fí'` jee'` fii'` colíing'` cóo'` i' dseamf do jo cangolíin'` fí'` lí'` táang'` Jesús. 31 Jo dsu'` lajee'` nú'` gui e niguüíin'` do fí'` lí'` táang'` Jesús, i' dsea' quiá'` Jesús do casí'r'` dsea' do jo cajíin'`:

—¿Já'` cø'`` juá'` í'``, Tifa'`?

32 Joba' dsea' do cañíir'` lala:

—Seab'` cóo'` e jíé'` gui e 'né'` nidóø'`ø e jíí'` 'nú'` ja'` ní'` na'` jial líí'.

33 Jo mí'` tí'` lí'` canúu'` i' dsea' quiá'r'` do e jo, joba' canaain'` s'íiin'` lajee'` la'ó'` yaain'` jo jming'`f'` rúin'`:

—Jangám'` song líing'` i'` nijaca'` e nicagó'`r.

34 Joba' cañíi'` Jesús quiá'` i' dsea' quiá'r'` do jo casí'` rein'`:

—'Né'` nijmee'` e lajíí'` e iing'` i' dsea' i' casíng'` jnea'` do, jogui e nijmité'` e lajíí'` ta' e cangáin'`n quiá'` dsea' do, joba' e job e líí'` lafa'` mí'` gó'`ø ii' e litaan'`n guí'`f. 35 Jo dsu'` 'nú'` fó'`na'` lala: "Né'` bi quiúung'` gui sí'` e nicuø'` lajíí'` e cangojneá'` do"; jo dsu'` jnea'` gui fíi'` i' 'nú'` e 'né'` cá'`na'` cuente e lajíí'` e sijnea'` do

nicalineáang, joba' nicuø' li~ jóng e nicatb' í' e nisitfing'. ³⁶Dsucø' i dseà i jmóo' ta~ e sitfing' lajii' e roo' do, joba' ím' bre lajii' e catíiñ quiá' e ta~ e jmóor' do. Cø' jalé' e roo' e sitíiñ' do líí' laco' jaléng' dseà i liseeng' cøong' cøo' Fidiée' lata~. Jo cø' lajob líí', joba' i dseà i jni' do cøo' gui i dseà i sitfing' do, røøb' nilí'íáang' dsíir' lajii' tú' íiñ' do mi~ caroo' e cajnír' do. ³⁷Cø' e jáb' dseáng' lajii' e júu' røø' e fé' lala, "I jiém' i dseà i jni' do, jogui i jiém' bi i nisitíí' mi~ níró'." ³⁸Jo jneab' dseà casíin' n' nú' e caguisitfing' na' lajii' e caroo' do e jii' 'nú' ja caquié' na' ta~ quiá' jial cangojnea~ jalé' e jo, cø' i jiém' i dseà i cajmée' ta~ jo, jogui 'núb' dseà i nicalí'øøng' lajii' ta~ e cajmée' i dseà í'.

³⁹Jo i fíim' dseà i seeng' e fii' Sicar do jáb' calíiñ' júu' quiá' Jesús la'eáang' cøo' júu' e cajmée' i dseamf' do ie~ mi~ cajíñ' lala: "I dseañu' do nicajmea' bre jnea~ júu' quiá' jalé' ba' e nicajmé' e jéeng' gui." ⁴⁰Jo mi~ tí' lí' caguilíng' i dseà góo' i dseamf' samaritana do fí' lí' táang' Jesús, joba' camír' jmi'ee' fa' nijé' bi dseà do cøo' ír'. Joba' lajob cajmée' dseà do, cajé' bre cøoiñ' do lajee' tú' jmi~, ⁴¹jo i fíim' bi i dseà í' cajáng' yaaiñ' fí' jaguó' Jesús mi~ canúur' lajii' júu' e fé' dseà do. ⁴²Jo lalab casí' i dseà do i dseamf' dseà góor' do:

—Jo lana dseáng' lajang' júu' nijá' líí' naa' júu' quiá' i dseà na, cø' dseáng' nicanú' baa' yee' naa' jial líí' júu' quiá'r' jo o' jii' e júu' e cajmée' 'nú' jnea' do. Joba' nine' baa' jogui nita' bi dsi' naa' cajo

e dseà íb' i láang' dseà jmigü' jee' jalé' dsee' quiáiñ'.

Mi~ cajmi'leáang' Jesús jaang' siming' jiuung'

⁴³Jo mi~ cangf' e tú' jmi~ e caje' Jesús cøo' i dseà do, cagüi'íí' bre e fí' guóo' uó' lí' se' Samaria do jo ca'íb' tur fí' e ngóor' fí' lí' se' Galilea. ⁴⁴Dsucø' líí' laco' gui jii' júu' e tiing' Jesús, e jii' jaang' dseà i fé' cuaiñ' quiá' Fidiée' fa' jmi'gó' dseà góor' ír'. ⁴⁵Jo dsu' mi~ caguiéng' Jesús fí' góor' fí' lí' se' Galilea, jalém' i dseà i seeng' fí' jo guiáb' ca'íñ' dseà do, cø' jaléng' i dseà í' cangolíim' bre fí' Jerusalén e catí' jmi~ Pascua, jogui cangá' bre jalé' e quíi' jmi~ e cajmée' Jesús ie~ jo.

⁴⁶Jo lajee' jo caquim' tu Jesús fí' e fii' e sii' Caná do e née' lí' se' Galilea e fí' lí' cajmée' e ca'uíng' jmi' m'í' huíng' jø' e jmi~ do. Jo fí' job niseeng' jaang' dseà nu'luu~ quiá' jaang' dseata~ dseà féng', jo dseà í' niseeng' jaang' siming' jiuung' quiá'r' i níráang' dsée' fí' e fii' e sii' Capernaum.

⁴⁷Joba' mi~ tí' lí' caliñi' dseà do e nitáang' Jesús e fí' fii' jo e jaiñ' fí' lí' se' Judea, joba' cangó' bre fí' lí' táang' dseà do, jo camí'r' dseà do jmi'ee' fa' e nidséiñ' do fí' quiá'r' e nidsijmi'leáiñ' i siming' jiuung' quiá'r' do, cø' ráaiñ' do e tí' lí' nijúum' bre. ⁴⁸Joba' cañii' Jesús quiá' i dseà do jo cajíñ':

—'Nú' ja' já' nilíim' bi' fíng' song' ja' nimó' na' jalé' lí' e quíi' i jmi~ jmóo'.

⁴⁹Joba' cañii' tu i dseà nu'luu~ do quiá' Jesús jo casí'r' dseà do:

—Fíi' i, fa' jgiée' o' e guó'ba' lajminá' fí' quié' e ná'gui e nijúung' i jiuung' quié' e do.

⁵⁰Joba' lalab cañí' Jesús quiá' i dseañu' do jo casí' reiní'.

—Quíng' tu fí' quií' , co' nica'láam' jóo'.

Joba' lajob cajmée' i dseañu' do, caquim' tur fí' quiár' , co' jáb' calíin' lajii' júu' e casí' Jesús ír'. ⁵¹Jo lajee' iuiin' fí' e ngaiñ' fí' quiá' bre mi' cajín' guiá' fí' i dseá' 'léeng' quiár' i jalíing' fí' jo, jo lalab cajíng' dseá' do mi' cajín'.

—Nica'láam' jóo'.

⁵²Jo mi' canú' i dseá' do e júu' jo, joba' cajmingí' reiní' do e í' dseáng' e calláang' i jóor' do.

Joba' lalab cañí' i dseá' 'léeng' do quiár' :

—Lado guíee' la ii' coo' e callóob' caguá' iu' guíin' jo calláam' bre.

⁵³Jo mi' canú' i tiquiá' i jiuung' do e júu' jo, joba' dseáng' calilí'r' e dseáng' e í' job mi' casí' Jesús ír' e nica'láam' jóor'. Joba' i dseá' do colíing' coo' jaléng' dseá' sinúu' quiá'r' cajám' yaain' fí' jaguó' Jesús ie' jo.

⁵⁴Jo coo' e nab catí' tú' e lí' e quií' Jesús jmií' e cajméer' ie' mi' caquing' tur fí' lí' se' Galilea e jaiñ' fí' lí' se' Judea.

Mi' cajmi'leáang' Jesús jaang' dseá' i caang' tii'

5 Jo mi' cangfí'gui lajo, mi' catí' tu í' e jmóo' dseá' Israel jmií' fí' Jerusalén, joba' fí' job caquing' tu Jesús e ngotíin' e jmií' jo. ²Jo ie' jo, e fí' dsíi' iá' cuu' e sí' lacúng' Jerusalén do, quiéeng' coo' o'ná' fí' lí' ngíing' jaléng' jo'se'

jiuung' i tíing' dseá' Israel jngaiñ' mi' tí' jmií'. Jo quiá' e o'ná' do silíi' coo' lí' a' jmií' e fe' eáang' e sii' Betzata coo' jmií' hebreo. Jo e fí' 'ni' e lí' a' jmií' do quiéeng' 'niá' ni'núu' jiu, ³jo fí' job seeng' fíing' dseá' dsée' e lí' doñi' ee' jmohuí' líin'; do i tiuung', dogui i jlúu', dogui i caang' tii' i teng' ni' uó'.

Jo jaléng' í' sijeein' e nijó' e jmií' do. ⁴Co' fé' dseá' e seab' mi' jgáang' jaang' ángel fí' dsíi' e jmií' do, joba' nijó'b' e jmií' do mi' nijgiáang' í'; jo mi' calí' jo, i dseá' la'uii' i ni' fí' dsíi' e jmí' do, joba' ni'leáam' bre jóng' lí' doñi' ee' jmohuí' líiin'.

⁵Jo jee' jaléng' i dseá' dsée' do niquiéeng' jaang' dseañu' i nidsée' lajii' ningóo' guigui' dsí' jniá' jii'.

⁶Jo mi' caguié' Jesús fí' jo, cangáin' i dseañu' i dsée' do e dob ráain' jogui caliñir' e lajii' líi'ba' nidsée' i dseá' do, joba' cajmingí' reiní' do jo casí' reiní'.

—¿Lin' e ni'leáan' lajii' jmohuí' lin'?

⁷Joba' cañí' i dseá' dsée' do quiá' Jesús lala:

—Fíi' i, ja' ii' seeng' fa' ii' nijmicoo' jnea' e ni'ú'u' fí' dsíi' e jmií' do mi' cangí' e nijó', jo co' lacoo' ya' mi' iin' ni'ú'u' fí' jo, dseá' jiem' dsijéeng' quié' e.

⁸Joba' cañí' Jesús quiá' i dseá' do:

—Ráan', jo see' e 'ma' lí' dsíin' na jo guóng'.

⁹Jo dsífi' lanab ca'láang' i dseañu' do, jo cacó' bre e 'ma' lí' dsíin' do, jo canaain' ngí' bre jóng. Jo ie' jo dseáng' cangotíing' jmií' e jmi'íng' dseá' Israel. ¹⁰Joba' mi' cangá' i dseá' quié' nifí' quiá' dseá' Israel e

niquiéè ì dseà ca'láang̃ do e 'ma lí dsíiñ^ do, joba' lalab casí'r̃ dseà do:

—Jmíĩ e jmi'ím' dseà lana, joba' ja cuòøng̃ fa' e co' e 'ma' na.

¹¹Jò dsu' lalab cañi' ì dseà ì lami' dsée' do quiá' ì dseà góor̃ dseà Israel ì casí' ír̃ lajo:

—Jò ì dseà ì cajmi'lee' quié e do casí'r̃ jnea' lala: “Ráan', jò see' e 'ma' lí dsíiñ^ na jò guóng'.”

¹²Joba' cajmingí'tu ì dseà Israel do ì dseañu' do jò cajíiñ:

—¿Í'gui ì dseà ì casí' 'nu e nicó' e 'ma' lí dsíiñ^ do jogui e niguón'?

¹³Jò dsu' ì dseañu' do jíi' ja ñir' ì ì cajmi'leáang̃ ír̃ do, co' ladsifib' cango'íing̃ tu Jesús jee' ì dseà fíing̃ ì siseáng' do ie' jò. ¹⁴Jò mi' cangí' jò, dob cadséng̃ tu Jesús ì dseà ì cajmi'leáaiñ̃ do fí dsíi' sinúu' guá' fé' e si' fí Jerusalén jò lalab casí' reiñ̃ do:

—Janú', lana nica'láam̃ ba' lajii' jmohuí' e lami' lin', jò jie' mí ee' tu' dsee' calé' catú', dsuco' fíng song cajmee' tu' lajo, joba' huíng̃ guib nidsijée' quií' jóng.

¹⁵Jò ngí jò, cangób̃ ì dseañu' ì lami' dsée' do e cangojmea'r' júu' jaléng' ì dseà ì quié nifí quiá' dseà Israel e Jesús sii' ì dseà ì cajmi'leáang̃ ír̃ do. ¹⁶Joba' jaléng' ì dseà Israel do ningir' 'náiñ' Jesús e laco' nijmeáiñ' dseà do ga' uí' e cajmée' dseà do e jò 'ñia' ie' jmií' e jmi'íng' jaléng' dseà góor̃ dseà Israel. ¹⁷Jò dsu' Jesús lalab casí'r̃ jaléng' ì dseà do:

—Tiquié'e ja' mí catúr̃ jíi' cateá' ta' quiá'r̃, jogui lajob jmóo' jnea' cajo.

¹⁸Jò mi' canúu' jaléng' ì dseà ì quié nifí quiá' dseà Israel do e

cajíng' Jesús lajo, joba' eáang̃ guib ca'f dsír' e nijngáiñ' dseà do, co' o' jíi' e cajmi'leáaiñ̃ ì dseà dsée' do 'ñia' ie' jmií' e jmi'íng' dseà góor̃ dseà Israel, co' lajob cajo fé'r̃ e røøb' líiñ̃' cóo' Fidiée' mi' fé'r̃ e Fidiéeb' dseà líing̃ Tiquiá'r̃.

Ja' jmóo' ì Jóo' Fidiée' ì camíing' do la tíiñ̃ 'ñia'r'

¹⁹Jò co' niñib' Jesús jial' í' dsíi' ì dseà do, joba' lalab casí'r̃ dseà do:

—E laba' jmitaa' óo'na', e jíi' coo' cuòøng̃ lí jmee' jnea' la tíiñ 'ñiá'a, jnea' dseà líiñ ì Jóo' Fidiée' camíing', co' dseáng' lajii' e móo'o e jmóo' Tiquí'ii', lajii' e joba' e jmóo'o cajo. Co' jalé' e móo' jnea' e jmóo' Tiquí'ii', joba' e job jmóo'o cajo. ²⁰Co' Tiquí'ii' eáam' 'neáaiñ̃ jnea', jogui e'bre jnea' jalé' e jmóor̃; jogui ni'é' bir jnea' cajo jalé' e niing̃ gui e laco' nidsi'gò' óo' 'nú' eáang̃ gui. ²¹Co' lí' laco' jmóo' Tiquí'ii' e jmijí'tur jaléng' 'líi' jogui e cuør' e niliseeng̃ tuiñ̃, joba' lajobi jnea', dseà líiñ Jóor̃, lajob jmóo'o cóo' jaléng' dseà ì iiñ n jmee' cóo' lajo. ²²Jò Tiquí'ii' ja' quidsir' í' quiá' jíi' jaang' dseà uí' dsee' quiáiñ, co' jneab' dseà nicangíiñ quiá'r̃ e ta' jò e catíiñ n nijmee' e lajo. ²³Jò cajmée' Tiquí'ii' lajo e lí' laco' lajii'ng̃ dseà nijmi'gór̃ jnea' lí' laco'gui jmi'gò' dseà ír̃. Dsuco' ì dseà ì ja' jmi'gò' jnea', dseà líiñ Jóo' Fidiée', joba' lajob cajo ja' jmi'gór̃ Tiquí'ii', dseà ì casíng̃ jnea' fí jmi'gú' la.

²⁴Jò e laba' jmitaa' óo'na', e doñi' i' dseà ì já' líing̃ júu' quié e jogui núu'r' júu' quiá' ì dseà ì casíng̃ jnea' fí jmi'gú' la, joba' jaléng'

dsea ì niñfìmbre e seeiñ` cøøng` còo' Fidiée` lata` jo ja` nidsilfiñ` fí` lí` 'lí'; co' lí' lafa' lamí` sǰjúum` bre, jo dsu' lana lí' lafa' nicají' tur la'eáang` còo' Fidiée`. ²⁵ Jogui dseáng' jmita` baa óo'na' e tí` lí` nití` í' jo dseáng' lanab líy e jaléng' dsea ì lafa' 'líing` uúí' jalé' dsee` quiá'r` ninúr` júu` quié` e, dsea líin`n Jóo' Fidiée`; jogui jaléng' dsea ì ni'íng' e júu` jo, niliseem`bre la'eáang` còo' jnea`. ²⁶ Jo lí' laco' Tiquí`ii' Fidiée` 'niá'`bre dsea cuø' e seeng` dsea, joba' lajob cajo dsea í`bing' ì nicacuø' jnea`, dsea líin`n Jóor, e laco' 'niá'`baa dsea cuøø` dsea e seeiñ`. ²⁷ Jogui nicacuø' bir jnea` e oo` ta` e niquidsii` í' quiá' jaléng' dsea jmigüí` uui` quiá' jalé' dsee` quiáin'`, co' jneab` dsea` cagá` a fí` ñiff` e líin`n jaang` dsea jmigüí`. ²⁸ Jo ja` güidsigá` óo'na' quiá' jalé' e fíi` 'nú'` la, co' niguiéeb` jmiñ` mi` jaléng' dsea ì ni'líing` ninúr` júu` quié` e ²⁹ jo ni'uóin` fí` dsii` ée` quiá'r`. Jo ie` jo jaléng' ì dsea ì ca'ée' jmang' e guiá` nijí' tur e laco' niliseeñ` cøøng` còo' Fidiée`, jo dsu' jaléng' ì dsea ì cajmée` jalé' e ja` dseeng` nijí' tur e lí' laco' ni'íñ'` iihuí'.

Jie` fí` lí` jáa` fí` quiá'` Jesús còo'` jalé'` e jmóor`

³⁰ Jo fíi` túu` 'nú'` e jíi'` còo'` cuøøng` lí` jmee` jnea` la ñii` 'niá'`a. Co' jnea` mi` quidsii` í' quiá'` jaléng'` dsea, e jo jmóo`o laco' ta` quiá'` Tiquí`ii' Fidiéeb`, jogui dseáng' røøb` jalé' e jmóo`o do cajo. Jo ja` jmóo`o la tiin` 'niá'`a jalé' e jo, co' lajíi' e iing` Tiquí`baa' e jmóo`o, co' dsea

íb` ì casíng` jnea` fí` jmigüí` la.

³¹ Jo faco' jnea` fá'`a juguiá` cuaiñ` quié` e 'niá'`a, joba' ja` e quíng` jíi'` còo` e júu` do fí` quini'` 'nú'` jóng.

³² Jo dsu' seem` jaang`gui ì fé'` guiá` uui` quié` e, jogui tab` dsii` e jalé' e júu` do quíim` fí` quini'` 'nú'`.

³³ Jo 'núb'` dsea` casíng`na' dsea ì cangojming`íi'` ì Juan ì seáang` dsea` jmiñ` do ì dseáng'` jnea`, jo tab` dsii` e jmang'` júu` jáb'` dseáng'` fé'` ì Juan do. ³⁴ Jo dsu' jnea` ja` 'neán`n dsea` jíéng'` ì nijmé` júu` uui` quié` e ì dsea` líing` jnea`; jo fá'`a e júu` la e lí' laco' 'nú'` nilí'`na' leáng`na' jee` jalé' dsee` quiá'`na'.

³⁵ Jo jalé'` júu` e caguia` ì Juan do líi' laco' cajlíi'` quíi` e coo` e laco' e' dsea` fí; jo 'nú'` lajee` cateá`ba' cajmi'íáang` óo'na' còo'` jalé'` e júu` e caguia` ì Juan do. ³⁶ Jogui jalé'` e jmóo` jnea` do eáang`gui cuø` lí` ì jnea`, jo eáang`guib` niing` laco' e júu` e cajíng'` ì Juan do uui` quié` e; co' lajíi'` e jmóo` jnea`, ta` job e cacuø' Tiquí`ii' Fidiée` jnea` e nijmee` e. Jo jalé'` e jmóo`o do cuø` lí` e Tiquí`ii' Fidiéeb` dsea` casíñ` jnea` fí` jmigüí` la. ³⁷ Jo ì Tiquí`ii' do, dsea` íb` ì fé'` juguiá` uui` quié` e. Jo dsu' 'nú'` ja` mí` canúu`na' júu` quiá'r` o'gui mí` cañíng`na're cajo, ³⁸ o'gui seeng`na' e jmití`na' júu` quiá'` dsea` do, co' ja` mí` ca'íng`na' jnea` dsea` casíñ` fí` jmigüí` la. ³⁹ Jogui 'nú'` dseáng'` tá'` camí'` júub` jmitíng`na' e fé'` fí` ní` jí` quiá'` Fidiée`, co' sijeeng`na' e fa' lajob nilíñ'`na' jial cuøøng` e seeng`na' cøøng` còo'` dsea` do lata`; jo dsu' jalé'` e júu` do lajíi'` uui` quié`baa e fé'. ⁴⁰ Jo dsu' 'nú'` ja` iing`na' fa' nijáang'` yaang`na' fí`

jaguó'o e laco' niliseeng`na' cøong` còo' Fidiée'.

⁴¹Jø fíi` guíi` 'nú'`, ja` e líi` quíe` jnea` jial líi` jalé' e fé' dseà` jmigüí` uii` quíe`-e, ⁴²dsu'` nicuíim` jnea` 'nú'` guíá` jial líing`na', jo niñi` baa guíú` e ja` 'neáang`na' Fidiée'. ⁴³Jø jnea` cagá`a fí` jmigüí` la cuaiñ` quiá'` Tiquié`e, jo dsu'` 'nú'` ja` íing`na' jnea`. Jogui` faco' jaang`gui dseà` i` nijáa` i` ja` ií` seeng` i` síi` quiá'r` , jo dsu'` ni'íim`'ba' i` dseà` í. ⁴⁴Jø` çjial` já'` nilíing` 'nú'` júu` quíe` e fíng song lico' jmfíeng` rúng`na' lajee` la'ó'` yaang`na' jo dsu'` ja` jmi'goo`na' 'ñia'` Fidiée` dseà` fé'r` guíá` uii` quíi`na'? ⁴⁵Jø` ja` í` óo`na' e jnea` ni'níin` n` 'nú'` fí` quini` Tiquié`e, co'` 'líi`` yúu`` quíi`na' i` sii`` Moi` dseà` ca'níiñ` 'nú'` còo'` júu` quiu'` ta` e cajme'r` do, jo íb` i` síjeeng` 'nú'` i` nijmicóo'` quíi`na'. ⁴⁶Cofa'` 'nú'` já'` calíng`na' lajíi'` júu` e cajme'r` i` Moi` do fí` ni`` jì` quiá'r` , joba'` lajob` já'` líing`na' jnea` cajo, co'` e fí` ni`` júu`` jo cuaiñ` quíe`baa e fé'. ⁴⁷Jø` song` 'nú'` ja` já'` líing`na' e júu` e cajme'r` í, joba'` çjial` cuøong` e já'` nilíing`na' lajíi'` júu` e fíi` i` 'nú'` jóng?

Jø lanab` jíi'` líi` júu` quiá'` Jesús e casí'r` dseà` i` quíe` nífi` quiá'` dseà` Israel ie` jo.

Mi` cahéng` Jesús` 'ñiá` mil dseañu`
(Mt. 14:13-21; Mr. 6:30-44; Lc. 9:10-17)

6 Jø mi` cangf` jo, coo` jmií` cangó` Jesús líi` lí` 'ngóo'` e guíeé` e sii` Galilea do, jogui` sii` bi` cajo Tiberias. ²Jø fíim` dseà` ngoliiñ` fí` lí` ngóo'` dseà` do, dsuco'` jéeng`gui nicangár` jalé'` e li` e quíi'` dseà` do jmií` e jmóor` mi`

jmi'leáaiñ` jaléng'` dseà` dsée'`. ³Jø mi` caguié` Jesús colíing` còo'` dseà` quiá'r` fí` líi` lí` 'ngóo'` e guíeé` do, jo cangoliiñ` fí` coo` yú'` mó'`, jo mi` caguiliiñ` fí` jo, dob caguár` colíing` còoiñ` do. ⁴Jø nijaquiéeng` jmií` Pascua ie` jo e quí'` tíing` dseà` Israel e jmóor` fí` Jerusalén.

⁵Jø lajee` guíing` Jesús e fí` yú'` mó'` do, cangár` e i` fíing` dseà` nijalíng` fí` lí` guíiñ` , joba'` lalab casí'r` jaang` lajee` i` dseà` quiá'r` do i` sii` Lii` jo cajíñ'`:

—¿Jie` fí` nidsilea`aa' jalé'` e nidó'` i` dseà` 'leáang` i` nicaguíilíng` la lana?

⁶Dsu'` cajíng'` Jesús e jo e líi` laco'` niliñir` e` nijíng'` i` Lii` do cuaiñ` quiá'` e jo, co'` niñi` bre guíá` 'ñia'r` quiá'` jial nijmér` cuaiñ` quiá'` e do. ⁷Jø lalab cañii` Lii` e casí'r` Jesús: —Nañi` fa'` nili`lée'` cabøø` iñi'` e nidsé` laji` cuu` e 'léeng` dseà` lajee` guíang` si'`, dsu'` ja` nilíim` bi` quiá'` lajiing` i` dseà` na e nitíiñ` jmá'` capi'` lajaang` lajaaíñ`.

⁸Jø mi` canúu` e júu` jo i` dseà` jaang`gui quiá'` Jesús i` sii` Df` , i` líing` rúng'` Tú` Simón, joba'` lalab casí'r` Jesús:

⁹—Lab sing'` jaang` jiuung` i` quíe` 'ñiá` iñi'` e líi` còo'` m'í` cebada còo'` gui gáng` 'ñu` i` nicuíing` , jo dsu'` e la ja` jíe'` lí` nidsibó'` jee` i` dseà` fíing` na.

¹⁰Joba'` cañii` tu` Jesús quiá'` i` dseà` quiá'r` do jo cajíñ'`:

—Síi` go'` jaléng'` i` dseà` na guíi`né'r` lí` nigüear` lajaang` lajaaíñ`.

Jø e fí` mó'` jo ia'` seà` nuu` rø'`, joba'` fí` job` caguá` jaléng'` i` dseà` do, jo jee` i` dseà` do quíing'` jíe'` ja` 'ñiá` mil dseañu'`. ¹¹Jø mi` cangf` jo,

ca'ím' Jesús e iñí' e se' i jiuung~ do jo cacuø'r' gui'máang' Fidiée'; jo mi~ cangf jo, canaaiñ' jmóor' guiée^ jee~ jaléng' i dseà i caseáng' do ie~ jo. Jo lajob cajo cajmээр' cóo' i ñu~ do, cajmее'bre guiée^ jee~ jaléng' i dseà do car' jié' jii' iññ' do. ¹²Joba' mi~ tí lí' calitaang~ i dseà do guiú', lalab cajíng' Jesús casí'r~ i dseà quiá'r~ do:

—Sití'na' jalé' 'ná' e caseáng~gui na, jo tea'na' líng, co' jii' ca'ná' ja 'né~ nidsitøng'.

¹³Joba' lajob cajmее' i dseà do, casitím'bre jalé' e 'ná' e caseáng~gui do quiá' laji' ñiá' e iñí' cebada do, jo guitu' 'matá'gui carøng~ cóo' e 'ná' e caseáng~ do. ¹⁴Jo mi~ tí lí' cangá' i dseà fíng' do e lí' e qui' Jesús jmi~ e cajmээр' do, joba' canaaiñ' sñiñ` lajee' yaaiñ~ jo fé'r':

—I nab dseáng' dseà i cajíng' Fidiée' i nisíñ' fí' jmiçuí' la i nífé' cuaiñ~ quiá'r~.

¹⁵Jo niñib' Jesús e i dseà i fíng' do iññ~ nitøø'bre ír' la'uung' e laco' nicár' nifí' quiáñ' do, joba' cajmi'nám'tu' ñia'r' jee~ i dseà do, jo cajgóor~ calé' catú' cartí' yú' e mó' do e laco' niliúng' ñia'r'.

Mi~ cangi' Jesús fí' ni~ jmi~

(Mt. 14:22-27; Mr. 6:45-52)

¹⁶Jo mi~ tí lí' jaquiéeng' e ni'f' núu' e jmi~ do, i dseà quiá' Jesús do catisím'bre fí' lí' née' e guiée' do. ¹⁷Jo mi~ caguiliñ' fí' 'ni' e guiée' do, cangotáam'bre fí' dsí' cóo' móo', jo canaaiñ' cua'bre e guiée' do e teáaiñ' fí' ngoliñ' fí' Capernaum. Jo cóo'b' mi' calí' núu', jo dsu' Jesús ja' mí' cajím'bi' rúñ'

cóo' i dseà quiá'r~ do. ¹⁸Jo lajee' ngolíng' i dseà quiá' Jesús do e teáaiñ' fí' dsí' e móo' do, jo cóo' canaang' e fí' gui' e tea' eáang', joba' canaang' e róo' jmi~.

¹⁹Jo lajee' ningoliñ' e fí' ni~ jmi~ do tíib'jiu la 'ñiá' osi jñu~ kilómetro, jo cóo' cangám'bre Jesús e nijaquiéeng' dseà do fí' quiá' e móo' do e nijaiñ' ngír' fí' ni~ jmi~. Jo mi~ cangáng~ i dseà do Jesús e jang' dseà do ngír' fí' ni~ jmi~, joba' cajá' e 'gó'bre. ²⁰Joba' dsifí' lanab cajíng' Jesús casí'r~ i dseà do lala: —iJneab' la, jo ja' føøng'na'!

²¹Jo i dseà quiá'r~ do e iáang' dsí'bre ca'íñ' dseà do fí' dsí' e móo' lí' teáaiñ' do; jo dsu' lajee' job e jii' ja' lí' lanab catíñ' lajaléñ' do fí' uø' quiú' e fí' lí' sí'f' nitíñ' do.

Mi~ canaang' i dseà fíng' do 'naiñ' Jesús

²²Jo mi~ cajneá' e jmi~ jo, jaléng' dseà i sijeeng' Jesús lí' lí' 'ngóo' cataang' e guiée' do calilí'r' e jaléng' i dseà quiá' Jesús do nicangoliñ'bre cóo' e móo' cóo' ñia' e si' do jéeng'gui, jo dsu' Jesús ja' mí' cangaiñ' cóo' i dseà quiá'r~ do. ²³Jo lajee' job caguiliñ' jéng'gui dseà i teáang' dsí' móo' i jalíng' fí' cóo' fii' e sii' Tiberias, jo caguiliñ' fí' guoo' uø' quiú' quiá' fí' lí' cagó' i dseà i fíng' do mi~ cangf e cacuø' Fii'naa' Jesús gui'máang' Fidiée'. ²⁴Joba' mi~ tí lí' calilí' i dseà fíng' do e jo seeng' Jesús fí' do o'gui i dseà quiá'r~ do, joba' cajgóo'bre fí' dsí' cóo' móo', jo cangoliñ' cango'néem'bre dseà do fí' Capernaum.

**Jesús líiĩn̄ laco' e iĩĩ' e
cuø' e seeng' dseà lata~**

²⁵ Jo mi' tí lí caguilíng' ì dseà fíng' do fí lí' lí' ngóo' cataang' e guíeé' do, joba' fí' job cajíĩn' Jesús jo lalab cajmĩngí' r' dseà do:

—Tifa', ¿lí' cañĩng' 'nũ' fí' la?

²⁶ Joba' cañĩĩ' Jesús quiá' ì jaléng' ì dseà do jo cajíĩn' :

—E laba' jmitaa' óo'na' e 'nú' 'náng' tu' jnea~ lana, dsucø' lado guíeé' caquíe' na' car' caróm' ba', jo dsu' ja' 'náng' na' jnea~ uing' quiá' e nicangáng' na' e' guóng' jalé' e lí' e quíĩ' ì jmiĩ' e nicajmé' e do.

²⁷ Joba' fíĩ' ì 'nú' ja' jmiquíng' lí' óo'na' cuaiñ' quiá' jalé' e gø' dseà e ja' huøø' ee~, co' 'nú' lí' lí' 'né' e guing' óo'na' cuaiñ' quiá' jalé' e taang' dseà e sea' contøøng' , co' e joba' e cuø' e seeng' dseà cøøng' cøø' Fidiéé' lata~. Jo e joba' nicuøø' jnea~ jaléng' dseà, jnea~ dseà gáa'a fí' ñiff' e líĩn' jaang' dseà jmigüí' , co' ta' joba' casíng' Tiquí' i' Fidiéé' jnea~ fí' jmigüí' la.

²⁸ Joba' cajmĩngí' ì dseà do Jesús, jo casí' r' dseà do lala:

—¿E' 'né' nijmó' jnea' e laco' nilítĩ' jalé' e iing' Fidiéé' e nijmó' oo'?

²⁹ Joba' lalab cañĩĩ' Jesús quiá' ì dseà do:

—E lab e iing' Fidiéé' e 'né' nijmee' na', e ni'fing' na' jnea~, dseà ì casíĩn' fí' jmigüí' la.

³⁰ Joba' cañĩĩ' tu' ì dseà do quiá' Jesús, jo casí' r' dseà do lala:

—Jøgui 'nũ', ¿e' lí' e quíĩ' jmiĩ' cuøøng' lí' jmée' quí' naa' la e laco' já' nilí' naa' júu' quí' i'?, øgui ¿e' jalé' jmoø' 'nũ'? ³¹ Co' lalab júu'

sea' quiá' 'lí' dseà áang' quí' i' e cangíĩĩn' e cagø' r' iĩĩ' e sii' maná lajee' cangir' fí' ni' guóo' uø' quié' maliĩ' gui lí' laco' gui la fé' fí' ni' jì' quiá' Fidiéé' lí' fé' : “Jo Fidiéé' dseà cacuø' jaléng' ì dseà do iĩĩ' e cagø' r' e jáa' fí' ñiff' .”

³² Joba' lalab cañĩĩ' Jesús quiá' ì dseà do jo cajíĩn' :

—E laba' iin' n jmitaa' óo'na', e ø' Moi' ì cacuø' ì dseà áang' quí' na' do e iĩĩ' e cajalí' fí' ñiff' do, dsucø' 'ñiab' Tiquié' e Fidiéé' dseà cuø' e iĩĩ' e já' e jáa' fí' ñiff' do. ³³ Dsucø' jnea~, dseà gáa'a fí' ñiff' , líĩn' laco' e iĩĩ' e cuø' Tiquí' i' Fidiéé' do e laco' liseeng' dseà cøøng' cøø' r' lata~.

³⁴ Joba' ì dseà do camí' r' Jesús lala jo cajíĩn' :

—Fí' i', cuøø' jnea' contøøng' e iĩĩ' jo.

³⁵ Joba' casí' Jesús jaléng' ì dseà do jo cajíĩn' :

—Jneab~ dseà líĩn' e iĩĩ' e cuø' e seeng' dseà lata~ ; øgui ì dseà ì já' líĩng' júu' quié' e øgui nicajáng' yaaiñ' fí' jaguóo'o, joba' jo' tøø' jmiĩ' fa' niguiá' gui jmi' aaiñ' ø' gui jmi' jmiĩĩn' . ³⁶ Jøgui lí' laco' jíĩ' e nicafí' ì 'nú' , nañĩ' fa' nicañĩm' ba' jnea~, dsu' ja' já' líĩm' bi' jnea~.

³⁷ Jo jaléng' dseà ì nicacuøng' Fidiéé' jnea~, joba' jaléng' dseà í' ím' bre jnea~ ; øgui jaléng' ì dseà í' ni' ím' baare cajo. ³⁸ Co' jnea~ ja' cagá' a fí' ñiff' e cagajméé' e lajĩĩ' e iin' n 'ñiá' a, co' cagá' a e lí' laco' cagajméé' e lajĩĩ' e iing' Tiquié' e nijmee' baa, co' íb' dseà ì casíng' jnea~ fí' jmigüí' la. ³⁹ Jo ì dseà ì casíng' jnea~ fí' jmigüí' la iĩĩ' e ja' ni'fing' jíĩ' camíng' ì dseà ì

nicacuøin' jnea~ do, co' lí' lí' iin~
e nijmee~ e e nijí'tur mi~ tí' lí' jo.
40 Co' lajíi'~ e iing~ Tiquié'e Fidiée~
e jaléng' dseà ì jáng' yaang~ fí'
jaguóo'ò jogui já' líiin' júu^ quié~e,
jneá~ dseà líin'n Joo' Fidiée~, joba'
iing~ Fidiée~ 'ña'r' e jaléng' ì dseà
í' niñiim~bre e niliseeiñ` cøong`
còo'r' lata~; jogui jnea~ nijmee~ e e
nijí'tur mi~ tí' lí' nití' í' lajo.

41 Jo mi~ tí' lí' canúu~ ì dseà Israel
do e júu^ quiá' Jesús do, joba'
canaaiñ` éeiñ` dseà do lajee' la'ó'
yaañ~, co' dseà do fé'r' e í'bre dseà
líiin' e iñí' e cajgó' fí' ñiff'. 42 Joba'
canaaiñ` sí' rúin' lala:

—Jo ¿su o' ì Jesús labi ì líing' ì
joo' Sé^ do? Co' jneaa'aa' cuim'baa'
i~ niquiá'r' jogui i~ tiquiá'r', jo ja
ne'naa' jiali' fé'r' e jáar' fí' ñiff'.

43 Jo mi~ canúu~ Jesús e júu^ jo,
joba' casí' reiñ' do lala:

—Túu'na' e éeng'na' jnea~. 44 Jo
fíi' i' 'nú' e jíi'~ jaang' dseà cuøong`
lí' jáng' 'ña'r' fí' jaguóo'ò fíng song
Tiquí'ii' Fidiée~ ì casíng` jnea~ fí'
jmigúí' la ja nijajéeng` ì dseà í' fí'
quinií'; jogui jneab~ dseà nijmée'~e
e nijí'tu jaléng' ì dseà í' mi~ tí'
lí' jo. 45 Jo lalab fé' fí' ni~ jì' quiá'
Fidiée~ e cajme' ì dseà ì café'
cuaiñ~ quiá'r' malií'gui eáang' ie~
lami~ cajín' lala: “Fidiéeb` dseà
ni'é'r' lajaang` lajaang` dseà.” Joba'
jaléng' dseà ì ninú' júu^ quiá'
Tiquí'ii' do jogui nilitíiin' guiú'
quiá' dseà do, joba' còo'r' jneab~
nijatáaiñ` jóng.

46 Jo dsu' ofa' fál'a e seeng` dseà
ì nicangáng~ Tiquí'ii', co' lajíi'~
jneá bing' ì nicangáng~ dseà do, jo
íb` dseà ì casíng` jnea~ fí' jmigúí' la.
47 Jo e laba' jmitaa' óo'na' e jaléng'

dseà ì já' líing` júu^ quié~e, joba'
cøong` liseeiñ` còo'r' Fidiée~ lata~.

48 Jo dseáng'~ jneab~ líin'n e
iñí' e cuø' e seeng` dseà lata~.

49 Jo jaléng' 'líi' yúu~ quií' 'nú'
cagó'bre e iñí' e sii' maná do ie~
lami~ cangir' fí' ni~ guóo'~ uø~ quié'
do, jo dsu' nañi' fa' cagó'r' e jo co'
cajúm~bre mi~ catí' í' quiá'r'; 50 jo
dsu' jnea~gui fál'a quiá' e iñí' e
jáa' fí' ñiff' do, co' ií' dseà ì ni'íng'
e nidó' e jo, joba' ja' tóo' jmií' fa'
nijúuiñ~. 51 Jogui co' jneab~ dseà
líin'n e iñí' e nicajá' fí' ñiff' e laco'
cuø' e seeng` dseà lata~, joba' doñi'
ií' dseà ì ni'íng' e nidó' e iñí' jo,
joba' dseáng'~ lata~ niliseeiñ` cøong`
còo'r' Fidiée~. Jo e iñí' jo líi' ngúu'
táam'baa, co' e joba' nijáa'~a e laco'
cøong` niliseeng` dseà còo'r' Fidiée~
lata~.

52 Jo mi~ tí' lí' canúu~ ì dseà Israel
do e júu^ jo, joba' canaaiñ` tting'
júu^ quiá'r' lajee' la'ó' yaañ~ uii~
quiá' Jesús, jo jmingí' rúin' lala:

—Jo ¿jial cuøong` e ì dseañu'
na nicuø'r' ngúu' táaiñ` e lafa'
niquiee'naa'?

53 Joba' cañií' tu Jesús quiá' ì dseà
do jo casí' reiñ':

—Dseáng'~ e laba' jmitaa' óo'na',
e song 'nú' ja' ni'íng'~na' jnea~
laco'gui mi~ jmitaang` yaang~na'
guiú' còo'r' e iñí' do, o'gui ni'u'na'
jmi'øøñ~, jnea~ dseà cagá'a fí' ñiff'
e líin'n jaang` dseà jmigúí', joba'
ja' quií' jmií' jóng e nilí'na' e
niliseeng`na' cøong` còo'r' Fidiée~
lata~. 54 Co' ì dseà ì íng' jnea~ lí'
laco'gui mi~ jmitaang` yaañ~ guiú'
jogui í'r' jmi'øøñ~, joba' dseà íb`
ì niñiing` e niliseeiñ` cøong` còo'r'
Fidiée~ lata~; jogui jneab~ nijmee~ e

e nijí' tu jaléng' í mi~ nitf' í' lajo.
⁵⁵ Dsucó' mi~ íng' dseà jnea~ líí' coq̄ e gø' dseà e laniing~ íng^ ta~ quiá'r~, jogui e jmi'øøn~ do, líí' coq̄ e í' dseà e laniim~ cajo. ⁵⁶ Co' i dseà i íng' jnea~ líí' laco'gui mi~ jmitaang~ yaang~ dseà guiú~ jogui i í' jmi'øøn~ do, joba' cøøm~ niliseeiñ còq̄' jnea~, jogui lajobi jnea~ cajo cøøm~ niliseen~ còq̄' ír'.

⁵⁷ Jo Tiquí' i' Fidiéé' i casing^ jnea~ fí' jmigüí' la contøøm~ seeiñ~, jogui la'eáang' í' ba' seeng^ jnea~ cajo; jogui lajobi jaléng' i dseà i íng' jnea~ laco'gui mi~ jmitaang~ yaaiñ~ guiú~, dseáng~ contøøm~ niliseeiñ~ la'eáang' còq̄' jnea~. ⁵⁸ Jo fál'a e júu^ na cuaiñ~ quiá' e iñí' e cajgó' fí' ñífí', co' e iñí' la ja líí' laco' e iñí' e si' maná do e cagó' 'líí' yúu~ quií' na' lajee~ cangir' fí' ni~ guóo' uø~ quiú~, co' nañí' fa' cagó' bre e jo, jo dsu' cajúm~ bre mi' catí' í' quiá'r~; dsu' jaléng' i dseà i íng' jnea~ laco'gui mi~ jmitaang~ yaaiñ~ guiú~ còq̄' e iñí' do, joba' dseáng~ latab~ niliseeiñ~ cøøng^ còq̄' Fidiéé'.

⁵⁹ Jo lanab jjí' líí' júu^ quiá' Jesús e ca'e'r' jaléng' dseà i caseáng' e fí' sinúu' guá' quiá' dseà Israel e si' fí' Capernaum.

**Seem` dseà i ja` íng' júu^
 quiá' Dseà Jmáang~**

⁶⁰ Joba' mi' tí' lí' canúu~ i dseà do lajíí' e cajíng' Jesús do, i fíim^ jaléng' i dseà do i lamí' ngí' còq̄'r~ do cajíñ' lala:

—Dsíng' huíng' e ni'íing~ naa' lajíí' e júu^ e fé'r' na, jo ja líí' dsi' naa' e seeng^ dseà i já' nilíng^ lajíí' júu^ quiá'r~.

⁶¹ Jo co' niñib' Jesús lajíí' e ée' i dseà do quiá'r~, joba' cajmíng'í'r~ dseà do lala:

—¿Su 'ní' máam' 'nú' e júu^ quié e la? ⁶² ¿E~ ni'í' áa'na' fíng song nimáang~ na' jnea~ e niníng' túu fí' lí' lamí' guíin~ fí' ñífí', jnea~ dseà cagá' a fí' jo e líin~ jaang^ dseà jmigüí'? ⁶³ Jo e Jmiguí' quiá' Fidiéeb' e cuø' e seeng^ dseà lata~, jo dsu' ja' quií' dseà jmigüí' jmií' fa' e nijmér~ e niliseeng^ dseà lata~; jogui jalé' júu^ e nicafíí' i 'nú' na líí' la'eáang' còq̄' Jmiguí' quiá' Fidiéé', jogui cajo cuø' e liseeng^ dseà lata~. ⁶⁴ Jo dsu' seem' 'nú' i ja' mí' ca'ím' bi júu^ quié e latí' lana.

Jo cajíng' Jesús lajo co' ñí' bre guiú~ latí' mi~ uiing~ i jaléng' i dseà do i dseáng' ja' ni'íng' ír~, jogui i~ i nijáng' ír' fí' jaguó' jaléng' dseà cøøng' e quiá' e nijjúiñ~.

⁶⁵ Jogui lalab cajíng' guír:

—Jo uíí' e lajob líí', joba' nicaffí' i 'nú' e jíí' jaang^ dseà cuøøng^ lí' jáng' 'ñia'r' fí' jaguóo' fíng song ja' nijajéeng^ Tiquí' i' Fidiéé' ír' fí' quinií'.

⁶⁶ Jo latí' ie~ job, i fíim^ dseà i lamí' ngí' còq̄' Jesús catiúum~ bre dseà do, jo caquium' bre e ngir' còq̄' dseà do. ⁶⁷ Jo co' calilí' Jesús e jo, joba' cajmíng'í'r~ i dseà guitúung^ quiá'r~ do jo cajíñ':

—Jo ¿su la quié' 'náb' iing~ na' nijmi'naang^ yaang~ na' quié e cajo?

⁶⁸ Joba' cañí' Tá' Simón quiá' Jesús jo cajíñ':

—Fíí' naa', dseáng' ja' í' dsi' baa' e nidsitáang~ naa' còq̄' dseà jíéng', co' jíí' 'nab' dseà cuø' júu^ quiá' jial seeng^ dseà cøøng^ còq̄' Fidiéé' lata~. ⁶⁹ Joba' jnea', nicajáang~

yeeˉnaa' fí jaguóo', co' dseáng'ˉ
nitabˉ dsiˉnaa' e 'nubˉ lin' dseá ì
casiingˉ Fidiéˉ fí jmigüü' la e lin'
dseá güeang'ˉ quiá'rˉ.

⁷⁰Joba' lalab cañí' Jesús quiá'ˉ ì
dseá quiá'rˉ do:

—Jneabˉ dseá nicaguín'ˉn 'nú' e
nilíng'na' dseá guitúungˉ quiéˉ e, jo
dsu' jeeˉ 'núb'ˉ quiijeáangˉ jaangˉ ì
nilíng' dseá quiá'ˉ fiiˉ ì 'ling'ˉ.

⁷¹Jō miˉ cajíng'ˉ Jesús lajō, café'rˉ
dsu' e éeiñˉ ì Judas ì líng' jóo'
Simón Iscariote, jō jaˉ e líí' e ì Judas
do quiim'ˉ bir jeeˉ ì dseá guitúungˉ
do, dsu' dseá í'bing'ˉ ì nijáng'ˉ Jesús
fí quiniˉ dseá cōong'ˉ e quiá'ˉ e
nijúuiñˉ.

Jí'gui jaléng'ˉ rúng'ˉ Jesús jaˉ
já'ˉ lííiñˉ júuˉ quiá'ˉ dseá do

7 Jō miˉ cangfıgui lajō, dob ngí'
Jesús fí jalé'ˉ fiiˉ e téé'ˉ lí' se'ˉ
Galilea e jmóorˉ lají'ˉ taˉ sinú'rˉ. Jō
ieˉ jō jaˉ iñˉ dsérˉ fí lí' se'ˉ Judea,
co' jaléng'ˉ dseá góorˉ dseá Israel ì
teáangˉ nifí ì seengˉ fí jō 'náiñ'ˉ dseá
do e iñˉ nijgám'ˉ breiñ'. ²Dsu' ieˉ jō
nijaquiéengˉ jmiñˉ quiá'ˉ dseá Israel
e quí'ˉ tñiñˉ jmo'rˉ 'núu má'ˉ 'maˉ e
laco' jmguiéng'ˉ dsíirˉ jial miˉ cangirˉ
fí niˉ guóo'ˉ uóˉ quiéˉ maliñˉ gui
eáangˉ, ³joba' lalab cajíng'ˉ jaléng'ˉ ì
rúng'ˉ Jesús do jō casí'ˉ reiñˉ:

—Jaˉ guingˉ jí'ˉ fí la, jō fí lí' se'ˉ
Judeab guóo'ˉ, jō lajōba' jaléng'ˉ dseá
ì tí' dsíiˉ núuˉ júuˉ quií'ˉ ì seengˉ
fí jō nijóorˉ jalé'ˉ e quí'ˉ jmiñˉ
jmoo'ˉ. ⁴Co' miˉ jaangˉ dseá iñˉ e
nilicuí'ˉ gui dseá quiá'rˉ, joba' fí lí'
jóoˉ dseabˉ 'né' jmérˉ jalé'ˉ e jmóorˉ
do. Jō co' 'nú' jmoo'ˉ jalé'ˉ e dsigá'
dsíiˉ dseá, joba' fí quiniˉ dseá fíimˉ
'né' jmé'ˉ jalé'ˉ e jō.

⁵Jō fé'rˉ lajō co' jí'gui jaléng'ˉ
ì rúng'ˉ Jesús do jaˉ já'ˉ lííiñˉ júuˉ
quiá'ˉ dseá do. ⁶Jō lalab cañí'
Jesús quiá'ˉ ì rúíñˉ do jō cajíñˉˉ:

—Jaˉgui mí' catí'ˉ í' quiéˉ e e
nijmijnéengˉ 'ñiá'a fí quiniˉ fíingˉ
dseá, jō dsu' quií'ˉ 'nú' doñiˉ eé'
jmiñˉ cuóongˉ lí' güilíng'na' jíé'ˉ
fí lí' iingˉna'. ⁷Jō fíi'ˉ 'nú' e jaˉ eé'
uiingˉ seá quiá'ˉ jaléng'ˉ dseá jíéng'ˉ
e nilí' 'ní' níiñˉ 'nú'ˉ, jōgui dsu'
jneá'gui contóomˉ 'ní' níngˉ dseá,
co' jneaˉ jmóo'o e líñi' dseá røø uii'
quiá'ˉ jalé'ˉ e gaˉ e jmóorˉ. ⁸Joba'
fíi'ˉ 'nú' e cuóomˉ lí' güilíng'na'
e jmiñˉ jō, jō dsu' jaˉ lí' nií' jneaˉ
lajminá'ˉ, co' nabi jaˉ mí' catí'ˉ í'
quiéˉ e e nijmeeˉ e lajō.

⁹Jō lanab casí'ˉ Jesús ì rúíñˉ do,
jō dob cajerˉ fí lí' se'ˉ Galilea, jō
ì rúíñˉ do cangolíimˉ bre fí lí' tí'
jmiñˉ.

Mí' cangotíng'ˉ Jesús jmiñˉ quiá'ˉˉ
'núu má'ˉ 'maˉ fí Jerusalén

¹⁰Jō miˉ cangí' e cangolíngˉ ì
rúng'ˉ Jesús do fí lí' catí' jmiñˉ,
jōguiba' cangó' Jesús fí jō, jō jaˉ
fíingˉ dseá ì ngolíngˉ cōo'rˉ, co' jaˉ
iñˉ dsérˉ fí jō jeeˉ dseá fíingˉ. ¹¹Jō
lajeeˉ tí' e jmiñˉ do, jaléng'ˉ dseá
quiéˉ nifí quiá'ˉ dseá Israel ngirˉ
taˉ 'náng'ˉ Jesús, jō sñiñˉ lajeeˉ la'ó'
yaaíñˉ jō fé'rˉ lala:

—¿Jieˉ fí iuungˉ ì dseañu'ˉ do?

¹²Jō eám' sñingˉ jaléng'ˉ ì dseá
Israel ì siseáng'ˉ do cuaiñˉ quiá'ˉ jalé'ˉ
e jmóo' Jesús. Jō jeeˉ do quiéngˉ ì
líingˉ dseá ì fé'ˉ lala: “Jaangˉ dseañu'ˉ
ì guíumˉ líiñˉ do”; jōgui jeeˉ dobi
quiéngˉ dseá ì fé'ˉ cajo: “Í dseañu'ˉ
í jaˉ dseengˉ éerˉ, jōgui lico' ngirˉ taˉ
jmgíóongˉ jaléng'ˉ dseabˉ.”

quia' Fidiée' jee' dsea'. Jo jangám' í' dsí' jaléng' dsea' i' quie' nifi' quí'ii' e dseáng' já'ba' e dsea' dob i' Dsea' Jmáang' i' sijeeng'naa' i' nicá' nifi' quí'ii'. ²⁷ Jo jneaa'guí' ne'baa' røø' jie' fí' lí' jáa' i' dseañu' na, jo dsu' mi' nití' í' e nijáa' i' dsea' i' sijeeng'naa' do, jíí' jaang' dsea' ñir' jie' fí' lí' nijáa' dsea' do.

²⁸ Jo mi' tí' lí' canú' Jesús lajíí' e s'íng' i' dsea' do lajee' e uuuiñ' e'r' dsea' fí' sinú' guá' fé' e sí' fí' Jerusalén, joba' cañir' teá' jo cajín':

—E já' e nicuíim'ba' jnea~, jogui ñiñ'bi' jie' fí' lí' gáa'a. Jo dsu' jnea~ ja' cagá'a fí' la e la ñii' ñiá'a, co' cagá'baa dsu' júu' e sinú' u' quia' i' lajang' do e jíí' 'nú' ja' cuíng'na' í'. ²⁹ Jo dsu' jnea~ cuíim'baare guíu~, co' cuaiñ' quia'bre e cagá'a fí' jmigüí' la, jogui dsea' í'bing' i' casíng' jnea~ cajo.

³⁰ Jo mi' canú' jaléng' i' dsea' Israel do júu' quia' Jesús, joba' lamí' iin' nisám'bre dsea' do, jo dsu' ja' calí'r' fa' cajméer' lajo, co' ja' mí' catí' í' quia' dsea' do fa' e nidsing'íin' lajo. ³¹ Jo lajee' jaléng' i' dsea' i' teáang' núu' júu' quia' Jesús do, fíim' i' dsea' í' já' calíin' júu' quia' dsea' do ie' jo, jo lalab síin':

—Mí' nigüéeng' i' Dsea' Jmáang' i' sijeeng'naa' i' nicá' nifi' quí'ii', ja' lí' dsí' naa' e nijmér' jmiguiú'gui jalé' e lí' e quí'r' jmií' laco'gui la jmóo' i' dseañu' la lana.

Mí' cajmée' dsea' quijí'
jial nisáin' Jesús

³² Jo mi' canú' dsea' Israel i' líing' dsea' fariseo lajíí' e s'íng' dsea' uii'

quia' Jesús, joba' jaléng' i' dsea' í' cóo'gui jaléng' fii' quia' jmidsea' casíin' jaang' gáng' íí' quia' guá' e laco' nidsiséiin' Jesús e fí' lí' iuung' dsea' do. ³³ Jo co' ñiñib' Jesús e í' dsí' i' dsea' do, joba' cajín' casí'r' jaléng' i' dsea' teáang' do ie' jo:

—Ja' huøø' eáang' nitaang' jnea~ cóo' 'nú' fí' la, jo mi' ningí' jo, niním' túy cóo' i' casíng' jnea~ e cagá'a fí' jmigüí' la. ³⁴ Jo ie' jo, fíim' 'nú' ni'nang'na' jnea~ jo dsu' jo' niguiéng'na' jnea~, co' ja' quí' jmií' e nigüíling'na' fí' lí' ninín'n.

³⁵ Jo mi' canú' i' dsea' i' quie' nifi' quia' dsea' Israel e jo, jo ladsifí' lanab canaaín' e jmíngí' rúin' lala jo fé'r':

—¿Jie' fí' lí' nidséng' i' dseañu' na e jo' quí' jmií' fa' e niguiéng'naa're? Jo jangám' song nidsér' fí' guóo' uø' lí' huíí' fí' lí' neáang' jaléng' dsea' góo'naa' dsea' Israel e nidsí'ée'r' jaléng' dsea' i' ja' líing' dsea' góo'naa' i' neáang' fí' jo. ³⁶ Jo ¿e' guóng' mí' fé' i' dseañu' na e ni'náng' dsea' í'r' jo dsu' ja' íí' niguié' quia'r', jogui e ja' cuøøng' íí' nidsilíng' fí' lí' niguiéin' do?

Jo lanab casíng' i' dsea' quie' nifi' quia' dsea' Israel do ie' jo.

Jial líí' mí' íng' dsea'
Jmiguí' quia' Fidiée'

³⁷ Jo 'ñia' ie' ngóo' cadséng' jmií' e jmóo' dsea' Israel ie' jo, jo dseáng' ie' jmií' job e í' dsí'r' e niing'gui lajee' e jmií' e jmóor' do. Jo ie' job casíng' 'ñia' Jesús fí' quini' jaléng' dsea' jo café'r' teá' jo cajín':

—Song íí' 'nú' lí'na' e jmijmíng'na', joba' ñilíng'na' fí'

lí sín'n la, jo nilí'ba' jmiì e u'na'.
³⁸Jo lí' laco'gui la fé' Fidiée' fí' ni~ jì' quiá' lí' fé'r lala: "Jo mi~ já' líng' dseà júu' quie' e, jo e jo líí' lafa' niníng' jmiì' fí' dsíir'; jo e jo cuø' e liseeín' cøong' cøo'~ Fidiée' lata'."
³⁹Jo cajíng'~ Jesús lana uí'~ quiá'~ Jmiguí' quiá'~ Fidiée' e ni'íng'~ jaléng'~ dseà i nijá'~ líng' júu' quiá'r. Jo dsu' e Jmiguí' do ja' mí' cagüea' jee' ír', cø' ja' mí' casám' b'i Jesús e nidséin'~ fí' lí' cajar' fí' níif' e ni'uíng'~tur dseà laniíng'.

Mi~ ca'naang' jaléng' dseà quiá' rúin' uii' Jesús

⁴⁰Jo mi~ canúu~ i dseà do júu' quiá'~ Jesús, jo i líing'~ i dseà í' canaaín' s'íin' lala:
 —Dseáng'~ i dseañu' lab i sijeeng'naa' i nisíng'~ Fidiée' i nífé' cuain'~ quiá'r'.

⁴¹Jogui i líing'~gui i dseà do fé'r':
 —I lab Dseà Jmáang'~ i sijeeng'naa' do i nicá' nifí' quí'ii'.

Jo dsu' i líing'~guiin' do fé'r':
 —U, ø' Dseà Jmáang'~ i na, cø' ja' cuøong' e dseà í' nijáar' e líiin' jaang' dseà i seeng' fí' lí' se' Galilea. ⁴²Cø' lalab fé' Fidiée' fí' ni~ jì' quiá'r' e dseáng'~ 'néb' e Dseà Jmáang'~ líiin' dseà siju' dseata' Daví', jogui 'né' e niníin'~ fí' Belén e fí' lí' calí' gøo' dseata' Daví'.

⁴³Jo lajob jaléng'~ i dseà do ca'naam'bre quiá'~ rúin' uii' Jesús.
⁴⁴Jo lajee' i dseà í' seem'biñ' do i lami' iing'~ nitøø' Jesús e nijniñ' dseà do, jo dsu' ja' calí'r' fa' cajméer' lajo.

Jaléng' dseà i quie' nifí' quiá' dseà Israel ja' íñ' Jesús

⁴⁵Jo mi~ caguíling'~tu i íi'~ quiá'~ guá'~ i casíng' dseà Israel i líing'

dseà fariseo do i lami' sí'í' nisáng'~ Jesús do, jo i dseà fariseo do colíing'~ cøo'~ jaléng'~ fii' jmidseà' cajmíng'~r' dseà do jo cajín'':

—¿Jialí' ja' catee'na're?
⁴⁶Joba' cañii' i íi'~ do quiáin'~ do lala:

—Jíi'~ jaang' dseà ja' mí' calicuíng'~naa' i fé' jlo'~ laco' fé' i dseà do.

⁴⁷Joba' lalab cañii' i dseà Israel i líing' dseà fariseo do quiá'~ i íi'~ do:

—Jo ¿su la quie' 'núb' cajo nicaligøng'na' júu' quiá'r'? ⁴⁸Cø' jíi'~ jaang' dseà quie' nifí' quí'ii' ø'gui dseà Israel i líing' dseà fariseo caguiaang'~gui fa' já' nicalíin'~ júu' quiá'~ i dseà do. ⁴⁹Jo dsu' i dseà i la 'nú' i ja' cuí' júu' quiu' ta' quiá' dseà Israel, fí' lí' 'lib'~ catíng'~na' quiá'~ Fidiée'.

⁵⁰Jo mi~ canúu~ i Nicodemo do, jaang' dseà Israel i líing' dseà fariseo i cangó' cango'ee' Jesús cøø' née', joba' dseà í' lalab cañíir' quiá' dseà do:

⁵¹—Lí'~ laco'gui la fé' fí' ni~ jì' quiá'~ júu' quiu' ta' quí'ii', e ja' cuøong' nicuøø'naa' dsee' jaang' dseà e jíi'~ ja' mí' cane'ee' røø' jalé' e jmóor' do, su guíu' øsi ja' dseeng' é.

⁵²Joba' lalab cañii' i dseà do quiá'~ Nicodemo:

—Jo ¿su dseà Galileab líing'~ 'nu' cajo? Jo jminá'~ jmitíng'~ júu' quiá'~ Fidiée', jo lajoba' niliñ'~ e jíi'~ jaang' dseà i fé' cuain'~ quiá'~ Fidiée' ja' mí' cajar' fí' lí' se' Galilea.

⁵³Jo mi~ cangf jo, lajaléng'~ i dseà do caquiin'~ cangolíin'~ fí' quiá'r'.

Jaang' dseamf i catáng' i iuung' ta' 'léé'

8 Jo mi~ cangf e cangolíng' jaléng'~ i dseà do, ca'íb' Jesús

fi' e cangór- fi' coo' yá' mó' e sii' Olivos. ²Jo mi' cajneá' e jmi' coo'gui do, joba' caquim'tur fi' guá' fé' e si' fi' Jerusalén, jo mi' caguiéin' fi' jo, fiim' dseá' i cangoquiéeng' fi' li' siñ', joba' caguár' lana jo mifíing' canaaín' e'bre i dseá' do júu' quiá' Fidié'.

³Jo lajee' e guing' Jesús e e'r' i dseá' do, caguilíng' coo' tú' m'ing' dseá' Israel i líing' dseá' fariseo colíing' coo' tifa' quiá' júu' quiá' ta' quiá' dseá' Israel, jo jéein' jaang' dseam' i nínicatóoin' i iuung' ta' 'lee' coo' jaang' dseañ' i o' quiá'r'. Jo mi' caguilíin' fi' jo, dob casín' i dseam' do jee' i dseá' i teáang' do ie' jo, ⁴jo lalab casí'r' Jesús:

—Tifa', i dseam' la nínicatóong' naa're lajee' e guiáang' i iuuiñ' ta' 'lee' coo' jaang' dseañ' i o' quiá'r'. ⁵Jo fi' ni' júu' quiá' ta' e cajme' Moi' fé' e jaléng' i dseam' i jmoo' lajo 'né' niquiung' dseá' ír' cuub' cartí' nijúuin'. Jogu' 'nù', çjial fól'?

⁶Jo cajíng' i dseá' do lana e lí' lacó' 'nó'r' jial niguiér' e nicuó'r' Jesús dsee' fi' quini' dseata'. Jo dsu' Jesús dsifi' mi' canúur' e jo lico' catúum'bre, jo mifíing' canaaín' jmo'r' fi' jee' 'lee' coo' niguóor'.

⁷Jo co' ja' quiung' i dseá' do e jming' bir Jesús cuaiñ' quiá' e jo, joba' casíng'tu 'ña' dseá' do jo cajíñ' casí'r' i dseá' do:

—Doñí' ii' 'nú' e lí' áa'na' e ja' eè' dsee' røong'na' jíi' coo', joba' teáang'na' i dseam' na' la'uii' cuu'.

⁸Jo mi' cang' e cajíñ' lajo, caléb'tu catúuin' fi' ni' uó', jo canaaín' jmo'tur jee' 'lee' coo' niguóor'. ⁹Jo dsifi' mi' canúu' i

dseá' do lajíi' e cajíng' Jesús, dsifi' lanab canaaín' dsilíin' tá' jáin', jo la'uii' canaang' ngolíng' jaléng' i niyúu'gui, jo coong'gui lajo cangolíng' jaléng' i le'eáang'gui, jo lajob' cajméer' car' cató' uóoin' lajiiin'. Jo coob' mi' calilí' Jesús e 'ña'bre catúung'guir coo' i dseam' do, ¹⁰joba' casíng'tu 'ña'r', jo mifíing' cajmíng'í'r' i dseam' do jo cajíñ':

—¿Jie' fi' ningotáang' i dseá' i lami' 'níng' 'nù' do? Jo ¿su jíi' jaaín' ja' eè' cajmeáin' 'nù'?

¹¹Joba' cañii' i dseam' do quiá' Jesús jo cajíñ':

—U', jíi' jaaín' ja' eè' cajmeáin' jnea', Fii' i.

Joba' cañii' tu Jesús quiá' i dseam' do jo cajíñ':

—O'gui jnea' eè' nijmeáan' 'nù' cajo, jo lana guóng' fi' quíi', jo jo' güibeáang'gui uó' dsee' melé'.

Jesús líiin' e jí' e jneá' jee' dseá' jmigüi'

¹²Jo mi' cang' jo, cangób'tu Jesús fi' lí' siseáng' dseá', jo lalab casí'r' jaléng' dseá' do:

—Jnea' líin' e jí' e jneá' jee' dseá' jmigüi'; joba' jaléng' dseá' i ngí' colíing' coo' jnea', niliseab' e jí' do quiá'r' co' e joba' e cuó' e seeng' dseá' lata', jogui cajo jo' tóo' jmi' fa' niliseeng'guir fi' lí' nù' só'.

¹³Jo mi' canúu' dseá' Israel i líing' dseá' fariseo e júu' jo, joba' lalab cañiir' quiá' Jesús:

—'Nù' lico' fól' jíi' uii' quiá' jalé' e guíu' e jmoo' uó'ba', joba' jalé' e fól' do ja' e quíing' jíi' coo'.

¹⁴Joba' cañii' Jesús quiáin' do jo cajíñ':

—Quíim jalé' e júu e fá' jnea~, nañi' fa' 'ñiá' baa fá' a uii' quié' e 'ñiá' a, co' ñi' baa guíu' jie' fí' lí' cagá' a jogui jie' fí' lí' niníng' túu cajo; jo dsu' 'nú' gui ja' ñi' na' jíí' coo' e jo. ¹⁵ Co' 'nú' ñi' na' í' quiá' jaléng' dsea' lí' laco' gui la í' óo' na' yaam' ba'. Jo dsu' jnea' gui ja' jmóo' do lajo quiá' jíí' jaang' dsea' la ñii' 'ñiá' a. ¹⁶ Jo song jmóo' do lajo dsu' laco' catíim' niquidsii' í', jo ja' 'ñiá' a niquidsii' í' cajo, co' Tiquí' ii' i' casíng' jnea' fí' jmigüi' la, íb' i' jmico' jnea' e quidsii' í' quiá' dsea' laco' catíng'. ¹⁷ Jo fí' ní' júu' quiu' ta' quíi' 'nú' fé' e mi' seeng' gáng' dsea' i' tíi' ni' røø' quiá' lajíí' e calí' do, joba' quíim' e júu' do laco' sí' í'. ¹⁸ Jo jnea' líin' jaang' i' tíi' ni' quiá' jalé' e jmóo' do, jogui Tiquí' ii' dsea' i' casíng' jnea' fí' la líin' jaang' gui dsea' i' tíi' ni' quiá' jalé' e jo cajo.

¹⁹ Joba' cajmíng' i' dsea' do Jesús jo cajíin':

—Jo ¿jnan' gui Tiquíi' jóng?

Joba' cañii' Jesús quiá' i' dsea' do jo casí' reiñ':

—'Nú' ja' cuíng' na' jnea~, o'gui cuíng' na' Tiquié' e cajo; co' faco' cuíng' na' jnea~, joba' cuíim' ba' la quie' Tiquié' e cajo.

²⁰ Jo jalé' e júu' na' cajíng' Jesús lajee' e iuiiñ' e' r' dsea' fí' dsii' sinúu' guá' fé' e si' fí' Jerusalén ca' e fí' lí' téel' guóo' e ta' r' cuu' quiá' guá'. Jo dsu' jíí' jaang' dsea' ja' i' cateá' dsii' fa' casaiñ' dsea' do lajee' jo, co' ja' mí' catf' bi' í' e nijmé' dsea' lajo.

“Ja' quí' jmií' nigüilíng' na' fí' lí' niníng' jnea'”

²¹ Jo mi' cangf' jo, lalab casí' tu Jesús i' dsea' fíng' do:

—Jnea~, coob' mi' nití' í' e ninín' n, jo 'nú' ni' nam' ba' jnea~, jo dsu' 'nú' nijúum' ba' jee' jalé' dsee' quíi' na'. Co' 'nú' ja' quí' jmií' fa' e nigüilíng' na' fí' lí' niníng' jnea~.

²² Jo mi' canúu' i' dsea' Israel i' teáang' do ie' jo e júu' jo, joba' lalab cajíin':

—Jangám' song í' dsii' i' dsea' na e nijngáng' 'ñia' r', joba' jíin' e ja' cuøøng' nidseá' naa' coo' r' fí' lí' nidséin'.

²³ Jo mi' calilí' Jesús e fé' i' dsea' do lajo, joba' casí' r' dsea' do:

—'Nú' jíí' fí' lab jíí' lí' seeng' na', jo dsu' jnea' fí' yáb' gáa' a; co' jíí' dsea' jmigüi' lab líng' 'nú', jo dsu' jnea' ja' líin' jíí' dsea' jmigüi'. ²⁴ Jo uiiing' lajoba' fíi' 'nú' e nijúum' ba' jee' jalé' dsee' quíi' na'; co' song ja' já' líng' na' e jneab' dseáng' líin' jíí' laco' fá' a e líin' n, joba' jee' jalé' dsee' quíi' ba' nijúung' na'.

²⁵ Joba' cañii' i' dsea' do jo cajmíng' r' Jesús lala:

—Jo, ¿i' dseáng' líng' 'nu' jóng?

Joba' cañii' Jesús quiá' i' dsea' do jo casí' reiñ':

—Lí' laco' gui nicafíi' i' 'nú' lami' jéeng' gui, íb' jnea~. ²⁶ Jo jmiguiab' jalé' e sea' e fíi' i' 'nú' jogui e niquidsii' í' quíi' na' cajo. Jo dsu' i' dsea' i' casíng' jnea' fí' jmigüi' la jmang' e jáb' jalé' júu' quiá' r', jo lajíí' júu' e fá' jnea' jee' jaléng' dsea' jmigüi' røøb' laco' jíí' júu' e núu' jnea' e fé' i' dsea' i' dseáng' casíng' jnea' fí' jmigüi' la.

²⁷ Jo dsu' i' dsea' do ja' cangáin' e Jesús fé' r' uii' quiá' Tiquiá' r'. ²⁸ Jo casí' Jesús i' dsea' do lala:

—Jo mi' nitáang' na' jnea' fí' yá', jnea' dsea' cagá' a fí' níif' e líin' n

jaang` dseà jmgüí, joba' nilíí' na' jóng e jneab` dseáng' lín' n' jíí' laco' fá' a e lín' n', jogui jíí' coo` ja` e jmóo` la ñii` 'niá' a, co' lico' fá' a lajíí' e nica'e' Tiquí' ii' jneab`. ²⁹ Jo i dseà i casíng` jnea` do, seem` bre coo' jnea` lana; jo ja` mí' catiúuín` jnea` 'niá' a jíí' cateá, co' dseáng' contøøm` jmóo` lajíí' e iin` e nijmee` e.

³⁰ Jo mí' tí' lí' cató' e fé' Jesús e júu` na, joba' fíim' dseà já' calíin` júu` quiá' dseà do ie` jo.

**Mí' ca'e' Jesús jial líng' dseà
i silaang` jee` dsee` quiá'**

³¹ Jo mí' cangf` jo, casí' gui Jesús jaléng' i dseà Israel i já' calíng` júu` quiá' r` do, jo cajíin` casí' rein':

—Song` 'nú' nijmití' na' lí' laco' jíí' e nica'ée` e 'nú' e nijmee` na', joba' dseáng' dseà quié` baa ni' uíng` na' jóng; ³² jogui lajob niliín' na' dseáng' la' uíng` jalé' júu` quié` e, jo lajoba' ni' uíng` na' dseà i silaang` jee` jalé' dsee` quiá'.

³³ Joba' cañii` i dseà do quiá' Jesús jo cajíin':

—Jnea' lí' naa' dseà siju` 'lii` yúu' Abraham, jo jíí' coo` néel` ja` mí' calí' naa' dseà 'léng' quiá' dseà jíéng'; joba' zjial líí' e fól' 'nu` e ni' uíng` naa' lafa' dseà silaang`?

³⁴ Joba' lalab casí' Jesús i dseà do:

—E laba' jmitaa` óo' na', e jaléng' dseà i beáng' dsee` yaang` líiin` lafa' dseà 'léng', co' e dsee` quiá' r` dob quiu' ta` ír. ³⁵ Cofa' jaang` dseà 'léng' quiá' dseà ja` catíiin` jalé' e sea' quiá' fiir, jo dsu' jaang` jóo' dseà catíim` bre lajalé' e jo.

³⁶ Jo lajob, song` jnea` calaan` 'nú' jee` jalé' dsee` e nica'ee` na', joba' dseáng' lajang' júu` ba' e nileáng' 'nú' jee` jalé' e dsee` quií' na' do.

³⁷ Jo niñib` jnea` guié` e dseà siju` 'lii` yúu' Abraham líng' 'nú'; jo dsu' 'nú' iing` na' jngang' na' jnea, co' ja` iing` na' íng' na' júu` quié` e. ³⁸ Jo jnea` fá' a lajíí' e nica' e' Tiquié` e jneab, jo dsu' 'nú' jmoona' lajíí' e fé' tiquí' ba'.

³⁹ Joba' cañii` i dseà do quiá' Jesús jo cajíin':

—'Lií` yúu' Abrahambing' líng' dseà mí' áang' qui' naa'.

Jo dsu' Jesús cañiir` quiá' i dseà do jo casí' rein':

—Faco' já' e 'nú' líng' na' siju` 'lii` yúu' Abraham, joba' laco' cajmée` íb` catíng` e nijmee` na' jóng faco' lajo. ⁴⁰ Jo dsu' 'nú' iim` bi' e nijngang' na' jnea, nañi' fa' jmang' júu` jáb' fá' jnea` lí' laco' gui nica' e' Fidié` jnea. Jogui 'lii` yúu' quií' na' Abraham dseáng' ja` cajmée` bre lajo. ⁴¹ Co' 'nú' dseáng' laco' jmóo` tiquí' ba' jmoona'.

Joba' cañii` i dseà do quiá' Jesús, jo casí' r` dseà do:

—Ja` líí' jnea' dseà i ja` ñi' i` tiquiá'; co' jaam` Tiquí' naa' seeng, jo íb` Fidié'.

⁴² Joba' cañii` Jesús quiá' i dseà do jo cajíin':

—Faco' já' e Fidié' líng' Tiquí' na', joba' 'neám` 'nú' jnea` faco' lajo, co' íb` dseà i casíng` jnea` e cagá' a fí' jmgüí' la, jogui lab sín' n' lana. Co' jnea` ja` cagá' a la ñii` 'niá' a, dsuco' dseà í' bing' i casíng` jnea` fí' la. ⁴³ Joba' fá' jnea` e ja` mí' ngáng' 'nú' júu` quié` e lana, dsuco' ja` iing` na' núu' na' e jo.

44 Jō fii~ i 'lím' lǐng' tiquí' 'nú'; jogui cō' dseà quíá' bre líng'na', jōba' jmoo'na' lajǐi' e iin~. Jō latí' mĩ' uim~ e fii~ i 'lǐng' jmóor' ta~ jngang' dseà, jogui dseáng' jǐi' cōq̄' e jmóor' do ja' cōng' cōq̄' júu' quíá' Fidié', jogui dseáng' jmgang' júu' e o' já' ba' quier'. Jō mĩ' fé'r' júu' e o' já', jōba' dseáng' fé'r' laco' la líb' jóng, cō' jaang' dseà adseam' líiñ', jogui líiñ' tiquíá' jalé' e júu' e o' já' do. 45 Jō jnea' gui jmgang' júu' já' ba' fál'a, dsu' ja' já' líng'na' júu' quíe. 46 Jō jǐi' jaang' 'nú' cuōng' lí' fo'na' e jnea' líin' jaang' dseà rōng' dsee, cō' jaang' dseà i quíe' jmgang' júu' jáb' líng' jnea~, jōba' 'jialí' ja' já' líim' bi' júu' quíe? 47 Jō jaléng' i dseà i líng' dseà quíá' Fidié' núu' bre jalé' júu' quíá' Fidié'; jō dsu' 'nú' gui ja' líng'na' dseà quíá' Fidié', jōba' ja' iing'na' núu'na' júu' quíá' dseà do.

Niseem` Dseà` Jmáang` lajǐi'` nú'`gui` e niliseeng` 'líi'` yúu'` Abraham

48 Jō mĩ' canúu' dseà Israel lajǐi' e cajíng' Jesús do, jōba' casí'r' dseà do lala:

—Nijáb' júu' quí'naa' e fé'naa' uii' quíi', e 'nú' lín' jaang' dseà samaritano jogui e iuung' i 'lǐng' a'.

49 Jōba' cañíi' Jesús quíá' i dseà do jō casí' reiñ':

—U~, jǐi' jaang' i 'lǐng' ja' i iuung' dsii' la, cō' lajǐi' e jmóo'o e lico' jmi'goo' Tiquíe' e Fidiéeb'; jō dsu' 'nú' gui ja' e jmi'goo'na' jnea~ jǐi' capí'. 50 Jō dsu' jnea~ ja' fál'a e iin' e nijmi'goo'na' jnea~, jō dsu' seem' jaang' i iing' e 'nú' nijmi'goo'na'

jnea~, jō dseà íb' i quidsi' í' laco' catíng'. 51 Jōba' jmitaa' óo'na' e doñi' ii' i núu' júu' quíe' e, jōba' dseà í' ja' tōq̄' jmi' fa' e nijúuiñ'.

52 Jōba' cañíi' dseà Israel quíá' dseà do:

—Lanaguib dseáng' nicalita~ dsí'naa' e i 'lím' iuung' áa' 'nú'. Cō' 'líi' yúu' Abraham cōq̄' gui jaléng' dseà i café' cuaiñ' quíá' Fidié' malii' gui eáang' cajúm' bre, jogui dsu' 'nú' fól' e doñi' ii' dseà i núu' júu' quíi', jōba' ja' tōq̄' jmi' fa' e nijúuiñ'.

53 Jogui 'nú', ¿su' í' a' e niing' gui' laco' gui i 'líi' yúu' Abraham do? Cō' í' nicajúm' bre, jogui jaléng' dseà i café' cuaiñ' quíá' Fidié' malii' gui eáang' cajúm' bre cajo. Jogui 'nú', ¿i' í' o' e lín'?

54 Jōba' cañíi' Jesús quíá' i dseà do jō casí' reiñ':

—Faco' jnea~ jmi'goo' 'niía'a, jōba' ja' e quíing' jǐi' cōq̄' e jmóo'o do faco' lajō. Jō dsu' Tiquíe' e Fidiéeb' dseà i jmi'gō' jnea~, i dseà i fól'na' i líng' Fidié' quíi'na' cajo. 55 Jō dsu' 'nú' ja' cuíing'na' dseà í', dsu' jnea' gui guiáb' cuíin're, jogui faco' jnea~ fál'a e ja' cuíin're, jōba' dseà adseam' líin' jóng lí' laco' gui la líng' 'nú' faco' lajō. Jō dsu' jnea' gui guiáb' cuíin' dseà do jogui jmiti'baa' júu' quíá'r'.

56 Jō i 'líi' yúu' quíi'na' Abraham do, eáam' calí'iaang' dsír' mĩ' calíin'r' jalé' e nidsingíng' jnea~, jō cō' dseáng' cangá' bre e jō, jōba' eáam' calí'iaang' dsír'.

57 Jō mĩ' canúu' i dseà Israel do jalé' e casí' Jesús ír', jōba' cañír' quíá' dseà do:

—'Nú' ja' mí' guó'bi' cincuenta jǐi', jō fól' e cañím'ba' 'líi' yúu' Abraham.

⁵⁸Joba' cañíi' tu Jesús quiá' i dsea do jo casí' reiñ':

—E laba' iin n jmitaa' ó'ona' e niseem' jnea' lajii' mi' ná' gui e niliseeng' 'lii' yúu' Abraham do.

⁵⁹Jo mi' canú' i dsea do e júu' jo, joba' dsifí' lajob casitíiñ' cuu' cóo' e sí' ní' nijngáin' Jesús; jo dsu' dsea do ladsifib' ca'méeiñ', jo cagüi' fí' bre e fí' dsí' sinúu' guá' fé' do e sí' fí' Jerusalén.

Mi' cajmée' Jesús e calijné'
jaang' dseañu' i tiuung'

9 Jo mi' cangá' gui lajo, cóo' née' cangáing' Jesús colliing' cóo' i dsea quiá'r do fí' quiá' lí' guing' jaang' dsea i tiuung' latí' mi' cangáang'. ²Joba' i dsea quiá' Jesús do cajmingí' reiñ' lala jo cajíñ':

—Tífa', éjiali' cangáang' i dsea na e tiuuiñ'? ¿Su calíñ' lana uíi' dsee' quiá'r ofa' uíi' dsee' quiá' sejmii' bre é?

³Joba' cañíi' Jesús quiá' i dsea quiá'r do jo casí' reiñ':

—Ja' líi' lajo e uíi' dsee' quiá'r calíñ' lana, o'gui uíi' dsee' e óo' sejmii'. Co' calíñ' lana e lí' lajo' cuo' lí' e lajib' quíi' Fidiée' jmií' lí' jmér'. ⁴Jo lajee' e jnea', 'né' jmó'baa' ta' lí' lajo' gui jíi' júu' e siná' naa' quiá' dsea i casíng' jnea' fí' jmigüí' la; dsuco' cóob' mi' niná', joba' jíi' jaang' dsea jo quí' jmií' fa' nijmé' guir ta'. ⁵Jo lajee' e táam' bíi' fí' jmigüí' la, joba' jneab' líiñ' e jii' e cuo' e jné' dsea jmigüí'.

⁶Jo mi' cangá' e café' Jesús e júu' na, jo cañíir' fí' ni' uó', jo cóo' e jme'e'r' do cacáin' jee' lee', jo cajméer' capí' jíi', jo cóo' e job

casúur' jmiñ' i dsea tiuung' do. ⁷Jo mi' cangá' jo, lalab casí' reiñ' do jo cajíñ':

—Gua' jo güirúu' jmiñ' fí' dsí' guiee' silíng' e sii' Siloé —jo e Siloé do guóng' Jaang' i Casíng' Dsea.

Joba' lajob cajmée' i dsea tiuung' do, cangó' bre e cangorúu' jmiñ', jo nijné' bre mi' tí' lí' caquiñ' fí' jo. ⁸Jo jaléng' dsea i neáng' jíing' lajo' lí' guíñ' do cóo' gui jaléng' dsea jíéng' i ní' quiá'r lamí' jééng' gui e guíñ' mir' cuu', joba' jaléng' i dsea í' jmingí' rúin' jo fé'r':

—¿Su o' i dseañu' nabi i lamí' gua' ta' mi' cuu' do?

⁹Jo i líing' i dsea do jíñ':

—Dsea í' bi na.

Jogui i líing' gui fé'':

—U', o' í' na, lí' lajo' jneem' bre.

Jo mi' calilí' i dsea tiuung' do e síng' dsea uii' quiá'r, joba' cañíir' jo cajíñ':

—Jnea' bi dsea í'.

¹⁰Joba' cajmingí' i dsea do i dsea lamí' tiuung' do jo casí' reiñ':

—Jo éjial cajmee' e calijné' tu'?

¹¹Joba' cañíi' i dsea lamí' tiuung' do quiá' i dsea do jo casí' reiñ':

—I dseañu' i sii' Jesús dob cajmi' leaáin' jnea' e líco' cajméer' capí' jíi' cóo' jme'e'r', jo cóo' e job casúur' jmiñ', jogui caquiñ' ta' jnea' e ninii' nirúu' jmiñ' e fí' guiee' silíng' e sii' Siloé do, joba' lajob cajmée'. Jo dsifí' mi' calí' rúu' jmiñ', ladsifí' lanab calijné'.

¹²Jo mi' cangá' jo, cajmingí' tu' i dsea do i dsea lamí' tiuung' do jo cajíñ':

—Jo ÷jnanḡgui ÷ dseañu' í lana?
 Joba' cañíi' ÷ dseà lamí tiuung̃
 do jo casí' reiñ':
 —Ja' ñii' jnaaiñ'.

**Mí cajíng' ÷ dseà tiuung̃
 do ÷ ÷ cajmi'leáang' ír'**

¹³⁻¹⁴ Jo 'ñia' ie' jmiñ' e cajmée'
 Jesús e jíi' do cóo' e calijné'
 ÷ dseà ÷ lamí tiuung̃ do, ie' jo
 dseáng' cangotíng' jmiñ' e quí'
 tíng' dseà Israel e jmi'íñ'. Joba'
 jaléng' dseà ÷ cuí' quiá' ÷ dseà
 tiuung̃ do cató'bre ÷ dseà í jo
 cangojeáang' neiñ' fí quini' dseà
 Israel ÷ líng' dseà fariseo. ¹⁵ Joba'
 mí caguiéñ' do fí jo, ÷ dseà
 Israel ÷ líng' dseà fariseo do
 cajmíng' reiñ' jial calí e calijnéñ'.
 Jo dseà do cañiir' quiá' ÷ dseà
 Israel do jo casí' reiñ':

—Mó', jíib' casúu' dseà do jminii',
 jo mí cangí jo, cangorúu' u, jo
 lajoba' calijné'e.

¹⁶ Jo mí canúu' ÷ dseà Israel ÷
 líng' dseà fariseo e júu' jo, joba' ÷
 líiñ' do cajíñ':

—I dseà ÷ cajmée' e jo ja lí'
 dsi' naa' líiñ' dseà quiá' Fidiée',
 co' ja jmi'gór' e jmiñ' e jmi'íng'
 jneaa'aa', dseà líí' dseà Israel.

Dsu' caguiaang' gui ÷ dseà Israel ÷
 líng' dseà fariseo do fé'r jo jíñ':

—Jo ÷jial quíi' ÷ dseañu' do jmiñ'
 nijmér' jalé' e jo song jaang' dseà
 dsee' dseà quib' líiñ'?

Jo e jo ca'uíng' e lajeé' la'ó' í bre
 canaaíñ' e jo' síiñ' røø. ¹⁷ Jo mí
 cangí jo, cajmíng' tur ÷ dseà ÷ lamí
 tiuung̃ do jo casí' reiñ':

—Jo laco' fól' na e ca'láam'ba'.
 Jo ée' fól' uii' quiá' ÷ dseà ÷
 cajmi'leáang' 'nu' do?

Joba' cañíi' dseà do quiá' ÷ dseà
 Israel ÷ líng' dseà fariseo do jo
 casí' reiñ':

—Jnea' lñ'n e dseà í líiñ' jaang'
 dseà ÷ fé' cuaiñ' quiá' Fidiée'.

¹⁸ Jo dsu' jaléng' ÷ dseà Israel
 ÷ líng' dseà fariseo do ja' iñ' fa'
 já' calíiñ' e lamí tiuung̃ ÷ dseà
 ÷ nijné' lana joba' cató'r' sejmii'
 ÷ dseà do. ¹⁹ Jo mí caguiliñ' do,
 joba' cajmíng' reiñ' do jo cajíñ':

—¿Su jóo'ba' líng' ÷ dseañu' la?
 Jo jmée'na' jnea' júu' røø, ¿su
 dseáng' tiuuiñ' calisém'bre? jo
 song lajo, ÷jial calí e lana nijné'r'?

²⁰ Joba' lalab cañíi' sejmii' ÷ dseà ÷
 lamí tiuung̃ do jo cajíñ':

—Cuíim' jnea' guiá' jóo'naa',
 jogui ne'baa' røø e tiuum'bre
 caliséiñ'; ²¹ jo dsu' ja' ne'naa' jial e
 calijné'r', o'gui ne'naa' ÷ ÷ cajmée'
 e calijné'r' cajo; jo nab cuøøng'
 nijmíng'na're 'ñia'r' co' nífém'bre,
 jo 'ñia'bre cuøøng' lí' jmeá'r' 'nú'
 júu' dseáng' laco' calí.

²² Jo cajíng' ÷ sejmii' do lajo,
 co' 'gól'bre fíng' eé' cajmeáng' dseà
 Israel ÷ líng' dseà fariseo ír'. Co' ÷
 dseà í, røøb' nicasíiñ' e song seeng'
 dseà ÷ jmiciúing' Jesús e líiñ' do
 Dseà Jmáang' ÷ sijeeng' dseà Israel
 ÷ nicá' níf' quiá'r', joba' jaléng' ÷
 dseà ÷ jmóo' lajo, jo' sea' fí' quiá'r'
 fa' e níquíng'guir jee' dseà Israel
 o'gui cuøøng' fa' e nidsilíng'guir
 fí' guá' quiá' dseà do cajo. ²³ Jo
 uiiñ' lajoba' cajíng' sejmii' ÷ dseà
 ÷ ca'láang' do e yaang' ÷ dseà Israel ÷
 líng' dseà fariseo do 'né' nijmíng'r'
 ÷ jóoiñ' do co' nífém'biñ' do.

²⁴ Jo ÷ dseà Israel do calé' catú'
 cató'r' ÷ dseà ÷ lamí tiuung̃ do jo
 lalab casí' reiñ':

—Fée' júu' já' fí' quini' Fidiéé', co' nineb' jnea' røø' e i Jesús do líiñ' jaang' dseà dsee' dseà quib'.

²⁵Joba' lalab cañíi' i dseà lami' tiuung' do quiá' dseà do jo cajíñ':

—Ja' ñi' jnea' su líiñ' dseà røøng' dsee' osi o' lajo é, lajii' e ñii' quiá'r e jnea' lami' tiuum' baa, jogui lana nicajméer' e nicalijné' baa.

²⁶Joba' i dseà do cajmingí' tur i dseà i ca'láang' do jo cajíñ':

—¿E' jii' e cajmée' i dseà do quií' e calijné'?

²⁷Joba' cañíiñ' do quiá' i dseà do jo casí' reiñ':

—Nicañíi' baa 'nú' lajii' e cajméer' quié' e do, jo dsu' 'nú' ja já' líng' na'. Joba' 'jiali' iing' na' e nifá' túu calé' catú' e jo? Ofa' iim' ba' é e ni'uíng' na' dseà quiá'r cajo.

²⁸Jo mi' canúu' i dseà Israel i líng' dseà fariseo do lado, joba' canaañ' s'f'r i dseà i ca'láang' do júu' 'ní' jo s'f' reiñ':

—'Nu' lin' jaang' dseà quiá' i dseà í, jo dsu' jnea' gui dseà quiá' 'líi' yúu' Moi' líinaa'. ²⁹Co' jnea' ne' baa' røø' e Fidiéé' dseà casíiñ' cóo' Moi'; jo dsu' i Jesús do jii' ja ne' naa' jie' fí' lí' jáar'.

³⁰Joba' lalab cañíi' tu i dseañu' i ca'láang' do quiá' i dseà do:

—Ee' bi júu' jo, e ja' ñi' na' jie' fí' lí' jáar', dsu' jnea' gui, dseà í' bing' nicacuø' jnea' e calijné' e. ³¹Jo ne' baa' røø' e ja' núu' Fidiéé' júu' quiá' jaléng' dseà røøng' dsee'; co' lajii' dseà i jmiféng' í' bre jogui i jmóo' lajii' e iññ', jii' dseà í' bing' i núur' júu' quiá'. ³²Jo ja' jie' lí' mí' caná' júu' e seeng' dseà i quií' jmií' e nijmér' e nilijné' jaang' dseà

i tiuung' latí' mi' caliséng'. ³³Cofa' i dseà la ja' jáar' e casí' Fidiéé' quiá'r, joba' jii' cóo' ja' e quií' jmií' lí' jmér' jóng' faco' lajo.

³⁴Jo mi' canúu' i dseà Israel i líng' dseà fariseo e júu' quiá' i dseà i ca'láang' do, joba' cajíñ' casí' reiñ' lala:

—'Nu', dseà cangáan' e eáang' silíi' dsee' 'nu', jogui lana, 'jiali' 'nu' ni'lin' e ni'é' jnea' jial 'né' jmó'oo'?

Joba' i dseà Israel i líng' dseà fariseo do caguíñ' i dseà i lami' tiuung' do congua' e fí' dsíi' sinéu' guá' quiá'r do.

Lafa' tiuum' dseà mi' røøiñ' dsee'

³⁵Jo mi' cangígui lajo, caliñi' Jesús e caguíim' dseà Israel i líng' dseà fariseo do fí' sinéu' guá' quiá'r i dseà i lami' tiuung' do, jo dseáng' jo' íng' neiñ' do. Jo mi' cajíng' tu rúng' Jesús cóo' i dseà i lami' tiuung' do, joba' cajmingí'r i dseà do jo casí' reiñ':

—¿Su já' líng' 'nu' júu' quiá' i dseà i jáa' fí' ñiff' e líiñ' jaang' dseà jmií'?

³⁶Joba' cañíi' i dseà do quiá' Jesús jo cajíñ':

—Jméé' jnea' júu' i dseà í, jo lajoba' já' nilíin' júu' quiá'r.

³⁷Joba' cañíi' Jesús quiáñ' do jo casí' reiñ':

—Nicañim' bi' dseà í, jneab' í' cóo' i sin' siin' lana.

³⁸Joba' i dseañu' i ca'láang' do casí'r uø' jniñ' fí' quini' Jesús jo casí'r dseà do:

—Jáb' líin' júu' quií', Fíi'.

³⁹Jo mi' cangí jo, cajíng' tu Jesús casí' reiñ' jo cajíñ':

—Jnea^ˉ cagá^ˉa fí jmgüí^ˉ la e lí^ˆ laco^ˆ niquidsii^ˉ í^ˆ quiá^ˉ jalé^ˆ dsee^ˉ quiá^ˉ dsea^ˆ jmgüí^ˉ, jò lajoba^ˆ jaléng^ˆ dsea^ˆ i lafa^ˆ tiuung^ˉ uíi^ˉ dsee^ˉ quiá^ˉr^ˉ ni^ˆuúí^ˉ dsea^ˆ i lafa^ˆ i jné^ˆtu calé^ˆ catú^ˆ, jogui i dsea^ˆ i í dsí^ˆ e jné^ˆr^ˉ, joba^ˆ ni^ˆuúí^ˉ dsea^ˆ i lafa^ˆ tiuung^ˉ.

⁴⁰Jò mi^ˆ tí lí^ˆ canúu^ˉ e jò còo^ˆ tú^ˆ máing^ˉ dsea^ˆ Israel i líng^ˆ dsea^ˆ fariseo i niteáang^ˉ còo^ˆ Jesús ie^ˆ jò, joba^ˆ cajming^ˆr^ˉ dsea^ˆ do jò cají^ˉˆ:

—Jò, ¿su jnea^ˆ lí^ˆnaa^ˆ lafa^ˆ dsea^ˆ tiuum^ˉ jóng?

⁴¹Joba^ˆ cañí^ˉ Jesús quiáí^ˉ do calé^ˆ catú^ˆ jò casí^ˉreí^ˉˆ:

—Facó^ˆ 'nú^ˆ líng^ˆna^ˆ lafa^ˆ dsea^ˆ tiuung^ˉ, joba^ˆ ja^ˆ e dsee^ˉ oo^ˉna^ˆ quiá^ˉ lají^ˉ dsee^ˉ quií^ˉna^ˆ jóng. Jogui dsucó^ˆ 'nú^ˆ í óo^ˆna^ˆ e lafa^ˆ jné^ˆ'ba^ˆ, joba^ˆ seab^ˆ dsee^ˉ quií^ˉna^ˆ.

Jaang^ˆ dsea^ˆ i jmóo^ˆ í^ˆ guiá^ˉ jo^ˆse^ˆ quiá^ˉ

10 Jò mi^ˆ cang^ˆ jò, casí^ˉgui Jesús jaléng^ˆ i dsea^ˆ i caseáng^ˆ do jò cají^ˉˆ:

—E laba^ˆ iin^ˆ n jmitaa^ˆ óo^ˆna^ˆ, e doñí^ˆ ii^ˆ dsea^ˆ i iing^ˉ nicuá^ˆ iá^ˆ fí lí^ˆ sijníng^ˉ jo^ˆse^ˆ quié^ˆ e jò ja^ˆ 'nór^ˆ e níngíí^ˉ fí o^ˆíá^ˆ quiá^ˉ e iá^ˆ do, joba^ˆ i dsea^ˆ í lííí^ˆ jaang^ˆ í^ˆ l'lee^ˆ. ²Jò dsu^ˆ i dsea^ˆgui i í fí o^ˆíá^ˆ quiá^ˉ e iá^ˆ do, joba^ˆ dsea^ˆ í lííí^ˆ jaang^ˆ i jmóo^ˆ í^ˆ røø^ˆ jo^ˆse^ˆ quiá^ˉ. ³Jogui i dsea^ˆ i jmóo^ˆ í^ˆ jn^ˆ e lí^ˆ teáang^ˉ i jo^ˆse^ˆ do, náá^ˆbre o^ˆíá^ˆ e laco^ˆ níngíng^ˉ i dsea^ˆ i jmóo^ˆ í^ˆ guiá^ˉ i jo^ˆse^ˆ do. Jò i dsea^ˆ i jmóo^ˆ í^ˆ guiá^ˉ i jo^ˆse^ˆ do nitø^ˆr lajaang^ˆ lajaang^ˆ i jo^ˆse^ˆ do quiá^ˉr lí^ˆ laco^ˆ la sií^ˉ do, jò jaléng^ˆ i jo^ˆse^ˆ do nicuúí^ˆbre^ˆ luu^ˆ i fii^ˆre^ˆ do. Jò i fii^ˆre^ˆ do uøø^ˆm^ˆbre i jo^ˆse^ˆ do e

laco^ˆ dsijéeng^ˆneiñ^ˆ fí^ˆ jee^ˉ mó^ˆ. ⁴Jò mi^ˆ cató^ˆ e uøøí^ˉ do lajaléng^ˆne^ˆ, joba^ˆ 'niab^ˆ i dsea^ˆ do quier^ˉ nífi^ˆ quiá^ˉ i jó^ˆ quiá^ˉr^ˉ do, jò lajob nidsilíng^ˉ i jo^ˆse^ˆ do laco^ˆ ngóo^ˆ fii^ˆre^ˆ, cò^ˆ guiúb^ˆ nicuúí^ˆm^ˆbre^ˆ luu^ˆ dsea^ˆ do. ⁵Jò dsu^ˆ jaléng^ˆ i jo^ˆse^ˆ do ja^ˆ dsiquí^ˆr^ˉ dsea^ˆ i ja^ˆ cuíng^ˆne^ˆ, cò^ˆ lí^ˆ lí^ˆ cuúí^ˆbre^ˆ mi^ˆ níng^ˉne^ˆ i dsea^ˆ la^ˆí, cò^ˆ ja^ˆ cuíí^ˆre^ˆ luu^ˆ i dsea^ˆ la^ˆí.

⁶Jò Jesús casí^ˉr^ˉ i dsea^ˆ do còo^ˆ júu^ˆ lana, jò dsu^ˆ i dsea^ˆ do ja^ˆ cangáí^ˉ e^ˆ guóng^ˆ e júu^ˆ e casí^ˉ Jesús i dsea^ˆ do ie^ˆ jò.

Jesús lííí^ˆ jaang^ˆ dsea^ˆ i jmóo^ˆ í^ˆ guiá^ˉ jo^ˆse^ˆ quiá^ˉ

⁷Jò lalab casí^ˉgui Jesús i dsea^ˆ do jò cají^ˉˆ:

—E laba^ˆ jmitaa^ˆ óo^ˆna^ˆ: Jnea^ˆ líí^ˆn e jn^ˆ quiá^ˉ e iá^ˆ e lí^ˆ dsitáang^ˉ i jo^ˆse^ˆ do. ⁸Jò jaléng^ˆ i dsea^ˆ i jmgíoo^ˆ i nicajalíng^ˉ lají^ˉ nú^ˆgui e nígáá^ˆ jnea^ˆ do, jaléng^ˆ i dsea^ˆ í lííí^ˆ í^ˆ l'lee^ˆ, jò dsu^ˆ jaléng^ˆ i dsea^ˆ i líng^ˆ lafa^ˆ jo^ˆse^ˆ quié^ˆ e ja^ˆ calíjí^ˉr^ˉ júu^ˆ quiá^ˉ dsea^ˆ do. ⁹Jò jnea^ˆ fá^ˆ túu^ˆ e líí^ˆn e jn^ˆ do, joba^ˆ jaléng^ˆ dsea^ˆ i íng^ˆ jnea^ˆ jogui níngíí^ˉ fí^ˆ e jn^ˆ quié^ˆ e do, joba^ˆ dsea^ˆ í bing^ˆ i nilí^ˆ nileáng^ˆ jee^ˉ jalé^ˆ dsee^ˉ quiá^ˉ. Cò^ˆ jaléng^ˆ i dsea^ˆ do lííí^ˆ lafa^ˆ jo^ˆse^ˆ quié^ˆ e i cuøøng^ˆ lí^ˆ dsitáang^ˉ jogui uøøng^ˆ jogui dsé^ˆbre^ˆ e gø^ˆre^ˆ.

¹⁰Dsu^ˆ lají^ˉ ta^ˆ quiá^ˉ jaléng^ˆ i í^ˆ do líco^ˆ jmóor^ˆ ta^ˆ uøøng^ˆ jaléng^ˆ jo^ˆse^ˆ quié^ˆ e jogui jmóor^ˆ ta^ˆ íng^ˆ neiñ^ˆ jogui jngang^ˆneiñ^ˆ cajo; jò dsu^ˆ jnea^ˆ gui cagúén^ˆ n fí jmgüí^ˉ la e lí^ˆ laco^ˆ niliseeng^ˆ dsea^ˆ cøøng^ˆ còo^ˆ Fidié^ˆ lata^ˆ dseáng^ˆ lí^ˆ laco^ˆ sí^ˆí. ¹¹Jò jnea^ˆ líí^ˆn jaang^ˆ dsea^ˆ i

jmóo' í' guiá' jo'se' quiá', jo cartí' jáam' 'niá'a e laco' ja' ni'fing' jíi' jaang' i jo'se' quié' e do. ¹²Jo dsu' i dsea'gui i ja' jíi' e ta' jo, jo lico' l'f dsíir' jíi' e 'léem' bre, joba' fíng caguié' jaang' ie'dsinúu' lajee' e nír' i jo'se' do jo cuíi' bre jóng, jo dob tíuuiñ' i jo'se' do. Jo lajob jmóor', co' ja' líiñ' dseáng' i dsea' i ní' guiá' jo'se' jogui co' o' jo'se' quiá' guir cajo. Joba' cuø' bre fí' i ie'dsinúu' do e nijmeáng' ne' jogui nicúng' ne' i jo'se' do jogui e nisojóng' i caguiaang' gui do fí' la fí' na. ¹³Jo tíuum' i dsea' do i jo'se' do, co' lico' l'f dsíir' cuub', jo ja' eé' fí' í' óor' quiá' i jó' i jéeiñ' do.

¹⁴⁻¹⁵Jo fíi' túu' 'nú' e jnea' líin' n jaang' dsea' i jmóo' í' guiá' jo'se' quiá'. Jo lí' laco' Tiquié' e guiáb' cuíiñ' jnea', joba' lajob jnea' cajo guiáb' cuíiñ' nre; jogui lajobi cajo guiáb' cuíng' jnea' jaléng' i líng' lafa' jo'se' quié' e, joba' lajob cajo jaléng' í' guiáb' cuíng' re' jnea'. Jogui jnea', cartí' jáam' 'niá'a e nijúun' n uíi' jaléng' í' e laco' ja' ni'fing' ne'. ¹⁶Jo dsu' seem' bi dsea' i nabi nilíng' lafa' jo'se' quié' e i ngí' fí' caluu' bi lana. Jo co' ja' mí' líiñ' dsea' quié' e, joba' 'né' nitøø' baar cajo. Jo jaléng' i dsea' i nilíng' lafa' jo'se' quié' e do nilinúu' bre júu' quié' e, joba' coøb' 'lé' ni'uíiñ' lajee' lajiiñ', jo jíi' jneab' dsea' nijmee' e í' í' r'.

¹⁷Jo Tiquí' ii' eáam' 'neáaiñ' jnea' co' nijáang' 'niá'a e nijúun' n e laco' nijí' túu' calé' catú'. ¹⁸Jo jíi' jaang' dsea' seà' fí' quiá' r' e nijngáin' jnea', co' 'niá' baa dsea' cuøøø' fí' 'niá'a e nilíin' n lajo, co' seab' fí' quié' e e nijáang' 'niá'a e

nijúun' n jogui e nijmee' e e nijí' túu' cajo, co' lajob ta' caquiá' Tiquié' e.

¹⁹Jo mí' tí' lí' canúu' dsea' Israel lajii' júu' quiá' Jesús, caléb' catú' canaaiñ' e jo' siiiñ' røø' uíi' e júu' e canúur' do. ²⁰Joba' fíim' bre lajee' la'ó' í' r' canaaiñ' siiiñ' jo' sí' rúin' lala:

—¿Jialí' já' nuu' na' júu' quiá' i Jesús na? Co' i 'lim' iuung' dsíiñ' na. iJaang' dsea' ngaam' líiñ' na!

²¹Jo dsu' i líng' gui i dsea' do fé'r' jo jíi' r':

—Jíi' jaang' dsea' lí' r' fé' r' dseáng' laco' fé' i dseañu' na faco' já' e iuung' i 'líng' dsíir'. Co' jíi' jaang' dsea' i iuung' i 'líng' dsíi' lí' r' jmér' e nilíjné' jaang' dsea' tiuung' laco' gui cajmée' i dseañu' na.

Ja' jíi' dsea' Israel júu' quiá' Jesús

²²Jo coø' née' mí' cangf' gui lajo, coø' e jíi' gúii' lajee' e jmóo' dsea' Israel jmiñ' e jmiguiéng' dsíir' e caligüeang' tu' calé' catú' e guá' fé' quiá' r' e si' fí' Jerusalén, co' lami' jéeng' gui gab' cajmée' dsea' fí' dsíi' jo; ²³jo ie' jo, dob táang' Jesús fí' coø' ni'núu' quiá' e guá' fé' do, jo tá' coø' íng' ngír' e fí' coø' ni'núu' quiá' e guá' do, fí' lí' sii' ni'núu' quiá' 'líi' yúu' Salomón. ²⁴Jo lajee' ngí' Jesús dob mí' caríi' dsea' Israel fí' lí' siñ', jo cajming' í' r' dsea' do lala:

—Jo lí' catí' nijmée' júu' røø' e su' nu' dsea' i casíng' Fidié' fí' la e lin' Dsea' Jmáang' i sijeeng' jnea' do i nicá' nifí' quí' ii'? Jo lana jmee' du' júu', ¿su' nu' í'?

²⁵Joba' cañí' Jesús quiá' i dsea' Israel do jo casí' reiñ':

—Nicañí' bí' 'nú' e íb' jnea', jo dsu' 'nú' ja' já' calíng' na' júu'

quíe. Co' jaléb' e nicañíi 'nú' e nicajmé'e, jmó'o la'eáang' cōo' ta~ huí' quíá' Tiquié'e, jo lajalé' e jo cuō' lí' e íb' dseáng' líín'n; ²⁶jo dsu' 'nú' ja' já' lííng'na' e íb' jnea~, co' ja' lííng'na' lafa' jo'se' quíe. ²⁷Co' i dseá' i lííng' lafa' jo'se' quíe e do nicuúí bre lúu'u, jogui jnea~ nicuúim'baare' cajo, joba' dseá' í' jneab~ dsiquí're'. ²⁸Co' jnea~ cuōō'baa jaléng' i dseá' í' e seeín' cōōng' cōo' Fidiéé' lata~, jo ja' tōō' jmií' fa' ni'náín' quíá' Fidiéé' o'gui fa' quí' jmií' e ií' nijéng'tu' jaléng' i dseá' í' fí' jaguóo. ²⁹Jo lajíi' e nicangíin'n e nicacuō' Tiquié'e jnea~, e jo líí' e niing'gui eáang' lajee' lajalé', jo jíi' jaang' dseá' quí'r' jmií' fa' e niguí'guir e jo. ³⁰Jo jnea~ cōo'gui Tiquié'e jaam' dseá' líí'naa'.

³¹Jo mi~ canúu~ dseá' Israel lajíi' e cajíng' Jesús, joba' casitíir' cuu~ calé' catú' e lamí' iin~ niquiúin' dseá' do cartí' nijngáng' neín'. ³²Jo lalab cajíng' Jesús quíá' i dseá' Israel do jo casí'reiñ':

—Jmiguíu' jalé' e quí' i jmií' e nicajmé'e jee' 'nú' la'eáang' cōo' güea' quíá' Tiquié'e. Jo lajee' lajalé' e jo, ¿jngang' e catíng' e nijngáng'na' jnea~ cōo' layaang' cuu'?

³³Joba' lalab cañíi' dseá' Israel quíá' Jesús jo cajíin':

—Ja' í' dsi' jnea' e nijngáng'naa' 'nu' uíi' jalé' e guíá' e nicajmee' do, co' nijmé'naa' lajo uíi' e gab' líí' e júu' e fó' na' fí' quini' Fidiéé'. Co' 'nu' jíi' dseá' jmigüí' lin', jogui iin' jmé'e' e rōōb' cōōn' cōo' Fidiéé'.

³⁴Joba' lalab cañíi' Jesús quíá' i dseá' do jo casí'reiñ':

—Jo lalab fé' Fidiéé' fí' ní' júu' quíu' ta~ quíá'r': "Jnea' fá'a e 'nú' lííng'na' laco' diéé'." ³⁵Jo nine'baa' rōō' lajíi' e fé' e fí' ní' jí' quíá' Fidiéé' do e ja' cuōōng' fé'naa' e o' já'; jo e fí' ní' e júu' do quíá' Fidiéé' fé' e jaléng' dseá' cōo' i casíng' Fidiéé' júu' quíá'r' lííin' laco' diéé'. ³⁶Jo co' Fidiéé' dseá' caguín' jnea~ jogui casíin' jnea~ fí' jmigüí' la, joba', ¿jial cuōōng' fo' 'nú' e jnea~ fá'a júu' e ga' fí' quini' Fidiéé' mí' fá'a e Jōō' dseá' íb' líín'n? ³⁷Jo ja' já' güíllíng'na' jnea~ song jnea~ ja' jmóo' dseáng' laco' la jmóo' Tiquié'e. ³⁸Jogui dsu' song jmóo'bí' e quí'i' jmií' do e nañi' fa' ja' já' lííng'na' jnea~, joba' lí' já' güíllíng'na' cōo' jalé' e quí' jmií' do e laco' niliñí'na' e jaam' dseá' lííng' jnea~ cōo' Tiquié'e, jogui lajobi ír' cōo' jnea~ cajo.

³⁹Jo mi~ canúu~ dseá' Israel lajíi' e cajíng' Jesús do, joba' caléb' catú' lamí' iin~ e nisáin' dseá' do, jo dsu' dseá' do dsifib' caleáang' 'nia'r'.

⁴⁰Jo mi~ cangí' jo, caquim'tu' Jesús fí' lí' lí' 'ngóo' gua' Jordán, jo fí' dob cajer' e fí' lí' caseáang' Juan jmií' jaléng' dseá' lamí' jéeng'gui.

⁴¹Jo lajee' táang' Jesús fí' jo, i fíim' dseá' cangolíng' e iin~ ninúr' júu' quíá' dseá' do, jo lalab fé' i dseá' í':

—E jáb' e i' Juan do ja' cajméer' jíi' cōo' e lí' e quí'r' jmií' lajee' cateáain' fí' jmigüí' la, jo dsu' lajaléb' e cajíin' uii' quíá' i dseá'na' la, dseáng' jáb'.

⁴²Joba' ie' jo i fíim' dseá' i já' calíng' júu' quíá' Jesús e fí' jo.

Mi cajúng jaang` dseañu`
i sii Lázaro

11 Jo mi` cangf`gui lajo, lajee`
e táam`bi Jesús fí` jo, jo
ie` jo niseeng` jaang` dseañu` i sii`
Lázaro cóo`gui gáng`gui dseamf`
rúin`, jaang` i sii` Yá` jogui jaang` i
sii` Marta, jo laji` gaain` do seein`
fí` cóo` fii` lí` sii` Betania. Jo ie` jo
guiáng` ráang` Lázaro e dséer`.

²Jo i dseamf` i sii` Yá` i rúng`
Lázaro, íb` i ca`ée` jmi` jmeafii`
tii` Jesús jogui cajmiquiúr` cóo`
jñuguir` tii` dseà do lamí` jéeng`gui.
³Jo có` eáam` dséel`gui Lázaro, joba`
i dseamf` rúin` i gáng` do casíin`
júu` fí` lí` táang` Jesús, jo lalab júu`
quie` i dseà do quiá` Jesús:

—E lab júu` quiee, e i dseà i
seeng` røø` cóo` do i eáam` 'neáan`
do i sii` Lázaro eáam` líiin` lana.

⁴Jo dsifí` mi` canúu` Jesús e jo,
joba` lalab cañiir` quiá` i dseà do:

—Jo e jmohuí` e líin` do ja` nijéng`
ír` fí` ni` 'mó', có` e jo nilí`ing` ta` e lí`
laco` niliñi` dseà jial tí` 'gøng` Fidiée,`
jogui laco` niliñi` dseà cajo` jial tí`
'gøng` jnea,` dseà líin`n` Joo` dseà do.

⁵Jo doñi` fa` eáam` 'neáang` Jesús
i dseamf` i sii` Marta do jogui i sii`
Yá` jogui i dseañu` i sii` Lázaro do,

⁶dsu` ja` cangór` dsifí` fí` quiáin`
do mi` caliñir` e niráang` i Lázaro
do dséer`, jo cajmi`iim` bi` ñia'r` tú`
jmi`gui e fí` lí` táain` do. ⁷Jo mi`
cangf` e tú` jmi` do, joba` lalab
casí` Jesús i dseà quiá`r` do:

—Má` túu` fí` lí` se` Judea.

⁸Joba` cañii` i dseà í` quiá` Jesús, jo
casí`r` dseà do:

—Tifa', ja` mí` ngóo`bi eáang`
e jaléng` dseà Israel i seeng` fí`

jo lamí` iin` nijngáin` 'nu` cóo`
layaang` cuu, jo 'nu` caléb` catú`
iin` guó` fí` jo.

⁹Joba` cañii` Jesús quiá` i dseà
quiá`r` do jo casí`reii`:

—E jáb` e seà guitu` oor` lajee`
e jmi`; cófa` jaang` dseà ngir`
lajee` e jmi` do, joba` ja` dseáng`
niquiúin`, có` jneáb` lí` ngir`; ¹⁰jo
dsu` song jaang` dseà ngir` fí` cóo`
lí` nuu, joba` quiung` guiáam`bre
ngir`, có` ja` seà ji` cóo` e cuø` e
jneá` lí` ngir`.

¹¹Jo mi` cangf` e café`r` e júu` na,
jo cajíng`guir` casí`r` i dseà quiá`r`
do:

—I dseà rú`uu` i sii` Lázaro do
nicaquiam`bre, jo dsu` lana ninii`
e nijmijnée` túu` dsí`bre.

¹²Joba` cañii` i dseà quiá` Jesús
do, jo cajíin` casí`r` dseà do:

—Fii` naa', jo laco` fó` na e
nicaquiam` i dseañu` í, joba` e jo
cuø` lí` e nitfim`tur.

¹³Jo dsu` cajíng` Jesús lado có`
e nincajúm` i Lázaro do, jogui
i dseà quiá`r` do í` dsíir` e já`ba` e
lí` güiim` Lázaro lí` laco`gui jíi`
e nincajíng` dseà do. ¹⁴Joba` cajíng`
Jesús casí`r` i dseà quiá`r` do
dseáng` lajang` jo casí`reii`:

—Lana niráang` Lázaro`liim`bre.

¹⁵Jo guiú`gui quií` 'nú` e ja` mí`
ngóo`o` fí` do latí` lana, có` lajoba` e
já`gui nilíng`na` júu` quie`e, joba`
eáam` íáang` dsii`. Jo lanaguiba`
dsé`ee' fí` quiá`r`.

¹⁶Jo i dseà quiá` Jesús i sii`
Tomás i lineang` dseà suung` mi`
canúur` lajii` e júu` jo, joba` casí`r` i
dseà rúin` i caguiaang`gui do lala:

—Má` aa` jneaa`aa` cóo`r` cajo, jo
song cajnga` dseà quiá`r`, joba` la

quie' jneaa' aab' nijúu' naa' cóo'r' cajo.

**Jesús i cuo' e jí'tu dsea'
mi' ningf e júuiñ'**

¹⁷ Jo mi' caguié' Jesús colliing' cóo' dsea' quiá'r' e fí' Betania e fí' lí' cajúng' i Lázaro do, jo ningóo' quiú' jmiib' e nica'áng' dsea' do mi' caguiliñ' fí' jo. ¹⁸ Jo e fii' e sii' Betania do ja' huí' née' laco'gui Jerusalén, co' tiib' jiu' jí' la 'ní' kilómetro, ¹⁹ joba' fíim' dsea' Israel i neáng' fí' jo cangoliñ' e cango'eer' i Marta do cóo'gui Yá' e laco' ja' liñ' do fí'í' uii' quiá' e cajúng' i rúin' i sii' Lázaro do. ²⁰ Jo mi' caliñí' Marta e ningóo' Jesús fí' do, joba' cagüi'fir' e cangojmijín' dsea' do; jogui i Yá' rúin' do, dob cajer' fí' sinéu' lajee' jo. ²¹ Joba' mi' cajúng' i Marta do Jesús, lalab casí'r' dsea' do jo cajín'':

—Fa' jia'gui mi' cagüén' jéeng'guijia' fí' la, joba' ja' cajúng' i rún'n do jóng' faco' lajo. ²² Jo dsu' tab' dsii' e qufb' jmií' e nijmicóo' Fidiée' jnea' song' nimí' ire lajo, co' doñí' eé' e mii' 'nu' dsea' do, dseáng' ngíim'ba'.

²³ Joba' cañí' Jesús quiá' i dseamf do jo casí'reiñ':

—Nijí'b'tu i rún' do.

²⁴ Joba' cañí' i dseamf do quiá' Jesús jo cajín'':

—Jáb', niñi'baa e jo e nijí'b'tu i rún'n do mi' nití' í' e nijí'tu jaléng' 'lii' mi' tí' lí' jo.

²⁵ Jo mi' cangf jo, lalab cañí'tu Jesús quiá' i dseamf do jo casí'reiñ':

—Jneab' dsea' i cuo' e jí' dsea', jogui e nijí'tur mi' ningf e nijúuiñ'.

Joba' jaléng' i dsea' i já' líng' júu' quié'e, jo nañí' fa' júung' jí' ngúu' táaiñ', dsu' ja' tóo' jmií' fa' ni'náiñ' e seeiñ' cøong' cóo' Fidiée'; ²⁶ jogui jaléng' dsea' i já' líng' júu' quié'e jogui e seem'bir mi' tí' lí' jo, joba' ja' tóo' jmií' fa' ni'náiñ' e seeiñ' cøong' cóo' Fidiée' cajo. Joba' 'su já' lín' jalé' e júu' e fíi' 'nu' la?

²⁷ Joba' cañí' i dseamf do quiá' Jesús jo casí'r' dsea' do lala:

—Lajob líí', Fii'i, dseáng' jáb' líng' jnea' e 'nu'b' lín' i Jóo' Fidiée' camíng' i sijeeng' jnea' i nijáa' fí' jmigüi' la i nicá' nifí' quí'ii'.

Mi' caqui' Jesús tii' ée' quiá' Lázaro

²⁸ Jo mi' cangf e síng' Marta cóo' Jesús, caquim'bre e cangotéer' i rúin' i sii' Yá' do. Jo mi' caguiéiñ' fí' quiá'r', lalab casí'r' i rúin' do lí' ja' núu' dsea' jo cajín'':

—Dob guing' i tifa' do, jo 'nu'b' tó'r' lana.

²⁹ Joba' dsifí' mi' canúu' Yá' e júu' jo, ladsifí' lanab cagüi'fir' jo cangór' fí' lí' tó' Jesús ír'. ³⁰ Jo Jesús ja' mí' ca'í'bir e fí' jee' fii' do, co' dobi' guiiñ' e fí' lí' cajúng' rúin' cóo' i Marta do. ³¹ Jo mi' tí' lí' calilí' i dsea' Israel i caguiliñ' cango'ee' ír' e laco' ja' liñ' do fí'í', jo mi' cangár' e cagüi'fir' i Yá' do lajminá' e fí' dsii' sinéu' quiá'r' do, joba' cangolíim'bre ti'leáaiñ' cajo laco' ngóo' i dseamf do, co' í' dsíir' e ngóin' do ngoquí'bre e fí' lí' ca'áng' i 'lii' rúin' do.

³² Jo mi' tí' lí' caguié' i Yá' do fí' lí' sing' Jesús, ladsifí' lanab casí'r' uó' jnir' fí' quini' dsea' do jo casí'r' dsea' do lala jo cajín'':

—Faco' mi' 'nu' cagüén' jéeng'guijtu' fí' la, joba' ja' cajúng' i 'lii' rún'n do jóng' faco' lajo.

³³Jo mi' tí' lí' cangá' Jesús e qui' i Yá' do cóo' gui jaléng' i dseá' Israel i caguilíng' cóo'r' do, joba' eáam' calicu' dsíir' i dseá' do, jogui eáam' bi calijiuung' dsíir' cajo, ³⁴joba' cajming'r' jaléng' i dseá' do jo casí' rein':

—¿Jie' fí' lí' ca'áang' na' i dseá' do?

Joba' cajíng' jaléng' i dseá' do casí'r' Jesús:

—Má'aa' jo madsijóð'naa' fí' jo.

³⁵Jo canaang' Jesús qui' bre cajo.

³⁶Jo mi' calilí' i dseá' Israel do e qui' Jesús, joba' lalab cajín':

—iEáam' ni'neáang' i dseañu' na i 'lii' na!

³⁷Jo dsu' jee' i dseá' Israel do seem'bing' i fé' lala:

—I nabi i dseañu' i cajmée' e calijné' i dseá' i lami' tiuung' do, jo ja' i ní' jialí' ja' cajméer' fa' e ja' cajúng' i dseañu' i nica'áng' na.

Mi' cají'tu Lázaro

³⁸Jo fí' dsíi' tó' cuub' ca'áaiñ' i 'lii' Lázaro do, jo o'ná' e ée' do cajníir' cóo' cóo' 'loo' e fe'. Jo eáam' lijuiung' dsíi' Jesús cangoquiéiñ' e fí' lí' ca'áng' i 'lii' do. ³⁹Jo lalab cajín' casí'r' jaléng' i dseá' i teáang' do ie' jo:

—Je'na' e 'loo' e sijní' e o'ná' e ée' na.

Jo dsu' mi' canúu' i dseamf' i si' Marta do i rúng' i 'lii' do e cajíng' Jesús lado, joba' lalab casí'r' dseá' do:

—Fíi'naa', qui' jmi' ningóo' e ca'áng' i rún'n na, jo lana nisi'léb' ngúu' táaiñ', faa'aa'.

⁴⁰Jo lalab cañí' Jesús quiá' i dseamf' do:

—¿Já' mí' caffí' i 'nu' e song dseáng' já' líin' júu' quié' e, joba' nimó'ba' jóng' jial tí' laniing' 'gøng' Fidiéé'?

⁴¹Jo mi' cangf' jo, cajéb' i dseá' do e cuu' e sijní' fí' o'ná' ée' quiá' i Lázaro do, jogui Jesús dsifí' lanab cajóð' fí' yú' jmigüi' jo cajín':

—Teaa', lana cuóð'ø' nu' gui'máang', co' jáb' canúu' júu' quié' e. ⁴²Jogui ni' bii' guiá' cajo e contøøm' já' nuu' nu' júu' quié' e, jo dsu' fíi' i nu' lana e lí' laco' jaléng' i dseá' i teáang' la jmi' na nijá' líiin' e nu' dseá' casíin' jnea' fí' jmigüi' la.

⁴³Jo mi' cangf' e cajíng' Jesús e júu' na, jo café'r' teá' jo cajín':

—iJúu' fí' lí' iuun' na, Lázaro!

⁴⁴Jo mi' calí' e café' Jesús lajo, joba' dsifí' lanab cagüi'fí' i dseá' i lami' 'liing' do, jo laco' sibé' bi 'mi' guotiir', jogui nir' sibé' cóo' jmáang' 'mi'. Jo mi' cangf' jo, lalab cajíng' Jesús casí'r' i dseá' i teáang' do ie' jo:

—Síi'na' e 'mi' e sibeáng' i dseá' i cají'tu na, jo lajoba' cuóðøng' e ngír'.

Mi' casíng' dseá' i quié' nifi' quiá' dseá' Israel e nisáin' Jesús

(Mt. 26:1-5; Mr. 14:1-2; Lc. 22:1-2)

⁴⁵Jo mi' cangf' gui lajo, i fíim' dseá' Israel i cangolíng' cóo' Yá' do já' calíin' júu' quiá' Jesús, co' cangá'bre jalé' e qui' dseá' do jmi' ie' mi' cajméer' e cají'tu i Lázaro do. ⁴⁶Jo dsu' i líing' gui i dseá' Israel i cangá' e cajmée' Jesús do cangocóo'r' júu' fí' quini' jaléng' dseá' góor' i líing' dseá' fariseo jalé'

e cangár do. ⁴⁷Jo mi caliñi i dsea fariseo do e jo, joba' casíiñ còo' jaléng' fii jmidsea e laco' niseáng' i dseata i quie' nifi' quía' dsea Israel e laco' nisíiñ e nijmér' còo' Jesús. Jo lalab jmingí' rúin':

—¿E nijmó'oo' còo' i dseañu' do? Co' eáam' jmiguiú' jalé' e quí' r' jmiñ' jmóor' e dsigá' dsí' dsea. ⁴⁸Jo song ja' nijniing' naa' quía' r', joba' fíim' dsea nidsitáaiñ còo' dsea do, jo dseáam' e dseata i neáng' fí' Roma nija'íiñ guá' quí' i' osi lajaléng' naa' dsea lí' naa' dsea Israel fíng song caliñir' jalé' e jo.

⁴⁹Jo jaang' lajee i fii jmidsea do nisiir' Caifás, jo líiñ' fii quía' jaléng' jmidsea ie jo, joba' lalab cajíñ' casí' r' jaléng' i dsea rúin' caguiaang' gui do jo café' r':

—iDseáng' jí' còo' ja' eé' ní' 'nú'! ⁵⁰Jo ja' í' óo' na' e guíú' gui quí' i' e nijúung' jaang' dsea góo' naa' cuaiñ' quí' i' lajalé' naa' e laco' gui e ni' íing' naa' lajaléng' naa' dsea lí' naa' dsea Israel.

⁵¹Jo i Caifás do ja' cajíñ' lajo uíi' e la tíiñ' 'nía' r', dsu' fii jmidseab' líiñ' ie jo, joba' Fidiéeb' cacuø' í' e cajíñ' lajo e Jesús nijúuin' cuaiñ' quía' jaléng' dsea góor' dsea Israel; ⁵²jo o' jí' e nijúung' dsea do uii' quía' jaléng' dsea góor', co' lajob' cajo nijúuin' e laco' nitó' r' jaléng' dsea quía' Fidiéé' i siguiáng' fí' la' úng' fí' jmigúí' e laco' ni' uíiñ' do còob' 'lé' lajee lajaléiñ'. ⁵³Joba' latí' ie jo canaang' jaléng' i dseata quía' dsea Israel do e 'nó' r' jial e nijngáiñ' Jesús.

⁵⁴Jo uing' lajoba' jo 'ga' lí' jmiñéeng' gui 'nía' Jesús jee'

jaléng' dsea góor' dsea Israel, jo cagúú' fí' bre e fí' lamí' táaiñ do e lí' se' Judea, jo fí' dob cangór' fí' còo' fii e sii' Efraín e née' quía' fí' guóo' uó' quíe', jo fí' job' cajer' còo' jaléng' dsea quía' r'.

⁵⁵Jo mi cangí' gui lajo, lajee e nijaquíéeng' jmiñ' e quí' tíng' dsea Israel e jmóor' laco' jí' e sii' Pascua, joba' quí' tíiñ' e dsilíiñ' fí' Jerusalén n'í' gui e jmiñ' jo e laco' jmiguiúng' yaaiñ' fí' quini' Fidiéé' jo dsiguiar' guíe' lají' e quí' tíiñ' jmóor' do. ⁵⁶Jo mi caguilíng' i dsea Israel do fí' Jerusalén, jo seem' biñ' do ngír' ta' 'náng' Jesús ie jo, jogui jmingí' rúin' lajaang' lajaaíñ' lajee e teáaiñ' fí' dsí' sinúú' guá' fé' e si' fí' jo, jo síiñ':

—Jo ée' fól' 'nú'? ¿Su nijáa' gui i dsea í' fí' la lajee jmiñ' osi ja' nijáar' é?

⁵⁷Jo jaléng' dsea Israel i líng' dsea fariseo còo' gui jaléng' fii jmidsea quía' r' nicangíiñ' júu' quía' jaléng' i dsea i caguilíng' e jmiñ' do e song jaang' lajee í' r' nija' r' júu' jie' fí' táang' Jesús, jo e güijmée' bre júu' ladsifí', jo lajoba' e niteng' dsea do.

Mi' ca'ée' jaang' dseam' f' jmiñ' jmeafíi' tíi' Jesús

(Mt. 26:6-13; Mr. 14:3-9)

12 Jo mi cangí' gui lajo, jñúú' jmiñ' jmóo' gui e nití' e jmiñ' Pascua quía' dsea Israel do, jo cangób' tu Jesús fí' Betania e cango' ee' tur Lázaro i cajméer' e cají' tu ie' lamí' jéeng' gui do. ²Jo mi tí' lí' caguié' r' fí' quía' dsea do, i dsea seeng' fí' sinúú' do cajméer' còo' jmiñ' e jmi' góor' Jesús, joba'

cagó'r' colíing~ ie~ canuè e jmiì~
 jo; jo dob guing~ Lázaro e gø'r'
 colíing~ cóo'~ i dseà do cajo, jogui
 i rúin' i sii' Marta do, íb' i jmóo ta~
 ngíing' jmiñi' quíá' jaléng' i dseà
 i neáng' gø' do ie~ jo. ³Jo lajee~
 guing~ Jesús gø'r', coo' caguiéb~ Yá^
 i rúng' Lázaro fí' lí~ guing~ dseà
 do, jo quier' coo' dsuè niguol' e
 a~ trescientos gramos jmiì jmeafii~
 e líí cóo'~ layaang~ nardo e 'mo'
 eáng, jo cóo' e job ca'éer~ fí' tíi~
 Jesús lajee~ e guing~ dseà do gø'r';
 jo mi~ cangf jo, cajmiquié'r' cóo'~
 jñuguir. Jo latøom~ e fí' dsíi' sináú^
 do cajo~ jmeá' quíá' e jmiì jmeafii~
 do ie~ jo. ⁴Jo mi~ cangoyúung' e jo,
 jaang~ lajee~ dseà guitúung~ quíá'~
 Jesús i sii' Judas Iscariote i nisi'í^ i
 ni'náng~ dseà do, lalab cajíng' í ie~
 jo:

⁵—¿Jialí' ja' mí' cango'nii~ e jmiì~
 jmeafii~ la cóo'~ ni' ciento cuteè e
 lacø' nilisea' cuu~ e nilicóo'~ jaléng'
 dseà tiñíing'?

⁶Jo cajíng' Judas Iscariote e
 jo dsu' o' já' dseáng' e fii~ líiín~
 jaléng' dseà tiñíing~, co' jaang~
 íb' líiín' do, co' ie~ jo í bre dseà
 neé' nir~ taloo' téé' cuu~ e líí'
 quíá' Jesús colíing~ gui cóo'~ i dseà
 guitúung~ quíá'r' do; joba' i Judas
 Iscariote do gui bre e cuu~ do mi~
 iín~ 'nia'r'. ⁷Joba' lalab cañí' Jesús
 quíá' i dseà í':

—Ja' e fí' jíi' coo' i dseamf na, co'
 lajíi' e nicajmээр' na e nicaguiar'
 guíá' quíe' e mi~ nití' í' e quíá'~
 ni'am baa. ⁸Jo contøom~ cuøøng~ lí'
 jmicóo' 'nú' jaléng' dseà tiñíing~,
 jo dsu' jnea' gui ja' contøøng~ táan'n
 cóo'~ 'nú' fí' jmigüí' la.

Mi' ca'f dsíi' dseà e nijngáiñ' i Lázaro do

⁹Jo mi~ cangf guijiu lajo, i fíim'
 dseà Israel caliñir' e dobi táang~
 Jesús e fí' Betania do. Joba'
 cangolíin^ cangojóø^ bre fí' jo, jo
 dsu' o' jíi' Jesús dseáng' i ngír'
 'náin' do, co' lajob 'náin' Lázaro
 cajo i cajmее' Jesús e cají'tu calé'
 catú'. ¹⁰Joba' i fii~ jmidsea' do
 casíin~ røø e la quie' tí' Lázaro
 nijngáiñ', ¹¹co' fé' i dseà Israel
 i quie' nifí' do e uíi' íb' fíing' i
 dseà góor do ninaang~ 'naain' cóo'~
 i dseà rúin' caguiaang~ gui do, jo
 cóo' Jesús ninaain' dsitáin'.

Mi' ca'í' Jesús fí' jee~ fii' Jerusalén

(Mt. 21:1-11; Mr. 11:1-11; Lc. 19:28-40)

¹²Jo lajee~ nú' gui jmiì~ Pascua
 e tí' fí' Jerusalén do, fíim' dseà
 cangolíin^ fí' jo e cangotíin' e
 jmiì do; jo mi~ cajneá' coo' gui
 jmiì, job caliñi' dseà e tí' niguiée'
 Jesús fí' Jerusalén e quíá' e jmiì
 do. ¹³Jo mi~ caliñi' i dseà do e jo,
 joba' cangoquíu'~ moo' quíeé',
 jo cangolíin^ cango'íin' Jesús catí'
 caluu' fii' e quíá'~ nijmiféin' dseà
 do. Jo mi~ ca'íin' dseà do, lalab fé'r'
 teá e íaang~ dsír':

—iMajmifém' baa' i dseà na!
 iJogui juguíú' jiu quíá' i dseà na
 i castíng' Fidiée' fí' jmigüí' la cuain'
 quíá'r'! iJogui majmifém' baa'r
 cajo i dseà na i líing' dseà güeang'
 i quie' nifí' quíá' jaléng' dseà
 góonaa' dseà Israel!

¹⁴Jo lajee~ iuung~ Jesús fí', lado
 cadséin' jaang~ bú', jo íb' caguár'
 lí' lacø' gui la fé' fí' ni~ jì' quíá'~

Fidiéé e cajme' dseà malii'gui eáang' lí fé' lala:

¹⁵ Ja fòong' na' jaléng' 'nú' i seeng' fí fií Sión;
jo jòø' na', lab nijáa' i dseata' dseà féng' qui' na' e guiiñ' e fí mocóo' jaang' bú' jiuung'.

¹⁶ Jo dsu' la' uii' ja' calilí' bi i dseà guitúung' quiá' r' do e guóng' jalé' e do; lí' mi' cangf'gui lajo, mi' cangf' e cangáng' tu Jesús fí ñiff', joguib calilí' i dseà do e jalé' e cajmée' Jesús do ninitóob' fí ni' ji' quiá' Fidiéé e cajme' dseà lajii' malii'gui eáang' lí fé' uii' quiá' Jesús.

¹⁷ Jo ie' jo, jaléng' i dseà i cangá' mi' cató' Jesús i Lázaro do e nigüi' hiiñ' do fí dsii' ée' quiá' r' co' cajib' tur, joba' jaléng' i dseà íb' i cani' e júu' jo jee' jaléng' i dseà caguiaang' gui do. ¹⁸ Jo lajob' i fíim' dseà cangoliiñ' e cangojmijíñ' Jesús, co' caliiñ' bre jalé' e quii' dseà do jmiñ' e cajmээр' e fí do ie' jo. ¹⁹ Jo i dseà Israel i líing' dseà fariseo do lalab siiiñ' la' ó' yaaiñ':
—Nab nimóo' 'nú', jii' coo' ja' e quii' naa' jmiñ' nijmó' oo' lana, co' jnéeng' ne' baa' e ja' ja' lajiim' dseà nisitáaiñ' coo' i Jesús na lana.

Mi' ca'nang' dseà griego Jesús

²⁰ Jo jee' jaléng' i dseà i cangoliiñg' fí Jerusalén e cangojmiféiñ' Fidiéé lajee' e jmiñ' jo, jee' i dseà íb' niquíéng' coo' tú' miiñg' dseà griego. ²¹ Jo i dseà griego do cangoquíeiiñ' fí lí' sing' jaang' dseà guitúung' quiá' Jesús i sii' Lii', jo í' seeiñ' fí Betsaida e née' lí' se' Galilea, jogui i dseà

griego do camí' r' jmi' ee' i Lii' do jo casí' reiñ':

—Dsíng' ii' jnea' e nilicuíng' naa' Jesús.

²² Joba' dsifi' mi' canúu' Lii' e jo, cangó' bre cangosii' r' Dí' i líing' jaang' gui dseà guitúung' rúiiñ' cajo, joba' laji' huáam' bre cangoliiñ' e cangojmée' r' júu' Jesús lajii' e jing' i dseà griego do. ²³ Joba' lalab cañii' Jesús quiáiiñ' do:

—Lana tí' nití' í' quié' e e ninín' túu' fí ñiff' fí lí' cagá' a mi' cagüén' n fí la e líin' n jaang' dseà jmigüi'. ²⁴ Jogui jnea' jmitaa' óo' na' e fa' camí' micui' iee' e ja' mí' cató' fí ni' uó' jo o'gui níi' cajo, joba' lamí' líib' lí' e camí' b' e mijú' do; jo dsu' song camí' gui e micui' iee' do cató' b' fí ni' uó' jogui canii' b', joba' jmiguiab' ni' uúing' do mi' niró'.

²⁵ Cofa' i dseà i eáang' gui guing' dsii' jalé' e dsijée' fí jmigüi' la, joba' ni' iim' quiá' i dseà í' mi' tí' lí' jo; jo dsu' i dseà i ja' guing' dsii' jalé' e dsijée' fí jmigüi' la, joba' i dseà í' guii' b' ni' uúing' quiá' r' mi' tí' lí' jo, co' coom' niliseeiñ' coo' Fidiéé lata. ²⁶ Jogui song jaang' dseà iiñ' e niliiñ' jaang' dseà i jmóo' lajii' e iin' n, joba' 'né' ngár' coliiim' coo' jneab'; jogui lacaang' jje' fí lí' seen', joba' fí job' 'né' seeiñ' coo' jnea' cajo. Jo song seeng' dseà i jmóo' lajii' e iin' n, joba' Tiquié' e dseà guing' ñiff' nijmi' gó' bre i dseà í' cajo.

Mi' cajíng' tu Jesús e nijngáng' dseà ír'

²⁷ Jo fá' guii' lana e dseáng' dsíng' nijáa' fí' í' quié' e; jo ée' nijmee' e? ¿Su nifá' a: "Teaa",

leaang̃ jneã jeẽ jalé' iihuúí' e nidsing̃iñ n do"? Ũ, o' lajo, co' jneã cagá' a fí' jmigúí' la e lí' la co' nidsing̃iñ n jalé' e jo. ²⁸ Joba' fíí' i 'nu', Teaã, jmeẽ e laco' nijmí'gó' dseà' 'nu'.

Jo dsifí' mĩ cangf̃ e cajíng' Jesús lajo, joba' guicaná' coo' luũ fí' yá' jmigúí', jo guicajíng' lala:

—Nícajmé' baa lajo, jo dsu' tí' lí' nijmeẽ baa calé' catú'.

²⁹ Jo jaléng' i dseà' i teáng̃ núu' do iẽ jo cajíñ' e líng̃ eé' guicangoo' fí' yá' jmigúí'; dsu' i líng̃ gui i dseà' do fé'r:

—Jaang' ángel i níguicafé' na.

³⁰ Jo mĩ cangf̃ jo, jo cañí' Jesús quiá' i dseà' do jo cajíñ':

—Ja' catíng̃ jneã e guicajíng' e luũ do, co' 'núb' dseà' catíng̃ na' e jo. ³¹ Jo lanab catf̃ í' e Fidiéé' níquidsir' í' quiá' jaléng' dseà' jmigúí' uiĩ quiá' jalé' dseẽ quiá'r, jogui lanab cajo catf̃ í' e ní'íng̃ bí' quiá' fiĩ i 'líng' i quiu' ta' fí' jmigúí' la. ³² Jo dsu' mĩ ningf̃ e niteáng̃ dseà' jneã fí' dse' crúu' e laco' nijúuñ n, jo lajoba' nitóo' jaléng' dseà' e laco' ní'uúíñ' dseà' quié' e.

³³ Jo cajíng' Jesús lana co' níñi' bre guiá' jial nijnga' dseà' quiá'r. ³⁴ Jo mĩ tí' lí' canúu' jaléng' dseà' i teáng̃ do iẽ jo e júu' quiá' Jesús do, joba' lalab cañír' quiá' dseà' do:

—Níneb̃ jnea' røø' e tóo' fí' ní' jì' quiá' Fidiéé' e latab̃ nilíseeng' Dseà' Jmáang̃, joba' é'jialí' fól' 'nu' e i dseà' i jáa' fí' ní'f̃ e lííñ' jaang' dseà' jmigúí' 'né' nisáíñ' fí' yá' mĩ nijnga' dseà' quiá'r? Jogui é'í' i dseà' i julf' na?

³⁵ Joba' lalab cañí' Jesús quiá' i dseà' do:

—Jneã bi e jì' e jnea' jee' 'nú' lajee' lana, jo dsu' jo huøø' e lííng'guí' lajo jee' 'nú' fí' la. Joba' jmi'úum'ba' e seem'ba' guiá' lajee' e seem'ba' jee' 'nú' fí' la e laco' ja' nilí' e lí' nuu' do 'nú'. Dsaco' jaléng' dseà' i seeng' e fí' lí' nuu', joba' jiĩ ja' ní'r' jie' fí' lí' seeíñ'.

³⁶ Joba' jáang' yaang'na' e fí' lí' jnea' jì' do lajee' e seem'ba' jee' 'nú' e laco' qui' jmĩ e nilíseeng'na' contøøng' fí' lí' jnea' jì'.

Jo mĩ tí' lí' cangf̃ e cajíng' Jesús jalé' e júu' na, joba' cangó'bre, jo ca'náam' 'nía'r' jee' i dseà' do.

Jialí' ja' já' lííng' dseà'

Israel júu' quiá' Jesús

³⁷ Jo iẽ jo, ja' e líí' e Jesús cajméer' jalé' e lí' laniíng̃ e qui'r' jmĩ fí' quini' jaléng' dseà' góor' dseà' Israel, jo dsu' ja' já' líim'bi i dseà' do júu' quiá' Jesús; ³⁸ jo lajoba' e calití' e cajme' Saí' jaang' dseà' i café' cuaiñ' quiá' Fidiéé' maliñ' gui eáang' iẽ lamí' cajíñ' lala:

Fíi'naa', é'í' i já' nicalíng' júu' qui' e guià'naa'?

Jogui é'í' i nicalíñi' jial tíi' 'gøn',

Fíi'naa' Fidiéé'?

³⁹ Jo lajob' jaléng' dseà' do jiĩ ja' lí'r' níngáíñ', co' lalab cajme'gui Saí' cajo fí' ní' jì' quiá' Fidiéé' lí' fé' lala:

Jneã Fidiéé' jo fá'a e júu' la:

⁴⁰ Nícajñf̃ baa jminir' jogui

nícajñf̃ baa moguir' cajo

e laco' ja' cuøøng' nilíñir' júu' quié' e

o'gui cuøøng' e níngáíñ' jial líí' cajo;

jò lajòba' ja' niquí' jíng' yaaiñ
fí' quinií,

jogui lajòbi jnea~ ja'
nijmi'leáan nre cajo.

⁴¹ Jò cajíng' Safí' lana, cò'
nicangá bre jial tí' laniing' 'gøng'
Jesús, jòba' fé'r uii~ quiá' dsea do.

⁴² Jò nañi' fa' cajím' i yúu~ Safí'
do e júu^ jò, dsu' fíim' dsea Israel
já' calíin~ júu^ quiá' Jesús ie~ jò,
jogui fíim' dseata~ dsea Israel i
laniing' já' calíin~ júu^ quiá' dsea
do ie~ jò cajo. Jò dsu' ja' fé'r lajò
fí' quini' jaléng' dsea jiéng', cò'
'góm' bre jaléng' dsea Israel i líing'
dsea fariseo e ni'uøng~nein' fí' dsí'
sinúu' guá' quiá'r, ⁴³ cò' eáang'gui
iín~ e dsea jmigüü'bing' nijmi'gó' ír
laco'gui e nijmé' 'ñaia' Fidiéé' lajò
còo'r~.

Jial dseáng' 'né' nijmi'gó'
dsea júu^ quiá' Jesús

⁴⁴ Jò mi~ cangfgui lajò, lalab
cajíng' Jesús còo' júu^ teá':
—Jaléng' dsea i já' líing' júu^
quíe~e, jòba' i dsea í' o' jíi' júu^
quíe~e já' líiin~, cò' lajòb já' líiin~
júu^ quiá' Tiquí'ii' Fidiéé' cajo,
dsea i casíng' jnea~ fí' jmigüü' la.
⁴⁵ Jò doñi' ií' dsea i níing' jnea~,
jòba' níim bre cajo i dsea i casíng'
jnea~ fí' jmigüü' la. ⁴⁶ Jò jneab~ dsea
líin' n e jà' do, jò cagá~a fí' jmigüü' la
e lí' laco' jaléng' dsea i já' líing'
júu^ quié~e ja' niliseeín' fí' lí' nuu'.
⁴⁷ Jò i dsea i lico' núu' jalé' júu^
quíe~e jò dsu' ja' jmóor' núu'r~ jalé'
e jò, jòba' o' jnea~ dsea niquidsii'
í' quiá' i dsea í'. Cò' ja' cagá~a jnea~
fí' jmigüü' la e laco' niquidsii' í'
quíá' jaléng' dsea, cò' jnea~ cagá~a
e lí' laco' nilaan~re jee' jalé' dsee~

quíá' bre. ⁴⁸ Jò jaléng' i dsea i ja'
jíi' jnea~ o'gui já' líiin~ júu^ quié~e,
jòba' i dsea í' niseem'bing' i ní' í'
quíá'r~ quiá' jalé' e dsee~ e nica'éer'
do; cò' còo' jalé' e júu^ e nica'fá'a
na, còo' jíi' job nitidsí' í' quiá'r~
mi~ tí' lí' jò. ⁴⁹ Cò' jnea~ ja' fá'a la
ñii' 'ñiá'a, dsuco' Tiquí'ii' i casíng'
jnea~ fí' jmigüü' la, íb' i nicaquiú'
ta~ quié~e lajii' e 'né' e nifá'a. ⁵⁰ Jò
lajòb niñi' jnea~, e jaléb' ta~ e quiú'
Tiquié~e do cuø' e liseeng' dsea
cøøng' còo' Fidiéé' lata~. Jòba' lajòb
líi', jaléb' e fá' jnea~ dseáng' fá'a
jíi' laco' ta' ca'íin' n quiá' Tiquí'ii'.

Mi~ caru' Jesús tii' dsea'
guitúung' quiá'r~

13 Jò mi~ cangfgui lajò, lajee'
e guati'ló' jmi~ Pascua e
quí' tíing' dsea Israel jmóor' fí'
Jerusalén, jò ie~ jò niñib' Jesús e
nicatfb' í' quiá'r~ e nitár' fí' jmigüü'
la jò nidséin' nidsigüeá'tur còo'
Tiquí'ii' fí' níiff'. Jò lajee' cateaiín'
fí' jmigüü' la, eáam' cajmi'neaiín'
jaléng' dsea i ca'uíng' dsea quiá'r~,
jò lajòb cajméer' carti' cangáng' tur
fí' níiff'. ²⁻³ Jò ie~ jò, tí' lí' ni'fb' fii'
i 'líng' fí' dsí' Judas, jòo' jaang'
dseañu' i sii' Simón Iscariote, jò
i fii' i 'líng' do cajméer' e ca'f'
dsí' i Judas do e ni'níin' Jesús
fí' quini' jaléng' dsea i quié' níff'
quíá' dsea Israel. Jò Jesús niñi' bre
guiú' e fí' lí' guíng' Fidiéé' jaar'
mi~ cagüéin' fí' jmigüü' la, jogui
e fí' jòb nidséng' tur mi~ nítf' í'
quíá'r~. Jò i Tiquí'ii' dob i nicacuø'
ír' fí' e néé' nir~ lajalé'. ⁴ Jò ie~ jòb
cagó' Jesús íi' canuø' còo' dsea
guitúung' quiá'r~, jò lajee' e neaiín'
gø'r' dob mi~ caraiín' e fí' lí' guíin~

do jo caguir' e sɨr' e quier' lí' lí' ni~, jogui ca'nú'r' coo' jmáang' 'mi' fí' 'núiñ'. ⁵ Jo mi~ cangf' jo, caguiér' jmií' fí' dsí' coo' úu' e ja a' eáang', jo cóo' e job canaañ' ru'r' tii~ lajaang' lajaang' i dsea' guitúung' quiá'r' do, jo mi~ calí' jo, cajmiquiú'r' cóo' e 'mi' e ca'nú'r' tu'r' do.

⁶ Jo mi~ tí' lí' catíng' Tá' Simón e nijgíi' tii'r' e nirú' Jesús, joba' lalab cañiir' quiá' dsea' do:

—Fíi' i, ja' catíng' 'nu' e nirú' tii' i.

⁷ Jo lalab cañií' Jesús quiá' dsea' do:

—Ja' mi' ngáng' 'nu' lana e' guóng' lajii' e jmoo'o la, jo dsu' lajee' lab ningán'.

⁸ Jo cañií' tu' Tá' Simón quiá' Jesús jo casí'r' dsea' do:

—iDseáng' ja' cuo'baa fí' e 'nu' nirú' tii' i!

Joba' lalab cañií' tu' Jesús quiá' dsea' do:

—Lí' jii' e laba' líi', e song ja' nirú' u' tii'~, joba' ja' quí' jmií' jóng e líng'gui' dsea' quie' e.

⁹ Joba' cañií' tu' Tá' Simón quiá' dsea' do jo cajíñ':

—Jo song lajob nilí' Fíi' i, joba' guiú' gui e nirú' ba' la quie' guoo'o cóo' gui moguii' cajo.

¹⁰ Jo dsu' lalab cañií' tu' Jesús quiá' Tá' Simón jo cajíñ':

—Doñi' ii' dsea' i lalí' calá', joba' ja' 'né' lá' tur ladsifí' lado, jo jii' tii' bre 'né' nirú' tur co' sijgíim' bre latøøiñ. Jogui 'nú' líim' ba' dsea' sijgíing', nañi' fa' ja' lajaléng' na' líng' na' lajo.

¹¹ Jo cajíng' Jesús lana e ja' lajiing' i dsea' do líiñ' dsea' sijgíing', co'

niñi' bre guiú' i i dsea' i ni'ning' ír' fí' quini' dsea' i quie' nifi' quiá' dsea' Israel.

¹² Jo mi~ tí' lí' cató' e ru' Jesús tii' jaléng' i dsea' guitúung' do quiá'r', joba' caquib' tur e sɨr' do, jogui caguáb' tur e fí' lí' guiiñ' gø'r' do, jo miffing' cajíñ' lala:

—¿Su ní' 'nú' e' guóng' jalé' e nicajmé' e quii' na' na? ¹³ Co' 'nú' ca'íng' na' jnea' e líin' Fíi' na' jogui e líin' Tifa' quii' na', jo e jáb', lajob líi', co' lajob dseáng' líin'. ¹⁴ Jo co' jnea' dsea' líin' Tifa' jogui Fii' quii' na', nicarú' baa tii' na' lajaang' lajaang' na', joba' lajob cajo 'né' jmée' 'nú', 'né' rú' ba' tii' dsea' rúng' na'. ¹⁵ Jo jnea' nica'ée' baa 'nú' jial 'né' nijmee' na' e laco' 'nú' nijmee' na' røøb' laco' gui jii' e nicajmé' jnea'. ¹⁶ Jo e laba' jmitaa' oo' na', e jii' jaang' dsea' 'léng' niing' guir laco' fiir~, jogui e jii' jaang' dsea' i ngí' ta' quie' júu' niing' guir laco' gui i dsea' i casíng' ír' do. ¹⁷ Jo song ngám' ba' jalé' e júu' na jogui jmití' bi' e iáang' oo' na' cajo, joba' juguiú' biliseeng' na' jóng.

¹⁸ Jo dsu' e fá' a na ja' catíng' 'nú' lajiing' na'; co' ni' baa guiú' i jaléng' i nicaguíin' n. Dsu' dseáng' 'né' litib' jii' laco' fé' fí' ni' ji' quiá' Fidiée' e cajme' dsea' malií' gui eáang' lí' fé' lala: "Jaang' lajee' dsea' i gø' colíing' cóo' baa lana, ni' ní' níim' bre jnea'." ¹⁹ Jo fii' i 'nú' e júu' na lana e lí' laco' niñi' ba' jéeng' mi' tí' lí' nidsijée' jalé' e jo. Jo mi~ tí' lí' nilí' lajo, joba' jáb' nilíng' na' jóng e jneab' dseáng' líin' jii' laco' fá' a e líin'. ²⁰ Jogui

e laba' jmitaa' óóna', e doñí' ii`
dsea` i ni'íng' i dsea` i sáin`n do,
joba' ím`bre jnea` cajo; jogui doñí`
ii` dsea` i íng' jnea~, joba' ím`bre
i dsea` i casíng` jnea` fí` jmigüí` la
cajo.

**Mi` cajíng`- Jesús e Judas
Iscariotebing' i ni'níng` ír`**

(Mt. 26:20-25; Mr. 14:17-21; Lc. 22:21-23)

²¹Jō mi` cangî e cajíng`- Jesús
lajo, joba' dseáng` eám' fíí`
calíin~, jō cajíng`- casí`r- i dsea`
guitúung` quiá`r- do jō casí`-reiñ`:
—E laba' jmitaa' óóna', e jaang`
lajee` la'ó' 'nú`'bing' i ni'níng`- jnea`
fí` quini` i dsea` quie` nifí` quiá`
dsea` góóna` dsea` Israel.

²²Jō mi` canúu` i dsea` guitúung`
do e júu` jō, jō lico' cajóøng`
rúm`bre, jō dsu' ja` calilí`r` i`
dseáng`- i éeng` Jesús do. ²³Jō jaang`
lajee` i dsea` guitúung` i iing` Jesús
eáng` do dseáng`- cáam` dsea` do
güiñ~, jō lajoba' cuóøm` sáin` cōo`
dsea` do lajee` e neáaiñ` gø`r`. ²⁴Jō
cō' huíim`bigui guing` Té` Simón,
joba' cajméer` lí` cōo`- guoor` quiá`
i dsea` i guing` cáang` Jesús do e
laco' dsea` í` nijmingí`r- dsea` do
i` lajee` ír` i éeng` Jesús do. ²⁵Jō
i dsea` i guing` cáang` Jesús do
cangoquieeiñ` quiá`gui laco' guing`
dsea` do, jō lalab cajmingí`r- dsea`
do:

—Fíí` i, ði` i dsea` i julf` na?

²⁶Jōba' lalab cañíi` Jesús quiá`
dsea` do:

—Lana nijmi`leaa` cōo` 'ná` jiu`
iñí`, jō ii` i dsea` i nicuóøø` e jō, íb`
i fá`a na.

Jō dsifí` mi` café` Jesús e júu` jō,
joba' cajmi`leá`bre e iñí` do, jō i

Judas i líng` jōo` Simón Iscariote,
íb` i cacuø`r` e jō. ²⁷Jō dsifí` mi`
ca'íng` i Judas do e iñí` do, joba`
dsifí` lajob` ca'í` fii` i 'líng` i sii`
Satanás fí` dsíir`. Jōba' lalab casí`
Jesús ír`:

—Lajíi` e nicalí` o' e nijmée`
joba' jmeeb` lajminá`.

²⁸Jō mi` canúu` i dsea` i
caguiaang`gui do lajii`- e cajíng`-
Jesús do, ja` cangáin` jialí` cajíng`-
dsea` do lajo. ²⁹Jō cō' ie` jō i Judas
Iscariote do líiin` dsea` i si`má`
cuu` quiá` Jesús cōo`-gui quiá` i
dsea` guitúung` quiá`r-, joba` i líing`
i dsea` do ca'f` dsíir` e Jesús sá`r` i
Judas do e líing` eè` nidsileáa` dsea`
do quiá` e ni`né`r` lajiiñ` lajee` jmi`
osi quiá` e nicuø`r` jaléng` dsea`
tiñíng` é.

³⁰Jō dsifí` mi` ca'íng` Judas
Iscariote e iñí` do, joba' cagüi`íí`bre
e fí` lí` neáaiñ` do. Jō nicanuøb`.

Júu` laniing` quiá`- Dsea` Jmáang`

³¹Jō mi` tí` lí` cangî e cagüi`íí` i
Judas Iscariote do, joba' lalab casí`
Jesús i dsea` quiá`r- i cajé`gui do:

—Jō lanab nicalilí` 'nú` jial` tíi`
niguo` líng` Fidiée` mi` calilí` jial`
tíi` niguo` líng` jnea~, dsea` cagá` a fí`
ñifí` jō cagüén` n fí` jmigüí` la e líin`n
jaang` dsea` jmigüí`. ³²Jō song lajob`
líí, e jnea` dsea` cagüén` n fí` jmigüí`
la líin`n jaang` dsea` jmigüí` e ni`éé`
'nú` jial` tíi` niguo` líng` Fidiée`, joba`
Fidiée` lajob` nijmér` cōo`- jnea` cajo,
jō lajee` tab` nijmér` lajo. ³³Jogui 'nú`,
dsea` líng`na' jōo`, e laba' fíi` i 'nú` e
jō huøø` táang`guíi` cōo`- 'nú` fí` la.
Jogui 'nú` ni`nam`ba' jnea` jō dsu' jō
niguiéng`na' jnea`; cō` lí` laco`gui jii`
e nicañí` i dsea` Israel caguiaang`gui

ie~ lamí~ jééng'gui do, jo lajob fíi 'e 'nú' lana cajo e ja' cuóøng' nigüüling'na' fí' lí' ninín' ^ jnea~. ³⁴ Jo uing~ e joba' e nicuóø'ø 'nú' e júu' laniing~ la e ja' mí' caffí' i 'nú' lamí~ jééng'gui, jo e lab e jo: jmi'neáang'na' dsea' rúng'na'. Jo lí' ^ laco' la 'neáang' jnea~ 'nú', lajob dseáng' ^ né' jmi'neáang'na' dsea' rúng'na' cajo. ³⁵ Jo song lajob jmoò'na' e dseáng' ^ jmi'neáang'na' dsea' rúng'na', joba' lajjím' dsea' nililí'r' jóng e dseáng' ^ dsea' quié'baa líng'na' song jmoò'ba' lajo.

Mí' cajmée' Jesús júu' e nijíng' ^ Tá' Simón e ja' cuíin' dsea' do

(Mt. 26:31-35; Mr. 14:27-31; Lc. 22:31-34)

³⁶ Jo mí' canúu' Tá' Simón lajji' ~ e cajíng' ^ Jesús do, joba' cajmíng'f'r' dsea' do lala jo cajíin' ^:

—Fíi' i, ¿jie~ fí' lí' niguó' ^?

Joba' cañíi' Jesús quiá' ^ dsea' do jo casí' rein' ^:

—Ja' cuóøng' niguøng' ^ 'nú' lana e fí' lí' ninín' ^n, jo dsu' mí' nilicøøng' guijiu lajo, joguiba' e nicuóøng' guø'n' ^ jóng.

³⁷ Joba' lalab cañíi' Tá' Simón quiá' ^ Jesús jo casí'r' ^ dsea' do:

—Fíi' i, ¿jialí' ^ ja' cuóøng' e ninín' ^n cóo' ^ 'nú' lana? iCø' ^ guiab' dsii' e nijáang' ^ 'niá' ^ a e nijúun' ^ n e laco' ^ nijmicóo' ^ o 'nú'!

³⁸ Joba' lalab cañíi' Jesús quiá' ^ i Tá' Simón do jo casí' rein' ^:

—¿Su dseáng' ^ já' ^ e nijmée' ^ e laco' ^ fó' na, Tá' Simón? Cø' ^ lana jmitaa' o' ^ e lajee' e ná' ^ gui e niquí' ^ jaang' tuidsee' ^, 'nú' nifo' ^ 'ní' ya' ^ e ja' cuíin' ^ jnea~.

Jesús líiín' e fí' cóo' ^ e guilíng' dsea' fí' lí' guing~ Tiquiá'r' ^

14 Jo mí' cangf e casíng' ^ Jesús cóo' ^ i Tá' Simón do,

joba' lalab casí' ^ guir i dsea' quiá'r' ^ do:

—Ja' jmáang' ^ yaang~na' fí' i' ^ 'nú' ^, dsea' já' ^ nicalíng'na' júu' quiá' ^ Fidiée', jogui ja' jmitúng' ^ óo'na' cóo' ^ júu' quié' e, cø' ^ 'né' e jáb' ^ nilíng'na' cajo. ² Cø' ^ fí' lí' guing~ Tiquié' e fí' ñifí', féb' ^ jóo' e quiá' ^ nigüea' ^ jaléng' ^ dsea' quiá'r' ^; cofa' ja' líí' lajo, joba' ja' mí' caffí' i 'nú' ^ jóng e tí' lí' ninín' ^ n e niguiaa' ^ guié' fí' lí' nigüiní'na' cóo' ^ jnea~ fí' lí' guing~ Tiquié' e facø' lajo. ³ Jo mí' tí' lí' cangf e niguiaa' ^ guié' e fí' lí' nigüiní'na' do, joba' nigáab' túu calé' ^ catú' ^ fí' la e laco' ^ nitø' ^ 'nú' ^ e nigüüling'na' cóo' ^ jnea~, jo fí' job nidsi' ié' ee' colíng' ^ cóo' ^ jnea~. ⁴ Cø' ^ niñí'b' ^ 'nú' ^ jie~ fí' lí' ninín' ^ n jogui nicuú' ^ bi' cajo e fí' e dsijée' fí' jo.

⁵ Jo mí' cangf e cajíng' ^ Jesús e júu' jo, joba' jaang' lajee' i dsea' quiá'r' ^ do i sii' Tomás lalab cañíir' quiá' ^ dsea' do:

—Fíi' i, ja' ne~ jnea' ^ jie~ fí' lí' niguøng' ^ 'nú', joba' ¿jial lí' e nilicuú' ^ naa' jnang~ e fí' jo?

⁶ Joba' lalab cañíi' Jesús quiá' ^ dsea' do:

—Jneab~ dsea' líin' ^ n e fí' e laco' ^ cuóøng' nigüilíng' dsea' fí' ñifí', jogui jneab~ dseáng' ^ cuóø'ø 'nú' e líin' ^ na' jalé' ^ júu' quiá' ^ Fidiée', jogui jji' ~ jnea~ bi' cuóø'ø 'nú' ^ cajo e seeng'na' ^ cøøng' cóo' ^ Fidiée' lata~. Jo jji' ~ la'eáang' cóo' ^ jneab~ cuóøng' e nigüilíng' dsea' fí' quini' Tiquí' ^ ii' Fidiée'. ⁷ Jo song nicuúim' ^ 'nú' ^ guié' jnea~ lana, joba' nilicuúim'ba' Tiquié' e cajo; jo dsu' latí' lanab ninaang' cuíng'na' dsea' do, cø' ^ nicañíim'ba're.

⁸ Jo mí' calí' fé' ^ Jesús e júu' na, joba' lalab cañíi' ^ jaang' gui dsea'

quíar' i sii Lii' do jo casí'r' dseà do:

—Fíi'i, cuøø' jnea' fí' e nineeng'naa' Tiquí'ii' dseà guing' ñiff', jo jii' joba' mii'naa' 'nú'.

⁹Joba' lalab cañii' Jesús quiá' i Lii' do jo cajíñ':

—Lii', ningóob' eáang' e seen' jee' 'nú', jo ðsu ja mí' calicuíim'bi' jnea'? Dsucø' jaléng' dseà i níing' jnea~, joba' i dseà í' níim'bre Tiquié'e cajo; joba' ðjiali' mii' jnea~ fí' e laco' nimáang'na' Tiquí'ii'? ¹⁰Jo ðsu ja já' líin' 'nú' e jnea~ cøøm seeng' cøø' Tiquí'ii' jogui e Tiquí'ii' cøøm seein' cøø' jnea~ cajo? Cø' jalé' e fíi' 'nú' na ja fá'a e la tiin' 'niá'a, cø' Tiquí'ii' i seeng' cøøng' cøø' jnea~ do, dseà íb' i jmóo' lajii' ta' quiá'. ¹¹Jo 'né' líin'ba' e jnea~ cøøm seen' cøø' Tiquí'ii', jogui lajobi ír' seein' cøøng' cøø' jnea~ cajo, jo song ja já' líing'na' e júu' jo, joba' lico' já' güilíng'na' júu' quié' e mí' móo'na' jalé' e jmóo'. ¹²Jogui e laba' jmítaa' óo'na' cajo, e doñi' ii' i já' líing' júu' quié' e, joba' nijmé'bre jalé' e quíi' jmi' lí' laco'gui jii' na licajmé' jnea~ cajo; jo dsu' seà'ba' do e nijmér' e niguo'gui eáang', cø' jnea~ ninín'n e nijaa' cøø' Tiquí'ii' dseà guing' ñiff'. ¹³Jo jalé' e nimíi'na' Fidiéé' la'eáang' cøø' jnea~, joba' jneab~ nijmee' e jalé' e jo quíi'na', jo lajoba' nijmiféng' dseà Tiquié'e Fidiéé' la'eáang' cøø' jalé' e jmóo' jnea~ do. ¹⁴Jo doñi' eeb' cuøøng' lí' jmee' jnea~ song camíi'na' Fidiéé' lajo la'eáang' cøø' jnea~.

Mí' cacuø' Jesús júu' e nisíng' Fidiéé' Jmiguí' quiá'r'

¹⁵Jo fíi' guíi' 'nú' e song dseáng' lajang' júu' 'neáang'na' jnea~, joba' nijmée'ba' núu'na' júu' quié' e jóng.

¹⁶⁻¹⁷Joba' jnea~ nimíi' i Tiquí'ii' dseà guíiñ' ñiff' e nisín' Jaang' i nijmicøø' 'nú', jo e job líi' Jmiguí' quiá' Fidiéé' cøø' e cuø' 'nú' e líin'na' jalé' júu' quiá' Fidiéé'. Jo e Jmiguí' do contøøm niliseeng' cøø' 'nú'. Jo jaléng' dseà i ja mí' calíng' jnea~, joba' ja quí' jmi' fa' e ni'ín' e Jmiguí' do, cø' ja mí' cangár' ø'gui cuíir' cajo; jo dsu' 'nú'gui nicuíi'ba' e Jmiguí' do, cø' niseem' cøø' 'nú' lana, jogui tí' lí' nití' í' e niliseem' fí' áa'na' cajo.

¹⁸Jo fíi' guíi' 'nú' e ja quí' jmi' fa' niseáan' 'nú' e lafa' 'níng'na', cø' nigáab'túu' calé' catú' jo niliseem'túu' cøø' 'nú'. ¹⁹Jo lajee' lab, jaléng' dseà i ja cuíng' jnea~ jo niníing'guir' jnea~; jo dsu' 'nú' nimáam'tu' jnea~ jogui contøøm niliseeng'na' cøø' jnea~ cajo, cø' seem' jnea~ cøø' 'nú' lata'. ²⁰Jo ie~ job nililí'na' e jnea~ cøøm seen' cøø' Tiquié'e, jogui 'nú' cøøm seeng'na' cøø' jnea~, jogui jnea~ cøøm seen' cøø' 'nú' cajo. ²¹Jogui i dseà i íng' júu' quié' e jogui jmóor' núu'r' jalé' e júu' jo, joba' i dseà í' cuø' lí' e dseáng' lajam'ba' e 'neáaiñ' jnea~, jo lajob Tiquié'e nijmi'neáam'bre i dseà i jmi'neáang' jnea~ do, jogui jnea~ nijmi'neáam'baa i dseà í' cajo, jogui ni'ée'baare jial dseáng' líin'.

²²Joba' cañii' jaang'gui dseà guitúung' quiá' Dseà Jmáang' i sii' Judas, dsu' ø' i Iscariote do, jo casí'r' dseà do lala:

—Fíi'i, ðjiali' e ni'ééng' uø' fí' quini' jnea' jo ø' fí' quini' jaléng' dseà i ja líing' dseà góo'naa'?

²³Joba' cañii' Jesús quiá' i Judas do jo cajíñ':

—Jaléng' dseà ì jmi'neáang`
jneá~, joba' jmóo`bre núu'r~ jalé'
júu` quié`e; jo Tiquié`e Fidiéé`
nijmi'neáam`bre ì dseà í` cajo, jo
lajob Tiquié`e coliiing`gui cóo`~ jneá~
cøøm` nilisee`naa' cóo`~ ì dseà í`.

²⁴Jogui ì dseà ì ja` 'neáang` jneá~,
joba' ja` jmóor` núu'r~ jalé' júu`
quié`e. Jo jaléb` e júu` e fál' jneá~
la, o' dseáng` júu` quié` e 'niá'a
co' e quiá' Tiquí'baa', jo íb` dseà ì
casíng` jneá` fí` jmigiú' la.

²⁵Jo fíi` ì 'nú' jalé' e júu` la lajee`
e táam`bfi cóo`~ 'nú' fí` jmigiú' la;
²⁶jo dsu' mi` ninín`n fí` ñiff` fí` lí`
guiing` Tiquié`e, joba' dseà íb` ì
nisíng` Jmigiú' quiá'r` cuaiñ` quié`e
e laco' nijmicóo`~ 'nú', jo lajoba'
niguiéng'` áa'na' jalé' e júu` e
nicafíi` ì 'nú' lajee` e nicataang`naa'
coliiing`, jogui ni'é'` 'nú' jalé' e 'né`
ní'na' cajo.

²⁷Jo mi` tí` lí` nití` í' e
ninín`n, joba' niséé` e cóo`~ 'nú' e
niliseem`ba' juguiú` cóo`~ Fidiéé`.
Jogui nicuøø`baa` 'nú' laco'gui
la seeng` jneá~ juguiú` cóo`~ dseà
do, jo dsu' ja` nicuøø` e jo laco'gui
la cuø` dseà ì ja` cuíng` Fidiéé`.
Joba' fíi`guíi` 'nú' e ja` jmeáang`
yaang`na' fí'í` uii` quiá' jalé' e
nidsingíing`na', o'gui føøng`na'
cajo uii` quiá' jalé' e jo. ²⁸Jo
nicanúu`ba' e nicafíi` ì 'nú' lami`
jéeng`gui e ninín`n fí` lí` guiing`
Tiquí`ii', jo dsu' nigáab`túu` jo
niliseem`túu` cóo`~ 'nú' calé'
catú`. Jo faco' dseáng` jál' e 'nú'
'neáang`na' jneá~, joba' cali'íáam`
óo'na' jóng` mi` caliñí`na' e ninín`n
fí` lí` guiing` Tiquí`ii' faco' lajo,
co' í`bre dseà niing`guir laco'gui
jneá`. ²⁹Jo uing` e joba' e fíi` ì 'nú'

jalé' e la e lí' laco' mi` nití` í' e
nidsijéé` jalé' e jo, jo lajoguiba' e
jál' nilíng`na' jalé' e júu` quié` e do.

³⁰Jo lana jo` 'ga' lí` siing`guíi`
cóo`~ 'nú', co' nijaquíéem` ì fii`
ì 'líng' ì quiu' ta` fí` jmigiú' la, jo
dsu' nañi` fa' ja` bí` óo` ì fii` ì 'líng'
do e niquiú'r` jneá` ta`, ³¹dsu'
lajob dseáng` nisí'í` e nidsijéé` e
laco' niliñi` jaléng` dseà jmigiú' e
'neáam`baa` Tiquí`ii' jogui e jmóo`o
lajíi' ta` e nicaquiú'r` quié`baa.

Jo mi` cató' e fé' Jesús jalé' e
júu` na, joba' cajíñ' casí'r` ì dseà
guijáng` quiá'r` do lala:

—Ráang`na' na, jo ma'uøø`duu' la.

Jesús líiñ` e huiing` jó' e jlo' siníi`

15 Jo mi` cangígui lajo, lalab
cajíng`gui Jesús casí'r` ì
dseà gujáng` quiá'r` do:

—Jneá` líiñ`n e huiing` jó' e jlo'
siníi`, jogui Tiquié`e líiñ` laco' ì
dseà jmáng` í` guiú` e huiing` jó'
do. ²Jo song` coo` guo' e huiing`
jó' quié` e do ja` cuø` mí' huiing`
jó', joba' niquiú'b' Fidiéé` e guo'
jo; jo dsu' song` guiú`bi cuø` mí'
huiing` jó', joba' Fidiéé` ni'íá'bre
jogui nisám`bre guo' quiá' e
laco' ni'f` jmigiú'gui. ³Jogui 'nú'
lana nisiguiú'm`ba' la'eáang` e
nica'íing`na' lajii' júu` e nicafíi` ì
'nú'. ⁴Jo güiliseem`bi` cøøng`
coliiing` cóo`~ jneá` lí' laco'gui la
seeng` jneá~ cøøng` coliiing` cóo`~
'nú'. Cofa' coo` guáng' quiá' mí'
huiing` jó' ja` qui' jmiñ` ni'f` 'niá'
song` sí'naam` e guáng' do quiá' e
huiing` quiá'; jo lajob líi'gui cóo`~
'nú' cajo, ja` qui' jmiñ` nijmee`na'
e guiú` song` ja` seeng`na' cøøng`
coliiing` cóo`~ jneá`.

⁵Jō fīi-túu 'nú' e jneab- lín'n e huiing- jól' do, jogui 'nú' líng'na' guáng' quiá' e huiing- do. Jō doñi' ii' dseá i seeng- cøong- cøo' jnea~, joba' jnea~ seem'baa cøong- cøo' ír' cajo, joba' eáam' íing- ta~ jalé' e jmóor; cofa' ja' seein- cøong- cøo' jnea~, joba' jíi' coo' e guiá- ja' eé' quíi'r' jmií- jmér^ jóng. ⁶Cø' i dseágui i litúng- dsíi' e seein- cøong- cøo' jnea~, joba' i dseá í' ni'nám-bre cøo' jnea~, joba' ni'íim- quiá'r- lí' laco'gui mi~ liquiíu e guáng' e si'naang- quiá' e huiing- jól' do, jø sitíim' jalé' e jø, jø niné' fí' lí' nicób` jóng.

⁷Jogui song 'nú' ja' tũna' e seem'ba' cøong- colíing- cøo' jnea~ jogui e teáb- teáng'na' cøo' júu^ quié-e cajo, jø song lajob jmoo'na', joba' mii'na' jnea~ eé' íing- na' jø lajob nilí'. ⁸Jogui mi~ 'nú' eáam' íing- ta~ jalé' e jmoo'na', jø e joba' cuø' lí' e líng'na' dseáng'- lajang'^ dseá quié-e, joba' nijmiféng' dseá Tiquié'e Fidiéé' dseá guíing- ñiff'. ⁹Jø jnea~ eáam' 'neáan'n 'nú' lí' laco'gui la 'neáang- Tiquí'ii' jnea~; joba' fíi' i 'nú' e güiliseem'bi' e ñí'na' jial tii' e 'neáan'n 'nú'.

¹⁰Jø song 'nú' nũu~ba' jalé' júu^ quié-e, joba' seem'ba' e 'neáam'bii' 'nú' jóng lí' laco'gui la jmoo' jnea~ nũu~u lajíi' júu^ quiá' Tiquié'e, joba' seem'baa e jmi'neáang- Tiquié'e jnea~.

¹¹Jø fõn'n 'nú' lana e lí' laco' nili'íang- áa'na' laco'gui e íang- dsí' jnea~, jogui e dseáng'- la iéb' nili'íang- óo'na' cajo lí' laco' catíing- e líng' dseá quié-e.

¹²Jogui fíi-túu 'nú' e júu^ quié-e e 'né- líti- do, jø e lab e júu^ jø:

'né- nijmi'neáam'ba' dseá rúng'na' lí' laco'gui jnea~ jmi'neáan'n 'nú' lajaang- lajaang'na'. ¹³Jø e jmi'neáang- dseá rúin' e laniing-gui eáang- lí' mi~ jáng' 'ñia'r' e laco' nijmicøo'r- dseá seeng- røø' cøo'r- nañi' song cajúin- dsu' uii' e cajméer' lajo. ¹⁴Jø song nũu~ba' jalé' júu^ quié-e e nicaffi' i 'nú' e 'né- jmee-na', joba' dseá seeng- røø' cøo' jneab- líng'na' jóng. ¹⁵Jø lana jø líng'na' dseá i lico' jmoo' ta~ quié-e, dsuco' i dseá la'í' jíi' ja' ñir' e~ uíing- e ta~ e jmóor' quiá' i fiir- do. Dsu' lana nilíng'na' dseá seeng- røø' cøo' baa, cø' nicacuøø'baa 'nú' e nicaliñi'na' jalé' e júu^ e ca'íin'n quiá' Tiquié'e. ¹⁶Jogui o' 'nú' dseá caguíing'na' jnea~ e quíe- nifi' quíi'na', dsuco' jneab- dseá nicaguíin'n 'nú' e laco' ni'uíing-na' dseá quié-e, jogui nicacuøø' 'nú' ta~ e nigüilíng-na' nigüijmee'na' jmang- e nili'íing- ta~ quíi'na' lata~. Jø lajoba' Tiquí'ii' Fidiéé' nicuø'bre 'nú' jalé' e nimíi'na're la'eáang- cøo' jnea~. ¹⁷Jø e lab e fíi-túu 'nú' do calé' catú- e 'né- nijmee'na': nijmi'neáang'na' dseá rúng'na'.

'Ní' níing- dseá Jesús cøo'gui jaléng' dseá quiá'r-

¹⁸Jø fíi-guú' 'nú', dseá quié-e, e ja' güidsigá' óo'na' e 'ní' níing- jaléng' dseá jmigüí' 'nú', dsu' güilini'na' guiá' e jnea~bing' la'uii- i calí' 'ní' níing- jaléng' dseá do. ¹⁹Cø' facø' 'nú' líng'na' dseá jmigüí' i ja' cuíing- jnea~, joba' nijmi'neáam- jaléng' i dseá í' 'nú' jóng lí' laco'gui la jmi'neáang- rúin' la'ó' yaaiñ-. Jø dsuco' jneab- dseá

caguín' n 'nú' jee' jaléng' dsea' jmigüí' i ja' cuíng' jnea' e laco' ni'uíng' na' dsea' quié' e, jo' uíi' e lajoba' e jaléng' i dsea' í' ni'ni' níiñ' 'nú', co' 'nú' jo' líng' na' laco' ír'. ²⁰ Jo' tée' áa' na' lajii' e nicaíí' i 'nú' do: "Jii' jaang' dsea' jmoo' ta' niing' guir laco' fiir'." Jo' quié' na' cuente e gab' nijmeáng' dsea' jnea', joba' lajob' nijmeáng' dsea' 'nú' cajo; jogui song ja' mí' calinú'r' júu' quié' e, joba' lajob' ja' nilinú'r' júu' qui' na' cajo. ²¹ Jo' jaléb' e ga' na' nijmeáñ' 'nú' uíi' e líng' na' dsea' quié' e, jo' nijmér' lajo' co' ja' cuíñ' i dsea' i casíng' jnea' fí' jmigüí' la.

²² Jo' faco' mí' jnea' ja' caguén' n fí' jmigüí' la e caga'ée' e dsea' jmigüí' júu' quiá' Fidiée', joba' ja' calilí'r' jóng' e líiñ' dsea' røøng' dsee' faco' lajo; jo' dsuco' lanagui nicaguém' baa' fí' la e quie' júu' quiá' Fidiée', joba' jo' cuøøng' lí' fé'r' náng' e ja' dsee' røøñ', co' dseáng' lajob' líiñ'. ²³ Jo' jaléng' dsea' i 'ní' níng' jnea', joba' la quié' Tiquié' e dsea' guíng' ñiff' 'ní' níiñ' cajo. ²⁴ Jo' ja' dsee' røøng' dsea' jmigüí' faco' mí' jnea' ja' cajmé' e jee' ír' jalé' e quíi' i jmií' e cajmé' e e jii' jaang' dsea' jiéng' ja' quíi'r' jmií' mí' cajméer'. Jo' ja' eé' líi' e nicangáb' jaléng' i dsea' í' jalé' e quíi' i jmií' do, jo' dsu' mí' 'noo' bi' 'ní' níiñ' jnea' jogui 'ní' níiñ' Tiquié' e cajo. ²⁵ Jo' dsijée' jalé' e na, co' dseáng' 'néb' liti' lajii' laco' tōo' fí' ni' jì' quiá' Fidiée' e cajme' dsea' malii' gui eáang' lí' fé' lala: "Eáang' calí' 'ní' níng' dsea' jnea' e jii' ja' uíng' sea'."

²⁶ Jo' dsu' mí' niguiéng' túu' fí' ñiff', joba' nisíñ' n e Jmiguí' quiá'

Tiquí' ii' Fidiée' e sñiñ' e laco' nijmicóo' 'nú'; jo' e Jmigüí' dob cajo e ní' é' 'nú' jalé' e jal' jogui e ní' é' uii' quié' e jalé' e ní' e jmoo'o. ²⁷ Jogui 'nú' cajo dsea' catíng' na' e nifo' na' uii' quié' e fí' quini' dsea' jmigüí', co' conrøøb' nicalisé' naa' jii' ie' latí' mí' calicuíng' rú' naa' do.

16 'Jo' fíi' i 'nú' jalé' e júu' la e lí' laco' ja' nilitúng' óo' na' e jal' líng' na' júu' quié' e. ² Co' jaléng' dsea' góo' naa' dsea' Israel ni'uóñ' 'nú' fí' dsii' guá' qui' naa', jo' jì' gui niguiée' jmií' e doñi' ii' dsea' i nijngáng' 'nú' ni' f' dsíir' e lajoba' e jmitir' ta' fí' quini' Fidiée' fíng' song cajméer' lajo. ³ Jo' nijmér' jalé' e na' uíi' e ja' mí' calicuíim' bir jnea' o' gui mí' calicuíiñ' Tiquí' ii' dsea' guíng' ñiff' cajo. ⁴ Jo' fíi' i 'nú' lana e lí' laco' mí' nití' í' e nidsijée' jalé' e jo, joba' niguiéng' áa' na' e nicaííi' baa' 'nú' jéeng' gui e nilí' lajo.

Lajii' ta' óo' Jmiguí' quiá' Fidiée'

'Jo' ja' mí' caííi' i 'nú' jalé' e na' latí' mí' uíng', co' lajee' jo' táam' jnea' cóo' 'nú'. ⁵ Jo' dsu' lanagui ngóo' catfb' í' quié' e e ninín' túu' fí' ñiff' e nijaa' cóo' i dsea' i casíng' jnea' fí' jmigüí' la, jo' jii' jaang' 'nú' ja' mí' cajmingíi' na' jnea' jie' fí' lí' ninín' n. ⁶ Jogui 'nú' lí' lí' jmoona' fi' íb' dsu' fíi' i 'nú' jalé' e júu' na. ⁷ Jo' dsu' dseáng' jáb' júu' e fíi' i 'nú' la, e guiá' gui ni'uíng' qui' na' e niním' baa. Co' fíng' song ja' ninín' n, joba' ja' quí' jmií' jóng' e nigúéeng' i nijmicóo' 'nú' fí' jmigüí' la, jo' dsu' mí' niguién' n fí' ñiff', joba' jneab' dsea' nisíñ' n i nijmicóo' 'nú' fí' jmigüí' la. ⁸ Jo' mí'

nigüéeng- í, joguïb nijmitar- dsíí' dsea jmigüí' jalé' dsee- quaiñ- jogui jial líí' e seeng- dsea e ja éer- dsee-, jogui cajo jial íí' Fidiéé' í' laco' catíng-. ⁹Jogui e Jmiguí' do nijmita- dsíí' dsea e líng- dsea e i røong- dsee- uíí' e ja já' lííñ- júu- quíé-e; ¹⁰jogui e Jmiguí' do cajo nijmita- dsíí' dsea e jnea- ja røon- dsee- co' niníng- túu- còo' Tiquí' ii' Fidiéé' jo jò nimáang- gui' jnea- fí' jmigüí' la. ¹¹Jogui cajo e Jmiguí' quíá' Fidiéé' doba' nijmita- dsíí' dsea jmigüí' e nica'ñb- Fidiéé' í' laco' catíng- quíá' fii- i líng- i quíu' ta- fí' jmigüí' la, co' dseáng- latab- ni'ññ' iihuíí'.

¹²Jø jmguiú' bi jalé' e sea nifíí' i 'nú', dsu' ja nifíí' i 'nú' jalé' e jo dseáng- lana e lí' laco' ja ni'uúing- jmguiú' quíí' na'. ¹³Jø dsu' mi- tí' lí' nigüéeng- e Jmiguí' quíá' Fidiéé' do jee- 'nú', joba' e job e nicá' jmang- júu- já' quíí' na', jogui e job cajo e ni'é' gui 'nú' jalé' e ja mí' caffí' i 'nú' lana; co' ja nifé' jii- laco' í' dsíí' 'ñia' e Jmiguí' do, co' lajii- júu- e ni'íng- quíá' Fidiéé', jii- joba' e nifé'; jogui cajo ni'é' 'nú' e jalé' e nidsijéé' fí' jmigüí' lajee- lí' dsé' gui. ¹⁴Jø e Jmiguí' do nifé' guiá- uii- quíé-e, co' nicuó' 'nú' lajii- e ni'íng- quíé' baa e laco' niliñí' na' jalé' e jo. ¹⁵Jø lajib- jalé' e sea quíá' Tiquí' ii' e quíé' baa líí' cajo, jo uíí' e lajoba' e fá' a e lajalé' e júu- e ni'íng- e Jmiguí' do jáa' fí' quíé' baa, jo jaléb' e jo nicuó' 'nú' e ningáng' na'.

¹⁶Jø fii- guíí' 'nú' cajo e jo huóø- táang- guíí' jee- 'nú', joba' jò nimáang- gui' jnea-; jo dsu' mi- ningf- guííu lajo, joba' nimáam- tu' jnea- calé' catú'.

**Cateá'ba' e calíng- dsea
guijáng- quíá' Jesús fi'í'**

¹⁷Jø mi- canúu- i dsea guijáng- do lajii- júu- e cajíng- Jesús do, joba' canaañ- jmingí' rúíñ' la'ó' yaaiñ- jo sñíñ-:

—¿E- gui guóng- e fé' i Fíí' naa' na mi- jín- e jo huóø- dsé- e táang- guir fí' jee- jnea- aa', joba' jò nineeng- guíí' re, jo dsu' mi- ningf- guííu lajo, joba' nineem- túu' re calé' catú'? jogui ¿e- gui guóng- e jín- e nidséíñ- fí' lí' guíng- Tiquíá' r' fí' ñifí'? ¹⁸Jogui cajo, ¿e- gui guóng- e jín- e jo huóø- dsé- e táang- guir jee- jnea- aa'? Jø lana dseáng- jii- capí' ja ngáng- naa' e guóng- jalé' e fé' r' na.

¹⁹Jø dsifib- calilí' Jesús e i dsea quíá' r- do liim- eé- iñ- nijmingí' r- dsea do, joba' lalab cañíir- quíá' i dsea quíá' r- do jo cajíñ-:

—Jnea- nicaffí' i 'nú' e jo huóø- dsé- e máang- gui' jnea- fí' jmigüí' la, jo dsu' mi- ningf- guííu lajo, nimáam- tu' jnea- calé' catú'. Jø ¿su e nab e iing- na' e ñí' na' do e guóng-? ²⁰Jø dsu' jnea- jmitaa- óo' na' e mi- tí' lí' nití' e í' jo, joba' eeam- fí' í' nilíng- na' jóng co' jii- gui cartí' niquí' ba', jogui ie- jo jaléng- dsea i ja cúíng- jnea- eeam- nijmi' íaang- dsíir'. Jø dsu' 'nú' gui cateá' ba' nilíng- na' fi' í' ie- jo, co' còo' e joba' nijmé- e nili' íaang- tu- óo' na'. ²¹Co' e la líí' laco' gui mi- jaang- dseamf- íñ- iihuíí' lajee- dsea jmohuíí' quíá' r- e liseeng- jiuung- quíá' r-; jo dsu' dsifí' mi- caliséng- i yuu- do quíá' r-, joba' íim- dsíir- lajii- e iihuíí' e ca' íñ' do, co'

eáam' jmi'iaang` dsí' dsa' uí' e nicaliséng` i yuu` do quiá'r. ²² Jo lajob líng' 'nú' fi'á' lana, jo dsa' mĩ nimáang` tu' jnea` calé' catú', joguiba' nili'iaang` áa'na' dseáng' laco' sí'á', jo e jo jíi' jaang` cuóong` lí' jé'gui quií'na' e iaang` óo'na' do.

²³ Jo ie` jmi` jo, jo` e nijmingí'gui' jnea` jíi' coo'; co' e já'ba' e fíi' i 'nú' e ie` jo Tiquí'ii' nicuó'bre 'nú' jalé' e nimíi'na're la'eáang` cóo' jnea`. ²⁴ Jo dsa' latí' lana, jíi' coo' ja` eé' mĩ camíi'na're la'eáang` cóo' jnea`; jo dsa' mĩi'na're joba' niíim'ba', jo lajoba' nili'iaang` óo'na' dseáng' laco' sí'á'.

Jial laniing` 'gong' Dsea` Jmáang`

²⁵ Jo nicaíi' i 'nú' jalé' júu` e huíng` jiu ngáng'na', jo dsa' tí' lí' nití' í' e jo ní'fong'guí' 'nú' cóo' jalé' e júu` jo, co' ie` jo dseáng' condseéb' ní'fíi' i 'nú' cuaiñ` quiá' Tiquí'ii' dsea` guíing` ñiff'. ²⁶ Jo mĩ nití' e í' jo, 'nú' nimíi'na're e nijmicóo'r` 'nú' la'eáang` cóo' jnea`; jo ja` fá' jnea` e nimíi' i Tiquí'ii' uíi' 'nú', ²⁷ co' 'ñiab' Tiquí'ii' 'neáaiñ` 'nú' cajo uíi' e 'neáam'ba' jnea` jogui e já' nilíng'na' e Fidiéé' dsea` casíiñ` jnea` fí' jmigüí' la cuaiñ` quiá'r. ²⁸ Co' fí' lí' guíing` Tiquí'baa' cajú' u mĩ cagüen`n fí' jmigüí' la, jo dsa' lanagui nitá'baa' fí' la e laco' niníng'`túu' fí' lí' guíiñ` fí' ñiff'.

²⁹ Jo mĩ cangí' e cajíng' Jesús lajo, joba' lalab cajíng' i dsea` guijáng` quiá'r` do jo casí'r` dsea` do:

—Jo lanaguiba' fó' 'nú' condseé' dseáng' laco' la ngáng'naa' náng.

³⁰ Jogui lana nine`baa' cajo e

lajib` ní' 'nú', joba' jo` 'né' fa' i' nijmingí'gui' 'nú', co' cóo' jíi' e júu` nab nijáb' lí'naa' e Fidiéeb` dsea` casíiñ` 'nú' fí' jmigüí' la cuaiñ` quiá'r`.

³¹ Joba' caíi' Jesús quiá'r` i dsea` quiá'r` do jo casí'reiñ':

—Jo ¿su lanaguiba' já' nilíng'na' lajíi' júu` e fíi' i 'nú'? ³² Jo dsa' lana dseáng' ngóo' catí' í' e nináng` sojóng'na' lajaang` lajaang'na' fí' la fí' na, joba' 'niá'baa nitiúng`guí. Jo dsa' e já' e ja` 'niá'a seen` cajo, co' seem` Tiquí'ii' colíing` cóo' jnea` contóong`. ³³ Jo fíi' i 'nú' jalé' e júu` la e lí' laco' niliseeng'na' juguú' júu` røø' la'eáang` e seeng'na' cøøng` cóo' jnea`; jo 'nú' fí' jmigüí' la nilíng'na' iihuí', jo dsa' ja` jmitúng` óo'na' uíi' e jo, co' jnea` nicalí'baa fíi' i 'líng' i ngí' ta` jmigøøng` dsea` fí' jmigüí' la.

Mĩ camí' Jesús uíi' quiá'r` dsea` quiá'r`

17 Jo mĩ cangí' e café' Jesús jalé' e júu` jo fí' quini` dsea` guijáng` quiá'r`, joba' caséer` nir` fí' yá' jmigüí' jo cajíñ` lala:

—Teaa, lanab catí' í' quié' e, joba' jmi'goo' jnea` e lí' laco'gui jnea` nijmi'goo' 'nú'. ² Co' 'nú' nicacuóo' jnea` e oo' ta` jee` jaléng' dsea` jmigüí' e laco' jaléng' dsea` quií' i nicacuóon' jnea`, nicuóo'øre e niliseeíñ` cøøng` cóo' 'nú' lata. ³ Jo niíiñ` e seeíñ` cøøng` cóo' 'nú' lata` fíng song calicuíñ` 'nú' jogui caliñir` e jíi' 'nú' dsea` lin' Fidiéé' i já', jogui fíng song calicuíñ` jnea` cajo e lín'n Dsea` Jmáang` i casíng` 'nú' fí' jmigüí' la.

4 Jo jnea~ nicajmi'goo~baa 'nu~ jee~ jaléng' dseá jmiǵúí', co' lana nica'tám'baa lajǵí' ta~ quíe e e casín' jnea~ e cagajmé'e fí' jmiǵúí' la. 5 Joba' fón'n 'nu~ lana, Teaa~, e nijmi'góo' jnea~ mi~ niguién' túu fí' cáan' na lí' laco'gui la jmi'goo' 'nu~ jnea~ fí' ñiff' quíi' lajǵí' ie~ mi~ ná'gui e catíroo' jmiǵúí'.

6 Jo jaléng' dseá i caguíng' 'nu~ jee~ jaléng' dseá jmiǵúí' e laco' ca'uíiñ dseá quíe e, joba' nicajmé'baa e nicalíñir' i~ dseáng' lííng' 'nu~. Jo lajǵiing' dseá i cacuóñ' jnea~ do, dseá quíi'ba' líiñ, jogui lana nica'ím'bre jalé' júu' quíi'. 7 Joba' lana jaléng' i dseá quíe e do ñiñir' e jalé' e nica'íng' jnea~, 'nu~ dseá nicacuóñ' jnea~ e jo, 8 co' nicaníi'baa jee~ jaléng' i dseá quíe e la jalé' júu' e ca'fín'n quíi', jo nica'ím'bre jalé' e júu' jo. Jo dseá do nicalíi'bre e dseáng' 'nu~ dseá casín' jnea~ fí' jmiǵúí' la, jogui dseáng' jáb' líiñ cajo e gáa' jnea~ fí' lí' guíng' 'nu~ fí' ñiff'.

9 Jogui lana mǵi'i 'nu~ uii~ quíá' jaléng' i dseá í'; jo dsu' ja' mǵi'i 'nu~ uii~ quíá' jaléng' dseá jmiǵúí' i ja' lííng' dseá quíi', dsu' jǵi' dseá i cacuóñ' jnea~ dobing' i mǵi' uii~ quíá', co' jǵi' í'bing' i lííng' dseá quíi'. 10 Jo e quíib' 'nu~ lajalé' e sea quíe e jogui e quíeb' jnea~ lajalé' e sea quíi', jogui la'eáang' i dseá la nijnéng' jial tǵi' niguo' lííñ'n.

11 Joba' fǵi'guíi 'nu~, Teaa~, jo nijǵa'gui jnea~ fí' jmiǵúí' la, dsu' jaléng'gui i dseá quíe e la nijé'bir fí' jmiǵúí' la lajee' e niníng' jnea~ e nijaa' cóo' 'nu~. Jo co' 'nu~ dseá gúean', joba' mǵi'i 'nu~ e nijmé'e'

í' i dseá quíe e la la'eáang' cóo' e 'gǵon' do lí' laco'gui e nicacuóñ' jnea~ e 'gǵon'n cajo, jo lajoba' niliseeng' i dseá quíe e la cóong' cóo' jnea~aa' lí' laco'gui la seeng' 'nu~ cóo' jnea~ dseáng' conrøð.

12 Jo lajee' e nicataan'n fí' jmiǵúí' la cóo' jaléng' i dseá quíe e la, nicaneb' nii re jogui nicajmé'baare í' la'eáang' cóo' e 'gǵong' quíi' lí' laco'gui e nicuóñ' jnea~ e lííñ'n. Jo jǵi' jaang' i dseá quíe e la ja' mí' ca'naaiñ' cóo' jnea~, dsu' dseáng' jǵi' i jaang' i nijáng' jnea~ fí' jaguó' jaléng' dseá i 'ní' nííng' jnea~, jǵi' í'bing' i nica'naang' conguaí', jo dsu' nicalí' lajo e lí' laco' niliti' lajǵi' e tóo' fí' ni~ ji' quí'i' e cajme' dseá malií'gui eáang'.

13 Jo lanagui catf' í' e ninín'n fí' lí' guíiñ'; jo dsu' jalé' e júu' e fá'a la, fá'a lajee' e táam'bǵi' fí' jmiǵúí' la e lí' laco' jaléng' i dseá quíe e la nili'íáang' dsíir' dseáng' laco' sí'f' lí' laco'gui la íáang' dsii' 'níá'a cajo. 14 Jo jnea~ nicaníi'baa júu' quíi' jee~ i dseá quíe e la, jo dsu' jaléng' dseá jmiǵúí' i ja' cuíng' 'nu~ 'ní' níim'bre jaléng' dseá quíe e la, co' jaléiñ' la ja' jǵi'r' jalé' e 'lí' e sea fí' jmiǵúí' la o'gui jnea~ jǵi' i jalé' e jo cajo. 15 Jo dsu' ja' mǵi'i 'nu~ e laco' ni'uóñ' i dseá quíe e fí' jmiǵúí' la, co' lajǵi' e mǵi'i 'nu~ e nijmé'e' í' í'bre e laco' ja' nijmiǵóong' i 'líng' ír'. 16 Jo lí' laco'gui jnea~ ja' jǵi' i jalé' e 'lí' e sea fí' jmiǵúí' la, joba' lajòb lííng' i dseá quíe e la cajo, co' ja' jǵi'r' jalé' e jo. 17 Jo mǵi'guíi 'nu~ e nijmiǵüeang' i dseá quíe e la e laco' nijmér' lajǵi' ta' e niquíá' quíá'bre la'eáang' e nica'íñ' jalé'

júu' quíi'. ¹⁸ Jo lí' laco'gui 'nu' casíin' jnea' jee' jaléng' dsea' i ja' cuiíng' 'nu' fí' jmiigüi' la, joba' lajob jnea' cajo nisíin' n i dsea' quíe' e la jee' jaléng' dsea' i ja' cuiíng' 'nu'.

¹⁹ Jo nijáang' 'níiá'a e nijmee' e lajii' e iing' 'nu' e lí' laco' i dsea' quíe' e na nijáang' yaaiñ' e nijmér' lajii' e iing' 'nu'. Jo nilí' lajo la'eáang' cōo' e ja' lííng' i dsea' quíe' e la jalé' júu' quíi'.

²⁰ Jo ja' mii' i 'nu' dseáng' jii' uii' quíá' i dsea' quíe' e la, cō' lajob cajo mii' i 'nu' uii' quíá' jaléng' i ná'gui i nijá' lííng' júu' quíe' e mi' tí' lí' ninúr' e júu' e ni' i dsea' quíe' e la.

²¹ Jo mii' i 'nu' e jaléng' i dsea' í' niliseeíñ' dseáng' cōong' lajee' la'ó' rúiiñ' e laco' ni'uíiñ' lafa' jaang' dsea' la'eáang' e seeíñ' cōong' cōo' jneaa'aa', Teaa', lí' laco'gui seeng' 'nu' cōong' cōo' jnea' jogui jnea' seen' cōong' cōo' 'nu'. Jo mii' i 'nu' e güiliseem'bre cōong' lajo la'ó' í' lí' dseáng' laco' sí'í', jo lajoba' nilijá' lííng' jaléng' dsea' jmiigüi' e 'nub' dsea' casíin' jnea' fí' jmiigüi' la. ²² Jogui nicacuóo' baa jaléng' i dsea' quíe' e la e niligüeaíñ' lí' laco'gui 'nu' nicacuóo' jnea' e nicaligüean' n, jo lajoba' i dsea' quíe' e la ni'uíiñ' lafa' jaam' dsea' lí' laco'gui la lííng' jnea' cōo' 'nu' e jaam' dsea' lí'í'í'. ²³ jogui niliseeng' jnea' cōong' cōo' í' jogui 'nu' cōong' cōo' jnea', jo lajoba' ni'uííng' lajiiñ' do dseáng' lafa' jaam' dsea', jo lajoba' nililí' jaléng' dsea' jmiigüi' e 'nub' dsea' casíin' jnea' fí' jmiigüi' la, jogui e eáam' 'neáan' re cajo lí' laco'gui la 'neáang' 'nu' jnea'.

²⁴ Jo mii' guíi' 'nu', Teaa', cō' 'nub' dsea' cacuóon' jnea' jaléng'

i dsea' quíe' e la, joba' iing' jnea' e seem'bre cōong' cōo' jnea' fí' lí' niní'í', jo lajoba' ninír' jial tí' niguó' lííñ' n, jo e job e cacuóo' 'nu' jnea' do. Cō' lajii' líi' ba' e 'neáan' 'nu' jnea', cō' lajii' latí' mi' nú' gui e catiroo' jmiigüi' ba' e jmoo' lajo cōo' jnea'. ²⁵ Teaa', dseáng' eáam' guiúng' 'nu', jo fíim' dsea' i seeng' fí' jmiigüi' la ja' cuiíñ' 'nu'; jo dsu' jnea' dseáng' lajam' cuiíñ' 'nu', jogui niñi' bi jaléng' i dsea' quíe' e la e 'nub' dsea' casíin' jnea' fí' jmiigüi' la. ²⁶ Jogui nicacuóo' baar e caliñir' i dseáng' lííng' 'nu', jogui mí' 'noo' bi nifíi' re lajo cajo e laco' nijmi'neáang' rúiiñ' lí' laco'gui la 'neáang' 'nu' jnea'; jogui lajoba' niliseeng' jnea' cōong' cōo' í' cajo.

Mí' casang' dsea' Jesús

(Mt. 26:47-56; Mr. 14:43-50; Lc. 22:47-53)

18 Jo mi' cangí' e casíing' Jesús cōo' Tiquiár', joba' cagüi' fí' bre colíing' cōo' i dsea' guijáng' quíá' r' do e fí' dsíi' 'núu' tú' fíng' do, jo cangolíiñ' lí' lí' 'ngóo' lí' iu' cōo' í' e sii' Cedrón. Jo mi' catáíñ' lí' lí' 'ngóo' e í' do, jo caguilíiñ' fí' cōo' dsíi' íá', jo fí' job ca'í' Jesús colíing' cōo' i dsea' quíá' r' do. ² Jogui i Judas Iscariote i nicanaang' 'níng' Jesús do, guiáb' cuír' e fí' dsíi' íá' jo, cō' lamí' jéeng' gui jmiigui' b' ya' caseáng' Jesús cōo' i dsea' quíá' r' do e fí' jo. ³ Jo fí' job caguié' Judas Iscariote ie' jo, jo nijéeiñ' i fíing' 'lé' quíá' dsea' romano cōo' gui cōo' tú' míing' dsea' i né' ni' guá' quíá' dsea' Israel i casíing' fii' jmidsea' quíá' dsea' do colíing' cōo' i dsea' góor' i lííng' dsea' fariseo cajo. Jo

jaléng' i dseà do quier' jalé' ñisü' cōo' gui jalé' quí' e coo' e laco' cuø' jî' e jné'r'. ⁴ Jo co' ñiñi' bi Jesús jalé' e tí' lí' nidsingíiñ' do, joba' mi' calilí'r' e caguilíng' i dseà do fí' jo, joba' casíng' 'ñia'r' tí' quini' gui laco' la teáang' i dseà quiá'r' do, jo lalab cajmingí'r' i dseà i caguilíng' do jo cajín':

—¿I' ñilíng' na' 'náng' na' fí' la?

⁵ Joba' cañii' i dseà do quiá'r'

Jesús jo cajín':

—Jesús i seeng' fí' Nazaret 'néng' naa'.

Joba' cañii' Jesús quiáin' do jo casí'r' dseà do:

—Jnea' bi dseà í'.

Jo ie' jo dob quíng' Judas Iscariote jee' i dseà i caguilíng' tōø' Jesús do. ⁶ Jo mi' tí' lí' cajíng' Jesús e í' bre siir' lajo, joba' lajím' i dseà i caguilíng' do catō' yaañ' ladsifí' lana cartí' caneáin' uø'. ⁷ Jo mi' cangf' jo, Jesús cajmingí'r' tur i dseà do jo casí' reiñ':

—¿Ii' dseáng' i 'náng' na' fól' na'?

Joba' cañii' tu' i dseà do quiá'r' Jesús jo cajín':

—Jesús i seeng' fí' Nazaret 'néng' naa'.

⁸ Joba' Jesús cañii' tur quiáin' do calé' catú' jo casí' reiñ':

—Jo nicafí' baa 'nú' e jneab' dseà í', jo song jneab' dseà 'náng' na', joba' cuøø' ba' fí' i dseà quié' e la e nidsilíñ'.

⁹ Jo café' Jesús e júu' na e lí' laco' caliti' lajii' júu' quiá'r' e café'r' lami' jéeng' gui mi' cajín' lala: “Teaa~, jaléng' i dseà quií' i cacuøøñ' jnea' do, jii' jaang' ja' ii' ca'naang' cōo' jnea'.” ¹⁰ Jo dsifí' lanab cagui' Tú' Simón ñisü' e

quier' ie' jo, jo caquiur' cataang' logua' dsée' quiá'r' jaang' dseañu' i sii' Malco i nilíng' dseà 'léeng' quiá'r' i jmidsea' i laniing' ie' jo. ¹¹ Jo mi' cangā' Jesús quiá'r' lajii' e calf' do, joba' lalab casí'r' Tú' Simón jo cajín':

—Tú', te' tu' ñisü' quií' eáang' quiá'r', co' Tiquié' baa i cuø' jnea' e iihuí' la, joba' 'né' ni' íim' baa jii' laco' e nicuø'r'.

Mi' cangojgeáaiñ' Jesús fí' quini' jaang' jmidsea' i sii' Anás

(Mt. 26:57-58; Mr. 14:53-54; Lc. 22:54)

¹² Jo mi' cangf' jo, jaléng' i 'lée' do cōo' gui i fii' quiá'r' do colíng' gui cōo' i dseà Israel i née' ni' guá' quiá'r', casam' bre Jesús jo ca'ñá'r' guoo' dseà do. ¹³ Jo la'uii' cangojgeáaiñ' dseà do fí' quiá'r' jaang' jmidsea' i sii' Anás, co' í' nilíiñ' ngoo' quiá'r' i jmidsea' i sii' Caifás ie' jo, jo i Caifás do líiñ' jmidsea' laniing' quiá'r' dseà Israel ie' jii' jo. ¹⁴ Jo i jmidsea' Caifás lab cajo, lami' jéeng' gui casí'r' dseà i quie' nifí' quiá'r' dseà Israel e guiá' guib' ni' uíng' quiá'r' jaléng' i dseà í' e nijúung' jaang' dseañu' cuaiñ' quiá'r' góor' laco' gui e nijúung' i fíng' i dseà góor' do.

Mi' cajíng' Tú' Simón e ja' cuíin' Jesús

(Mt. 26:69-70; Mr. 14:66-68; Lc. 22:55-57)

¹⁵ Jo mi' catō'r' Jesús fí' quiá'r' i jmidsea' Anás do, jo ti'leám' gáng' dseà quiá'r' Jesús laco' cangáng' dseà do, jaañ' do siir' Tú' Simón, jogui' i jaang' gui do cuíim' rúin' cōo' i jmidsea' laniing' do, joba' ca'í' biñ' do e fí' dsii' lí' catō'r' Jesús,

16 dsu' i Tú' Simón do fí' caluú' o'ná' cajér'. Jo mi' calilí' i dseá' quiá' Jesús i cuíng' rúng' cóo' i jmidseá' laniing' do e caluub' cajé' Tú' Simón, joba' cagüi'fí' bre fí' caluú' jo casíiñ' cóo' i dseamf' i sing' jmóo' í' e jnáf' do e laco' nicuóñiñ' do fí' e ningíng' Tú' Simón fí' dsí' sigui' quiá' e 'núu' do, joba' cacuø'biñ' do fí' lajo. 17 Jogui i dseamf' i jmóo' í' e jnáf' do, lalab cajmingí'r' Tú' Simón jo cajíñ':

—¿Su o' dseá' quiá' i dseañu' i ni'fí' nabi 'nu'?

Joba' cañí' Tú' Simón quiá' i dseamf' do jo casí' reiñ':

—U~, o' í' jnea'.

18 Jo co' ie~ jo eáam' güíi', joba' jaléng' dseá' 'léeng' i jmóo' ta' sinúu' quiá' i jmidseá' Caifás do cóo' gui jaléng' i néé' ni' guá' quiá' dseá' Israel nicanají'r' jì' e sigui' do, jo fí' dob neáaiñ' jmguiáiñ' ca' jì'. Jo fí' dob cajé' Tú' Simón e jmguiáiñ' cóoiñ' do cajo.

Mi' caguiéng' Jesús fí' quini' fii' jmidseá'

(Mt. 26:59-66; Mr. 14:55-64; Lc. 22:66-71)

19 Jo lajee' e teáng' i dseá' i jmguiáng' e fí' sigui' do, joba' dob iuung' Jesús cóo' gui i fii' jmidseá' do e fí' dsí' sinúu' do. Jo lajee' jo i fii' jmidseá' do canaaiñ' jmingí'r' Jesús uii' quiá' dseá' quiáiñ' do cóo' gui jalé' e nica'e'r' jaléng' i dseá' í' cajo.

20 Joba' lalab cañí' Jesús quiá' i dseá' do jo casí' reiñ':

—Jnea' nica'ée' e jaléng' dseá' fí' jee' dseá' fíim'; jogui contøom' nica'ée' ere fí' dsí' sinúu' guá' jiu' osi fí' guá' fé' quiá' dseá' góo'naa'

dseá' Israel e si' fí' Jerusalén e fí' lí' seaiñ' e laco' jmiféiñ' Fidiée'; jo ja' mi' caguiá' a jalé' e júu' jo fa' cóo' lí' ja' lí' nú' dseá'. 21 Joba', ¿jiali' jnea' jmingí' e jo? Co' cuøom' güijmingí' jaléng' i dseá' i nicanúu' jalé' júu' quié' e nicanaguiá' do, joba' í' bing' i nijmeá' 'ná' júu' e jalé' e nica'fí' ire do. Co' niñib' jaléng' i dseá' í' jalé' e júu' e nica'fá' a do.

22 Jo mi' tí' lí' cañí' Jesús quiá' i fii' jmidseá' do e júu' jo, joba' jaang' i dseá' i néé' ni' guá' quiá' dseá' Israel do cajnéer' moni' Jesús, jo mifíing' casí'r' dseá' do jo cajíñ':

—¿Su lanab ngii' quiá' i fii' jmidseá' na?

23 Joba' cañí' tu Jesús quiá' i dseá' do jo casí' reiñ':

—Song gab' líí' e júu' e nica'fá' a na, joba' iin' n' jmeé' júu' jiali' e líí' lajo e nica'fá' a na; jogui song guiúb' lajii' e júu' e nica'fá' a na, joba' ¿jiali' caba' monii'?

24 Jo mi' cangf' jo, i fii' jmidseá' Anás do caguiéiñ' Jesús e 'ñúung' dseá' do fí' quini' i fii' jmidseá' rúiiñ' i sii' Caifás do.

Mi' cajíng' tu Tú' Simón e ja' cuiñ' Jesús

(Mt. 26:71-75; Mr. 14:69-72; Lc. 22:58-62)

25 Jo lajee' jo, dobi sing' Tú' Simón e jmguiáiñ' fí' 'ni' jì' e fí' sigui' do, jo cóo' cajmingí' i dseá' teáng' do í'r' jo cajíñ':

—¿Su o' quíim' 'bi' nu' jee' dseá' quiá' i dseañu' i iuung' do?

Joba' cañí' Tú' Simón quiáiñ' do jo casí' reiñ':

—U~, o' í' jnea'.

26 Jo mi' cangf' jo, jaang' gui dseá' 'léeng' quiá' i jmidseá' laniing'

do i líng' ee~ i dseañu' i caquiũ' Tṹ Simón logua~ do, jo dseã í cajmingí'r- Tṹ Simón lala jo cajíñ':
—¿Su o' 'nu' bi i camán'n mi~ cangoséng' naa' i Jesús na e fí' dsíí' íá' do?

²⁷ Jogui calé' catú~ cajíng' Tṹ Simón e o' dseã í lííñ', joba' dsifí' mi~ cangí' lajo mifíng' caqui' jaang' tuidsee' jóng.

Mi~ cangojgeáaiñ` Jesús fí' quini` dseata` Pilato

(Mt. 27:1-2, 11-14; Mr. 15:1-5; Lc. 23:1-5)

²⁸ Jo mi~ cangí' jo, caguim'bre Jesús fí' quiá' i jmidseã Caifás do, jo cangojgeáaiñ` dseã do fí' quini' jaang' dseata~ romano i sii' Pilato. Jo dsuco' ie~ jo nijaquíéeng' nijneáb', jogui guati'ló' jmiib~ cajo, joba' ja cangotáang' i dseã Israel do fí' dsíí' e 'nuff' do, co' faco' mi~ cajméer' lajo, joba' ja jmitir~ jóng lajíí' júu' quiũ' ta~ quiá'r- quiá' lajíí' e qui' tñíñ' e jmóor' mi~ tí' jmií' Pascua; jo co' ja cangotáang'~ guir fí' dsíí' jo, joba' cuóom' dó'r- e jmiñi' e silíng' e gø'r' ie~ jmií' jo. ²⁹ Jo mi~ tí' lí' cangá' dseata~ Pilato e nitée' dseã Jesús, joba' cagüí'fir' jo casí'r- jaléng' i dseã do lala:

—¿E~ dsee~ e cuø'na' i dseañu' na?

³⁰ Joba' cañíi` dseã Israel quiá' i dseata~ Pilato do jo casí'-rein':

—Fa' jiu' gui i dseañu' la ja jmóor' ta~ 'lée' jee~ jaléng' dseã, joba' ja jáang' naa're jóng fí' quini'^ faco' lajo.

³¹ Joba' lalab cañíi` dseata~ Pilato quiá' i dseã Israel do jo cajíñ':

—Tee' 'nú' yaang'na' i dseañu' góona' na jo quidsi'na' í' quiá'r-

yaang'na' lí' laco'gui la quí'- tñíng'na' cóo' júu' quiũ' ta~ quí'na', 'nú' dseã lííng'na' dseã Israel.

Jo mi~ canúu~ i dseã Israel do e júu' jo, joba' lalab cajíñ':

—Dsu' jnea'^, dseã líí'naa' dseã Israel, ja seã fí' qui'naa' quiá' dseã romano e nicuóø'naa' iihuí' lí' doñi' ii` dseã cartí' nijúuiñ'.

³² Jo job caliti~ lajíí' júu' e cajíng' Jesús lami' jéeng'gui quiá' jial lí' 'mó' e nitíñ'. ³³ Jo mi~ cangí' jo, ca'ib-tu dseata~ Pilato fí' dsíí' 'nuff' quiá'r-, jo catø'r- Jesús fí' lí' quidsir' í', jo cajmingí'r- dseã do jo cajíñ':

—¿Su 'nu' b' i lííng' dseata~ dseã féng' i quie' nifí' quiá' dseã Israel?

³⁴ Joba' cañíi` Jesús quiáíñ' do jo casí'r- dseã do:

—¿Su uóø'ba' iin' ñí' e jmingíi' jnea~ na, ofa' lí' canúu' e fé' dseã jiem' é?

³⁵ Joba' lalab cañíi` dseata~ Pilato quiá' Jesús jo casí'r- dseã do:

—Ja' dseã Israel lííng' jnea~ la. Co' jaléng' dseã góo' dseã Israel colííng'gui cóo' jaléng' fii~ jmidseã quií'na', dseã í'bing' i nicajáng' 'nu' fí' quinií' la lana. Jogui 'nu', ¿e~ dsee~ sea' quií' quiá' e 'nííng' dseã 'nu'?

³⁶ Joba' lalab cañíi` tu Jesús quiá' i dseata~ do jo cajíñ':

—Ja' si'ííng' jnea~ e niquiú' u ta laco'gui quiũ' ta~ jaang' dseã jmigüí' fí' la, co' faco' lajo, joba' seem' dseã quie' e i nijmeáan' n ta~ e laco' ja nijáng' dseã jnea~ fí' quini' dseã góo'o dseã Israel faco' lajo. Co' lí' laco' fá'a na, e ja' si'íín' n e niquiú' u ta~ laco' jaang' dseã jmigüí'.

³⁷ Joba' cañíi` tu dseata~ Pilato quiá' Jesús jo casí'r- dseã do:

—Jo 'nub` dseà lin' dseata` dseà féng' i quie' nifi' quia' dseà Israel liya.

Joba' cañi'tu Jesús quia' i dseata` do jo casí'reiñ':

—Lajob líí lí' laco'gui nicafee' na, e jneab` i dseata` dseà féng' í. Co' jnea` cagá'a fí' jmigüí` la mi` cangáan` n e laco' niguiaa` jalé' júu` já'. Jo jaléng' dseà i já' líng` e júu` jo, joba' dseà quie'baa líiñ, co' núu` bre jalé' júu` quie' e.

³⁸Jo mi` canúu` dseata` Pilato lajii` júu` quia' Jesús, joba' cajmingí'r` dseà do lala jo cajjín`:

—Jo éjngang` e júu` já' do?

Mi` cahuí' ta' e nijúung` Jesús

(Mt. 27:15-31; Mr. 15:6-20; Lc. 23:13-25)

Jo mi` cangf` e cajmingí` dseata` Pilato e júu` jo, joba' cagüi'fíb` tur calé' catú' fí' lí' teáng` i dseà Israel do e laco' nising` tur cóoiñ` do calé' catú', joba' lalab casí'r` i dseà do:

—Jíi' coo` dsee` ja` niguié' jnea` e nica'ée` i dseañu` la. ³⁹Jo co' 'nú' quí' tting`na' e laan` jaang` dseà góo'na' i sijning` lajee` mi` tí' jmi` quí'na' e catf` lana e sii` Pascua, joba' jmingí'í' 'nú' lana, ésu iing`na' e nilaan` i dseata` dseà féng' quí'na' i sing' la?

⁴⁰Jo mi` canúu` jaléng' dseà Israel i teáng` do ie` jo e júu` quia' i dseata` Pilato do, joba' lajii`bre canaañ` ta'r' míi' jo fé'r`:

—iJa` laan' i dseà na! Jo ileaang` Barrabás!

Jo i Barrabás i éeiñ` do sijñiñ` do dsu' uíi' e jmóor` ta' 'ní' níng` dseata`.

19 Jo mi` canúu` dseata` Pilato lajii` júu` e casí' dseà ír` do, joba' caquiur` ta` e nisám' i 'lée` quia'r` do Jesús e laco' nibóong`neiñ` do cóo` loo` jó' e líí' nii'. ²Jo mi` cangf` jo, i 'lée` do cajméer` coo` lí' corona cóo` layaang` tóo', jo e job catá'r` fí' mogui` Jesús, jogui` cajlíiñ` dseà do cóo' coo' 'mi' niung` e líí' laco' e quie' dseà niing` i quiu' ta'. ³Jo mi` cangf` jo, cangoquieeiñ` fí' quia' lí' sing' dseà do, jo lalab canaañ` lóoiñ` dseà do jo sí'r` lala:

—iGüiliseem` huóo`, dseata` dseà féng' quia' dseà Israel!

Jo lajee` jo jnóor` fí' moni` dseà do.

⁴Jo mi` tí' lí' cagüi'fí'tu dseata` Pilato e fí' lí' teáng` i dseà Israel do, joba' lalab casí'reiñ` do jo cajjín`:

—E laba' fíi' i 'nú', e lab nisín`na i dseañu` la fí' quini`na' e laco' niliñí'na' e jíi' coo` dsee` ja` mí' cadsé'e quia'r`, co' lajib` nicajmingí'ire.

⁵Jo lajee` job cagüi'fí' Jesús e ni'iu` e lí' corona e líí' cóo' yaang` tóo' do fí' moguir`, jogui` jlíiñ` e 'mi' e niung` huíng` do. Jo lajee` nising' Jesús fí' quini` i dseà do, lalab cajíng' dseata` Pilato e sí'r` jaléng' i dseà teáng` do ie` jo:

—iLab nising' i dseañu` la fí' quini`na' náng!

⁶Jo mi` tí' lí' cangá` jaléng' fii` jmidsea quia' dseà Israel cóo'gui jaléng' dseà i néé` ní' guá' quia'r` e nising' Jesús do, joba' lalab canaañ` áiñ` i dseata` do jo fé'r`:

—iFí' dse' crúu` teáng` i dseà na!

Joba' cañíi` dseata` Pilato quiá' i dseá teáang` do ie` jo, jo casí`-rein':

—Tee`ba're, jo yaam`ba' güiteáang`na're fí dse` crúu`, co' jnea` ja` mí` cadse`e jii` coo` dsee` quiá'r` quiá' lajii` e nicajmingí`ire.

⁷Jo dsu` lalab cañíi` i dseá Israel i teáang` do ie` jo quiá' dseata` Pilato jo casí`-r` dseá do:

—Seab` coo` júu` quiá' ta` qui` jnea`^, dseá líi`ii` dseá Israel, jo lalab líi': Song jaang` dseá fé'r` e røøb` cøøiñ` cøo`~ Fidiée~, joba' `né` nijúum`bre jóng. Jo lajob líi` cøo` i dseá na, joba' dseáang` `né` nijúum`bre.

⁸Joba' mi` tí` lí` canúu` dseata` Pilato e júu` jo, eáang`gui caføiñ` jóng. ⁹Jo ca'í`b`-tur e fí` lí` quiá'r` ta` do coliiing` cøo`~ Jesús, jo fí` job cajmingí`-r` dseá do jo cajín':

—¿Jie` fí` lí` níi` `nu`?

Jo dsu` Jesús jii` coo` ja` e cañíir` quiá' dseá do. ¹⁰Joba' cañíi` tu dseata` Pilato jo casí`-r` Jesús jo cajín':

—¿Su ja` iin`~ ngii`~ jii` coo` quié` e jóng? ¿Su ja` ní`^ `nu` e cuøøm` niffí`i dseá quié` e e niteáiñ` `nu` fí` dse` crúu`, jogui cuøøm`bi cajo e niffí`ire e nileáiñ` `nu` faco' lajo?

¹¹Joba' lalab cañíi` Jesús quiá' i dseata` do jo casí`-r` dseá do:

—Jii` coo` bí` ja` sea` quií` e niquiá`^ ta` quié` e faco' ja` Fidiée` nicacuøør` `nu` e catíin` lajo; joba' i dseá i cajáang` jnea` fí` jaguóo', eáang`guib` røøiñ` dsee` laco'gu` `nu`.

¹²Jo job mi` canaang` dseata` Pilato e `nó'r` jial nileáiñ` Jesús, jo dsu` mi` calilí` i dseá Israel do e jo,

joba' canaaíñ` ta'guir míi` jo s'í`r` dseá do lala:

—Song nilaan` i dseá na, joba' líi` lafa' `ní` máam`ba` jóng i dseata` dseá féng` i guiiing` fí` Roma, co' lí` doñi` ii` dseá i jing` e líiñ` jaang` dseata` dseá féng', joba' líi` lafa' e `ní` níim`bre i dseata` i guiiing` fí` Roma do.

¹³Jo mi` tí` lí` canúu` dseata` Pilato e cajíng` i dseá Israel do lajo, joba' caquiá'r` ta` e niguím`biñ` do Jesús jo nidsijéeiñ` dseá do dseáang` lí` quidsí` dseata` Pilato í` quiá' dseá fí` coo` lí` sii` Gabata, jo cøo`~ jmií` hebreo guøng` Guíá' fí` lí` Siníi` Cuu`. ¹⁴Jo ie` jo dseáang` guati`ló` jmií` Pascua quiá' dseá Israel, jo nú` guieñib` ningóo` mi` cajíng` dseata` Pilato e casí`-r` i dseá Israel do:

—iLab sing` i dseata` dseá féng' i quie` niffí` quií`na'!

¹⁵Jo dsu` jaléng` i dseá do canaaíñ` ta'tur míi` jo fé'r':

—iGüijúung` i dseañu` na fí` dse` crúu`!

Joba' cajmingí` dseata` Pilato jaléng` i dseá do jo casí`-rein':

—¿Su jneab` catíin`n nijngán`n jaang` dseata` dseá féng' i quie` niffí` quií`na'?

Joba' cañíi` jaléng` fii` jmidsea` i teáang` do ie` jo, jo casí`-r` i dseata` do lala:

—iDseáang` jii` dseata` dseá féng' i guiiing` fí` Roma, jii` dseata` í`bing` i seeng` qui`naa'!

¹⁶Joba' dseata` Pilato cajám`bre Jesús fí` quini` jaléng` i dseá do ie` jo, jo i dseá do cangojéem`bre Jesús fí` lí` nitáng` dseá do fí` dse` crúu`.

Miˆ catangˆ Jesús fiˆ dseˆ crúuˆ

(Mt. 27:32-44; Mr. 15:21-32; Lc. 23:26-43)

¹⁷Joba' ca'uøømˆ iˆ dseà do jéeiñˆ Jesús, jo 'ñiab' dseà do dsiñˆ crúuˆ quiá'rˆ cangórˆ fiˆ cooˆ liˆ siiˆ Cuoˆ Moguiˆ 'Liiˆ e siiˆ bi Gólgota cooˆ jmiíˆ hebreo e fé' dseà Israel. ¹⁸Jo miˆ caguiliñˆ fiˆ jo, joba' fiˆ job cateáaiñˆ dseà do fiˆ dse' crúuˆ, jo jaangˆgui dseà taangˆ la cataangˆ cáaiñˆ fiˆ dse' crúuˆ cajo. ¹⁹Jo ieˆ jo iˆ dseataˆ Pilato do caquiur' taˆ e nitóˆ fiˆ yú' guiˆ crúuˆ quiá' Jesús e júuˆ la: "Jesús iˆ seengˆ fiˆ Nazaret, dseataˆ dseà féng' quiá' dseà Israel." ²⁰Jo e jo catóˆ cooˆ 'niˆ iingˆ jmiíˆ, jmiíˆ latín cooˆ jmiíˆ hebreo jogui jmiíˆ griego. Jo fíimˆ dseà Israel ca'yrˆ e júuˆ jo ieˆ jo, co' e fiˆ liˆ catangˆ Jesús do jaˆ huíiˆ eáangˆ laco' la néeˆ fiñˆ Jerusalén. ²¹Jo dsuˆ miˆ cangáˆ fiiˆ jmidseà quiá' dseà Israel lajiiˆ júuˆ e tooˆ fiˆ yú' crúuˆ quiá' Jesús, joba' lalab casí'rˆ iˆ dseataˆ Pilato do jo cajíñˆ:

—Guiúˆ gui jaˆ nitóˆ e júuˆ na, jo güitóˆ lala: "Lab iˆ jmigooˆ e líiñˆ dseataˆ dseà féng' quiá' dseà Israel."

²²Jo miˆ canúuˆ dseataˆ Pilato e júuˆ jo, joba' lalab cañiirˆ quiá' iˆ dseà do jo casíˆ reiñˆ:

—Lajiiˆ e júuˆ e nicaquiú' taˆ e nicatóˆ na, dseángˆ lanab nijéˆ.

²³Jo miˆ tíˆ líˆ cangf e cateáangˆ iˆ 'léeˆ do Jesús fiˆ dse' crúuˆ, joba' casitíiñˆ si' dseà do jo cajméerˆ guíeˆ lajeeˆ quiúuiñˆ la'ó' líiñˆ 'léeˆ, jmacóˆ e 'mi' do quiá'rˆ lajaangˆ lajaaiñˆ. Jo dsuˆ e si' Jesús e cooˆgui do, 'mi' contøømˆ líiˆ jo jaˆ

si'miˆ cajo. ²⁴Jo lajeeˆ jo iˆ 'léeˆ do canaaiñˆ síiñˆ la'ó' yaaiñˆ lala:

—Jaˆ guingˆ nisiingˆ naa' e 'mi' na, jo macó'oo' neˆ duu' iˆ nilíˆ nicóoˆ.

Jo cooˆ e nab calitiˆ jiiˆ laco' la fé' fiˆ niˆ jiˆ quiá' Fidiéˆ e cajme' dseà maliiˆ gui eáangˆ liˆ fé' lala: "Cajméebˆ dseà guíeˆ jalé' sí'i, jogui cacóorˆ quiá' iˆ nilíˆ e sí'i e contøøngˆ do." Jo lajob dseángˆ cajméeˆ iˆ 'léeˆ do cooˆ si' Jesús.

²⁵Jo lajeeˆ e táangˆ Jesús fiˆ dse' crúuˆ, dob teáangˆ quiúungˆ dseamfˆ e tiñˆ laco' si' e crúuˆ do; jo jaañˆ do língˆ niquiá' Jesús, jogui jaangˆgui rúng' dseà ngáangˆ cooˆ niquiá'rˆ, jogui jaangˆgui iˆ siiˆ Yáˆ iˆ língˆ dseamfˆ quiá' jaangˆ dseañuˆ iˆ siiˆ Cleofas, jo jaangˆgui iˆ siiˆ Yáˆ iˆ seengˆ fiˆ Magdala. ²⁶Jo lajeeˆ job cangángˆ Jesús niquiá'rˆ, jo cáangˆ iˆ niquiá'rˆ do sing' jaangˆ dseà quiá' Jesús iˆ eáangˆ 'neáaiñˆ, jo lajeeˆ jo lalab casí' Jesús iˆ niquiá'rˆ do e éeiñˆ iˆ dseà quiá'rˆ iˆ iñˆ eáangˆ do jo cajíñˆ:

—Janú'ˆ, dseamfˆ, nab sing' iˆ língˆ laco' jooˆ do.

²⁷Jo miˆ cangf e jiiñˆ e jo, joba' casí'rˆ iˆ dseà iˆ iñˆ eáangˆ do lala: —Nab sing' iˆ língˆ laco' niquií'ˆ.

Joba' miˆ cajíngˆ Jesús lajo, iˆ dseà iˆ iñˆ eáangˆ do ca'ím' bre niquiá' dseà do e líiñˆ do laco' dseà sinúuˆ quiá'rˆ.

Miˆ cajúngˆ Jesús

(Mt. 27:45-56; Mr. 15:33-41; Lc. 23:44-49)

²⁸Jo miˆ mángˆ guijiuˆ lajo, jo co' niñibˆ Jesús e nicatób' jalé' taˆ quiá'rˆ, jogui e laco' nilitiˆ jiiˆ laco' fé' fiˆ niˆ jiˆ quiá' Fidiéˆ e cajme'ˆ

dseà maliīgui eáang', joba' cajíñ' lala:

—Dsíng' jmījmīn̄.

²⁹ Jo iē jo nisi' coō dsū e røøng' ā jmī' mî' huiing' jó' e nijí', joba' cayé' dseà e jmī' mî' huiing' jó' do cóo' coō joō, jo casiguír' fí coō yá' siī, jo cóo' e job ca'úiñ' fí mo'oo' Jesús. ³⁰ Jo cayub' Jesús e jmī' mî' huiing' jó' jí' do. Jo mî' cangî jo, joba' cajíñ':

—Nab nicató' lajiī' tā cagá'a.

Jo co' cató' e cafér' e júu' jo, jo cajgiéer' moguir' jo mifíng' cajúm-bre jóng.

Mî' ca'ia' jaang' 'lée' ñisu'
fí mo'uóø' Jesús

³¹ Jo 'ñaia' iē jmī' e cajúng' Jesús do, líí e guati'ló' jmī' Pascua quiá' dseà Israel, jo co' ja' qui' tting' i dseà í' fa' e seáang' 'liī quiá'r' fí dse' crúu' lajee' e jmī' jo, co' dseáng' jmī' e laniim' quiá'r' iē jo, joba' camí' dseà Israel fí i dseata' Pilato do e nicuóñ' do fí e nijér' tíi' i dseà taang' dse' crúu' do e laco' nijúuñ' do jminá'gui, jo lajoba' cuóøng' e nijgiáaiñ' do e fí lí' taaiñ' do. ³² Joba' cangím' i 'lée' do fí e nidsilíñ' e nijér' tíi' i dseà gaang' i taang' dse' crúu' do; jogui lajob cajméer', cajée'bre tíi' i dseà la'uii' i táang' dse' crúu' cáang' Jesús do; jo mî' cangî jo, lajob cajméer' quiá' i dseà jaang'gui do i táang' dse' crúu' cajo ca' dse' crúu' lí' táang' Jesús. ³³ Jo mî' caguilíng' i 'lée' do fí lí' táang' Jesús fí dse' crúu', joba' calilí'r' e ni'liim' dseà do, joba' jo' e cajmeáiñ' dseà do fa' cajéè'guir' tíiñ'.

³⁴ Jo nañí' fa' e calilí' i 'lée' do e ni'liim' Jesús, dsu' jaang' lajee'

la'ó' ír' ca'ia'r' ñisu' fí dse' mo'uóø' dseà do, jo ladsifí' lanab catuú' jmī' cóo'gui jmī'øøñ'. ³⁵ Jo i dseà i fé' e júu' la, dseáng' e já'ba' e cangár' laco' calí, joba' dseáng' jáb' júu' e fé'r' do e laco' jaléng' 'nú' jáb' nilíng'na' dseáng' laco' calí. ³⁶ Jo cangojée' jalé' e la e lí' laco' caliti' lajiī' júu' quiá' Fidiée' e fé' fí ni' jí' quiá'r' e cajme' dseà maliīgui eáang' lí' fé' lala: "Jiī' coō móo' teáaiñ' ja' nijé'." ³⁷ Jogui fé' bigui cajo lala e fí ni' jí' jo: "Nimáam'baa' i dseà i líing' e' ca'ia' dseà quiá'."

Mî' ca'áng' Jesús

(Mt. 27:57-61; Mr. 15:42-47; Lc. 23:50-56)

³⁸ Jo mî' cangî e caliéng' Jesús ñisu', joba' iē jo cangó' jaang' dseañu' i sii' Sé' i niseeng' fí coō fii' e sii' Arimatea, jo cangór' cangomí'r' dseata' Pilato fí e nidsijgiáaiñ' Jesús fí lí' táang' dseà do fí dse' crúu' jo nidsijéeng' neiñ' fí lí' ni'áiñ'. Jo i Sé' do nilíiñ' jaang' dseà quiá' Jesús, dsu' jii' la ñir' 'ñaia'bre, co' 'góm'bre jaléng' dseà Israel fíng' song calíñiñ' do e nilíiñ' lajo. Jo cacuøb' dseata' Pilato fí lajo, jo cangób' Sé' e cangojgiáaiñ' Jesús fí lí' táang' dseà do fí dse' crúu', jo mifíng' cangojéeiñ' dseà do fí lí' ca'am' biñ'. ³⁹ Jo jaang'gui i sii' Nicodemo cangór' cajo colíing' cóo' i Sé' do fí lí' sing' crúu' fí lí' táang' Jesús. Jo i Nicodemo do quier' jíé' ja' guigui' kiil' e jmeafii' jlo' e sicáng' cóo' tû' íng' mîí, coō e sii' mirra jogui cóo'gui e sii' áloe. Jo i Nicodemo la, íb' i cangó' cangosiing' cóo' Jesús coō née' e

canuá. ⁴⁰Jo lajob i Sé^ˆ do cóo^ˆgui Nicodemo cajjiáam bre Jesús fí dse^ˆ crúu^ˆ, jo miffing^ˆ canaaín^ˆ súuiñ^ˆ dseà do jalé^ˆ e jmeafii^ˆ do jo caquíng^ˆ neiñ^ˆ cóo^ˆ coo^ˆ 'mi^ˆ tē^ˆ e siyá^ˆ e jmiñ^ˆ jmeafii^ˆ do, co^ˆ lajob qui^ˆ tñing^ˆ jaléng^ˆ dseà Israel e jmóor cóo^ˆ jaléng^ˆ 'liñ^ˆ quiá^ˆr mi^ˆ ni'áang neiñ^ˆ. ⁴¹Jo e fí li^ˆ cateáaiñ^ˆ Jesús fí dse^ˆ crúu^ˆ, fí job nilíí coo^ˆ dsíí iá^ˆ, jo e fí jo niseà coo^ˆ too^ˆ ée^ˆ e 'mí^ˆ li^ˆ jii^ˆ jaang^ˆ ja i^ˆ mí ca'áng. ⁴²Jo e fí dsíí e too^ˆ ée^ˆ do cangojéiñ^ˆ Jesús e ni'áiñ^ˆ, dsuco^ˆ quiáb^ˆ li^ˆ nilíí e too^ˆ ée^ˆ do, jogui co^ˆ nijaquíem^ˆ cajo e jmiñ^ˆ e jmi'ing^ˆ dseà Israel.

Mi^ˆ cají^ˆtu Jesús

(Mt. 28:1-10; Mr. 16:1-8; Lc. 24:1-12)

20 Jo la'uui^ˆ jmiñ^ˆ quiá^ˆ e seamaan^ˆ mi^ˆ cangf^ˆ e jmiñ^ˆ do, e eē^ˆbi eáang^ˆ lajee^ˆ ná^ˆgui e nijneá^ˆ, cangó^ˆ Yá^ˆ i seeng^ˆ fí Magdala fí li^ˆ ca'áng^ˆ Jesús; jo mi^ˆ caguiér^ˆ fí jo, joba^ˆ cangár^ˆ e nisijéb^ˆ e cuu^ˆ e cajlí^ˆ e fí oo^ˆ too^ˆ e li^ˆ ca'áng^ˆ dseà do. ²Jo mi^ˆ tí li^ˆ calilir^ˆ e jo seeng^ˆ Jesús e fí dsíí^ˆ tó^ˆ ée^ˆ do, joba^ˆ caquim^ˆ tur güi'fí^ˆ e fí li^ˆ guing^ˆ Táh^ˆ Simón colliing^ˆ gui cóo^ˆ i dseà quiá^ˆ Jesús i neaaiñ^ˆ eáang^ˆ do. Joba^ˆ lalab cajíng^ˆ i Yá^ˆ i seeng^ˆ fí Magdala do mi^ˆ caguiéiñ^ˆ jo casí^ˆ reiñ^ˆ:

—Ninicaguim^ˆ dseà Fii^ˆnaa^ˆ e fí li^ˆ ca'áiñ^ˆ do, jo ja^ˆ ne^ˆnaa^ˆ jié^ˆ fí li^ˆ nicangojéiñ^ˆ.

³Jo mi^ˆ canúu^ˆ Táh^ˆ Simón cóo^ˆgui i dseà rúñ^ˆ i jaang^ˆgui do lajii^ˆ júu^ˆ e quieé^ˆ i Yá^ˆ i seeng^ˆ fí Magdala, joba^ˆ dsifib^ˆ ca'wøiñ^ˆ e cangoliiñ^ˆ lajminá^ˆ e fí li^ˆ ca'áng^ˆ

Jesús do. ⁴Jo laji^ˆ huáam^ˆbre ngoliiñ^ˆ cuíir^ˆ, lifa^ˆ i jaang^ˆgui do jminá^ˆgui cangór^ˆ laco^ˆ Táh^ˆ Simón, joba^ˆ jéeng^ˆguiubre caguiér^ˆ e fí li^ˆ ca'áng^ˆ Jesús do. ⁵Jo mi^ˆ caguiér^ˆ fí jo, dsifib^ˆ catúuiñ^ˆ jo cajóor^ˆ fí dsíí^ˆ e too^ˆ ée^ˆ do, jo cangár^ˆ e 'mi^ˆ e cabeang^ˆ dseà do e laco^ˆ milíib^ˆ née^ˆ, jo lifa^ˆ ja^ˆ ca'ír^ˆ e fí dsíí^ˆ too^ˆ ée^ˆ do. ⁶Jo jiiñ^ˆ cøong^ˆ lajo caguié^ˆ Táh^ˆ Simón, jo condseéb^ˆ ca'ír^ˆ e fí dsíí^ˆ tó^ˆ ée^ˆ do mi^ˆ caguiér^ˆ, joba^ˆ cangá^ˆbre e 'mi^ˆ e cabeang^ˆ dseà do cajo e laco^ˆ milíib^ˆ née^ˆ; ⁷jogui cangá^ˆbir cajo e dob róo^ˆ e 'mi^ˆ e cali'ing^ˆ ta^ˆ e quiá^ˆ cabé^ˆ mogui^ˆ dseà do, jo cangár^ˆ e ja^ˆ róo^ˆ ca^ˆ laco^ˆ róo^ˆ e 'mi^ˆ e cabeang^ˆ dseà do, jo tí doguijiiñ^ˆ róo^ˆ e sibéeng^ˆ ca^ˆ laco^ˆ róo^ˆ e jo. ⁸Jo mi^ˆ cangf^ˆ jo, ca'í^ˆ i dseà i jaang^ˆgui do i caguié^ˆ la'uui^ˆ e fí too^ˆ ée^ˆ do, joba^ˆ cangá^ˆbre jalé^ˆ e calí^ˆ e fí dsíí^ˆ tó^ˆ ée^ˆ do, jo dseáng^ˆ jáb^ˆ caliiñ^ˆ. ⁹Jo dsu^ˆ i dseà gáng^ˆ do dseáng^ˆ ja^ˆ mí cangám^ˆbir laco^ˆ la fé^ˆ fí ni^ˆ jii^ˆ quiá^ˆ Fidiéé^ˆ e cajme^ˆ dseà maliñ^ˆgui eáang^ˆ li^ˆ fé^ˆ e dseáng^ˆ sí'í^ˆba^ˆ e nijí^ˆtu Jesús. ¹⁰Jo mi^ˆ cangf^ˆ jo, caquim^ˆtu i dseà quiá^ˆ Jesús i gáng^ˆ do fí quiá^ˆr.

Mi^ˆ cajmijnéeng^ˆ 'ñia^ˆ Jesús fí quini^ˆ Yá^ˆ i seeng^ˆ fí Magdala

(Mr. 16:9-11)

¹¹Jo mi^ˆ caguié^ˆtu Yá^ˆ e fí li^ˆ ca'áng^ˆ Jesús, joba^ˆ dob cajer^ˆ qui^ˆr fí caluu^ˆ e too^ˆ ée^ˆ do. Jo lajee^ˆ siñ^ˆ qui^ˆr dob catúuiñ^ˆ e laco^ˆ nijóor^ˆ e fí dsíí^ˆ tó^ˆ ée^ˆ do, ¹²joba^ˆ cangár^ˆ e neáang^ˆ gáng^ˆ ángeles i qui^ˆ 'mi^ˆ tē^ˆ e fí dsíí^ˆ tó^ˆ ée^ˆ do, jo jaiñ^ˆ do guiiñ^ˆ li^ˆ catiroo^ˆ mogui^ˆ

Jesús jogui jaaiñ` do guiiñ` fí lí cané` tii` dseà` do. ¹³ Jo ì ángeles do cajmingí`r` ì dseamf` do jo casí`-reiñ`:

—Janú`, dseamf`, ¿jiali` sin` qui`?

Joba' cañíi` ì dseamf` do quiá` ì ángeles do jo casí`-reiñ`:

—Quí`i dsuco` ja` ñii` ii` ñinicaguíng` Fíi` ì ì ca'áang` dseà` e fí` dsíi` tó` na, jo ja` ñii` jie` ñicangojéiñ` lana.

¹⁴ Jo jobi lico` ñicató` e jíñ` e jo mi` tí` lí` cajing` 'ñia`r`, jo cangáiñ` Jesús e dob ñising` dseà` do cáaiñ`, jo dsu` jíi` ja` ñir` e íb` dseà` do. ¹⁵ Joba' cajíng` Jesús casí`r` ì dseamf` do lala:

—Janú`, dseamf`, ¿jiali` sin` qui`? ¿Í` sin` 'nán` lana?

Dsu` ì dseamf` do í` dsíir` e ì dseà` ì jmóo` í` e dsíi` íá` dob ì sing` síing` cóo`r` do, joba' lalab casí`r` dseà` do:

—Janú`, éé, song 'nub` ñicaguuiñ` ì Fíi` ì do, joba' iin` ñ jméé` jnea` júu` jie` fí` lí` ñicaguijéen`re, joba' fí` job` ni'nén`^nre.

¹⁶ Joba' cañíi` Jesús quiá` ì dseamf` do lala jo casí`-reiñ`:

—iYá`!

Joba' cajing` 'ñia` ì Yá` do jo cajíñ` cóo` jmií` hebreo lala:

—iRabuni! —e guóng` tifa`.

¹⁷ Joba' cañíi` tu Jesús quiá` ì dseamf` do jo casí`-reiñ`:

—Ja` guín` jnea`, co` nabi ja` mí` cají` tu rú` naa` cóo` Tiquié`e. Joba' fíi` 'nà` lana e niguøñ` guíjméé` júu` jaléng` dseà` ì ñlíng` laco` rún`n e ñijmíjng` tu rú` naa` cóo` ì líng` Tiquié`e jogui í` bi ì líng` Tiquíi` na` cajo, jo íb` Fidiéé` quié` e jogui íb` Fidiéé` quií` na` cajo.

¹⁸ Jo mi` cangí jo, cangám` ì Yá` ì seeng` fí` Magdala do jo cangojmeáa` bre júu` jaléng` ì dseà` quiá` Jesús do e ñicangám` bre dseà` do jogui casí`-bireiñ` cajo jalé` e júu` e ca'íñ` quiá` dseà` do.

Mí` cajmijnéeng` 'ñia` Jesús fí` quini` dseà` quiá`r`

(Mt. 28:16-20; Mr. 16:14-18; Lc. 24:36-49)

¹⁹ Jo mi` ca'í` nuu` 'ñia` ie` jmií` jo, e jmií` la`uii` quiá` seamaan` do, jo ie` jo ñincasitíng` rúng` ì dseà` quiá` Jesús do fí` cóo` dsíi` 'núu` lí` jni` røø, co` 'góm` bre jaléng` dseà` góor` dseà` Israel fíng song calilí` í` e ñiseáng` tu rúng` ì dseà` do calé` catú`. Jo lajee` neáng` ì dseà` do, job mi` tí` lí` ca'í` Jesús fí` jo, jo casíng` 'ñia`r` guiá` joo` e lí` neáng` ì dseà` quiá`r` do, jo lalab caféng` neiñ` do jo casí`-reiñ`:

—iGüiliseem`ba` juguíá` júu` røø!

²⁰ Jo mi` cangí e cajíng` Jesús e júu` na, joba' canaaíñ` e`r` ì dseà` quiá`r` do fí` lí` cacuí` guotiir` cóo` gui mo`uøør`. Joba' ì dseà` quiá`r` do eáam` cali`iáang` dsíir` mi` cangáng` tur ì Fiir` do. ²¹ Jo mi` cangí jo, lalab cajíng` tu Jesús casí`r` ì dseà` quiá`r` do:

—iGüiliseem`ba` juguíá` júu` røø! Jo lí` laco` gui Tiquí`ii` casíiñ` jnea` fí` jmigüí` la, joba' lajob cajo jnea` nisín`n 'nú` fí` jmigüí` la.

²² Jo mi` cangí jo, cajiúur` fí` lí` neáng` ì dseà` quiá`r` do jo casí` reiñ`:

—Íing` na` Jmiguí` quiá` Fidiéé`.

²³ Jogui doñi` ii` dseà` ì ni`fíng` na` dsee` quiá`, joba' ni`fím` dsee` quiá` ì dseà` í; jogui doñi` ii` dseà` ì ja` ni`fíng` na` dsee` quiá`, joba' ja` ni`fíng` dsee` quiá` ì dseà` í cajo.

Mi` já` calíng` Mó` e cají`tu Jesús

²⁴Jo jaang` dseà` guitúung` quiá` Jesús i sii` Mó` dseà` suung`, íb` i ja` seeng` ie` lamí` cajmijnéeng` 'ñia` Jesús jee` i dseà` quiá`r` do. ²⁵Jo mi` cangf` jo, lalab casí` i dseà` caguiaang` do Mó` jo cajíñ`:

—Nícanem`baa` Fíi`naa`.

Jo dsu` Mó` lalab cañíir` quiá` i dseà` rúin` do jo casí`rein`:

—Ja` já` nilíin`n e fól`na` na song ja` nimoo`o guóor` lí` ca'ía` m' clavo, jogui song ja` nijnúu`u niguóo`o lacaang` lí` sicuá' quiá`r`, jogui song ja` nigúí`i mo'uóor` e lí` ca'ía` ñisú`.

²⁶Jo mi` cangf` jñiá` jmi` lajo, caseáng`tu rúng` i dseà` quiá` Jesús do calé` catú` fí` cōo` sínúu` lí` sijni` rōø, jo ie` jo quíim` Mó` cōo` i dseà` rúin` caguiaang`gui do. Jo lajee` job ca'í`tu Jesús fí` dsí` sínúu` e lí` neáaiñ` do jo casíng`tu 'ñia`r` guiá'` joo, jo lalab caféng`t'urein` do jo cajíñ`:

—iGüiliseem`ba` juguiá` júu` rōø!

²⁷Jo mi` cangf` jo, lalab casí` Jesús i Mó` do jo cajíñ`:

—Jōø` guóo`o, jogui jnúu` niguóo` lí` sicuá'` quié` e la, jogui jnúu` niguóo` e lí` sicuá'` mo'uóoø` la cajo. Ja` jmoo` e ja` já` líin` jo já` güilíin` lana. iJnea` bi la!

²⁸Jo mi` canúu` Mó` e jo, joba` cañíir` quiá` Jesús jo cajíñ`:

—iDseáng` e já` e 'nub` Fíi` i jogui 'nub` Fidiée` quié` e cajo!

²⁹Joba` cañíi`tu Jesús quiá` Mó` jo casí`r` dseà` do jo cajíñ`:

—¿Su car` cañin` jnea`, joguiba` já` calín` e nicají`b`túu? Dsu` juguiá`gui quiá` i dseà` i já`

calíng` e nicají`b`túu e jíi` ja` mi` cangáam`bir` jnea`.

E uing` e cajme` Juan e j` la

³⁰Jo lajee` cateáang` Jesús fí` jmigúí` la, jmiguiub` jalé` e lí` e quíi`r` jmi` cajméer` fí` quini` jaléng` dseà` guitúung` quiá`r`, jo dsu` jmiguiu`bi jalé` e jo ja` silíi` e fí` ni` j` la. ³¹Jo dsu` lajii` e silíi` e fí` ni` j` la nicalf` e lí` laco` já` nilíing` jaléng` dseà` e dseáng` Jesús líiñ` i Dseà` Jmáang` i nicá` nifí` quiá` dseà` Israel jogui i lííng` i Jōo` Fidiée` i camíng` do, jo lajoba` jaléng` dseà` i já` nilíing` júu` quiá` dseà` do quí` jmi` e niliseeiñ` cōong` cōo` Fidiée` lata`.

Mi` cajmijnéeng` 'ñia` Jesús fí` lí` se` Galilea

21 Jo mi` cangf`gui lajo, cajmijnéem` 'ñia` Jesús calé` catú` fí` quini` guiáng` i dseà` i la'ó` quíing` jee` dseà` guitúung` quiá`r` e fí` 'ni` cōo` guiéé` lí` sii` Tiberias e née` lí` se` Galilea. ²Jo i lab jaléng` i dseà` i taang` do ie` jo: jaañ` do siir` T'á` Simón, jo jaang`gui i sii` Mó` i sii`bi Dseà` Suung` cajo, jo jaang`gui i sii` Natanael i seeng` fí` cōo` fii` e sii` Caná e née` lí` se` Galilea, jogui gáng`gui i lííng` jōo` jaang` dseañu` i sii` Zebedeo, jogui gáng`gui dseà` jíéng` i quíing` jee` dseà` quiá` Jesús. ³Jo lajee` job cajíng` T'á` Simón e sí`r` i dseà` rúin` i siseáng` e fí` 'ni` guiéé` do ie` jo, jo cajíñ`:

—Nii` teáa` t` sáng` 'ñu`.

Joba` cañíi` i dseà` do quiá` T'á` Simón jo casí`rein`:

—lí`baa` dsé`ee` cōo` 'nu` cajo.

Joba' lajob cajméer, jo cangotáam bre fí coo dsíí' móo' jo cangoliñ fí lí' ni'a'gui quiá' e jmiñ do; jo fí' job canaañ bír 'máa' quiá'r e nisáañ' 'ñu, jo dsu' e uoø' jo dseáng' jíí' camíng' 'ñu ja ii' calí'r. ⁴Jo mi' ningóo' nijnea' e uoø' jo, jo cajmijnéeng' 'ñia' Jesús fí' quiá' e guíee' do, jo dsu' mi' cangáng' i dseá' quiá'r do ír, jíí' ja calicuiñ dseá' do lajminá'. ⁵Joba' cajmingí' Jesús i dseá' do jo cajíñ': —Janú' siming', ja mi' lí'na' 'ñu, ¿já' já'?

Joba' cañii' i dseá' quiá'r do jo cajíñ' casí'r dseá' do:

—U, jíí' jaang' ja ii' mi' cali'naa'.

⁶Joba' cañii' tu Jesús quiá' i dseá' quiá'r do jo cajíñ':

—Bíi'na' 'máa' quií'na' fí' é' jmiñ lí' lí' dsée' laco' ngóo' e móo' quií'na' na, jo mó'du' fa' ja lí'na' 'ñu.

Joba' lajob cajmée' i dseá' do, cabí'bre e 'máa' quiá'r do fí' dsíí' jmí; jo mi' cangí' jo, i leáam' 'ñu calí'r e jíí' o' ró'r fa' ni'øng'guir e 'máa' do dsu' e ni'ii' teáang' 'ñu.

⁷Joba' i dseá' quiá' Jesús i iñ' eáang' do lalab casí'r Tí' Simón jo cajíñ':

—iFíi'baa' i sing' dóo'!

Jo dsifí' mi' calilí' Tí' Simón e Fii'bre i sing' do, joba' lajmináb' caquí'r sí'r e ca'uo'r lajee' jmóor ta, jo ngí' jo canaañ' bár' jmiñ e nidsér' fí' lí' sing' dseá' do, joba' lajob cajméer. ⁸Jo i dseá' caguiaang'gui i cóo' Tí' Simón do caguilím'bre e fí' 'ni' jmiñ do e teáañ' dsíí' móo' e øøiñ' e 'máa' do, co' sirøøm' teáang' 'ñu, jo huíim' jiu lí' cangobír' e

'máa' do laco'gui 'ni' guíee', co' tíib' jiu la cien metros. ⁹Jo mi' tí' lí' caquing' tur fí' uø' quiú', joba' cangár' coo lí' ninicají' dseá' jí, jo e fí' ni' jito' quiá' e jí' do niráang' jaang' 'ñu cóo'gui iñí'. ¹⁰Jo lalab cajíng' Jesús casí'r i dseá' quiá'r do:

—Cuøøng-na' jaang' gáng' 'ñu i nicalí'na' na.

¹¹Jo mi' cajíng' Jesús lajo, joba' cajgóo' Tí' Simón fí' yá' e móo' do quiá'r, jo ca'øøiñ' e 'máa' do dseáng' catí' ni' tóo' 'ni' jmiñ. Jo dseáng' eáam' ii' do, co' ciento cincuenta y tres 'ñu calí'r ie' jo, jo jmang' i cøøm' cajo; jo dsu' cateáb' e 'máa' do e ja' ca'guiñ' nañí' fa' fíim' i 'ñu do calí'r. ¹²Jo mi' calí' e jo, lalab cajíng' Jesús casí'r i dseá' quiá'r do:

—Ñilíng-na' ñiquié'na' íí' ta'é.

Jo jíí' jaang' i dseá' quiá'r do ja' teá' dsíir' fa' eè' nijmingí'r dseá' do i dseáng' líng' dseá' do, co' ñi'bre e dseá' dob líng' Fíir. ¹³Jo mi' cangí' jo, cangoquiéeng' Jesús fí' quini' i dseá' quiá'r do jo casá'r e iñí' do jogui' casaiñ' i 'ñu do cajo, jo canaañ' jmóor' guíee' jee' i dseá' quiá'r do. Jo jalém'bre cagø'r ie' jo.

¹⁴Jo cóo' e lab catí' 'ni' yá' e cajmijnéeng' 'ñia' Jesús fí' jee' dseá' quiá'r ie' mi' cangí' e cají' tur calé' catí'.

Mi' casíng' Jesús cóo' Tí' Simón

¹⁵Jo mi' tí' lí' cangí' e cagø'r e íí' ta'é' do, lalab cajmingí' Jesús i Tí' Simón do jo casí'r dseá' do lala:

—Tí' Simón, jóo' jaang' dseañu' i sii' Juan, ¿su eáang'gui 'neáan'

jneá laco'gui i dseá quié e i
caguiaang'gui la?

Joba' cañí Tú Simón quiá Jesús
jo casí r' dseá do lala:

—Lajob lí Fí'i, cō' n'í b' 'nu' guiá e
e 'neáam'baa 'nu'.

Joba' cañí tū Jesús quiá Tú
Simón jo cajín'':

—Te' fíing' røø jaléng' dseá i
líng' lafa' jo'se' jiuung' quié e.

¹⁶Jō mi' cang' jo, caléb' tū
cajmingí' Jesús i Tú Simón do jo
casí tūr dseá do:

—Tú Simón, jōō jaang' dseañu' i
sii Juan, ¿su 'neáan' jnea'?

Joba' cañí tū Tú Simón quiá'
Jesús jo cajín'':

—Lajob lí Fí'i, cō' n'í ba' guiá e
'neáam'baa 'nu'.

Jō ng' jo, caléb' tū cajíng' Jesús
casí r' dseá do lala:

—Jmee' í jaléng' dseá i líng'
lafa' jo'se' quié e.

¹⁷Jō cōō' e la catí 'ní ya' e
jmingí' Jesús i Tú Simón do jo
cajíng' tūr calé' catú':

—Tú Simón, jōō jaang' dseañu' i
sii Juan, ¿su 'neáan' jnea'?

Jō mi' canú' Tú e jūu' jo calé'
catú', joba' fí' b' calíin', cō' cōō' e
la catí 'ní yab' e jmingí' Jesús ír'
su 'neáang' dseá do ír'.

Joba' cañí tū Tú Simón quiá'
dseá do jo cajín'':

—Fí'i, guiáb' dseáng' n'í 'nu'
lajalé', joba' n'í ba' e 'neáam'baa
'nu'.

Jō ng' jo, calé' catú' cañí Jesús
quiá' Tú Simón jo casí r' dseá do
lala:

—Jmee' í jaléng' dseá i líng'
lafa' jo'se' quié e. ¹⁸Jō e laba'
jmitaa' o', e ie' lamí b'í bi a',

guiá ba' guiá quí' e guo' jíé' fí'
lí iin'; jō dsu' mi' tí lí nidseáan',
niní' cuéé' jō dseá jíém' niguiá'
guiá quí', jogui nijéin' 'nu' jíé' fí'
lí ja' iin' guó'.

¹⁹Jō casí' Jesús i Tú Simón do
lana e lí' laco' jmóor' júu' jial
nijúung' dseá do mi' nití í' lajo,
jogui nidsingíin' do lajo e lí'
laco' nijmi'gó' dseá Fidiéé' cōō'
e 'mō' quiár' do. Jō mi' cang' jo,
cajíng' gui Jesús casí r' Tú Simón:
—i Ja' güihuín' cōō' jnea'!

I dseá quiá' Jesús i iin' eáang' do

²⁰Jō mi' cang' e cajíng' Jesús
e júu' na, joba' cají' tū Tú Simón
nir' jō mífíing' cangáin' i dseá
quiá' Jesús i eáang' 'neáain' do e
jáain' do caluur', jo i dseá íb' cajo
i caguá' cáang' Jesús ie' mi' cagó' r'
í' canu', jo cajmingí' r' dseá do e
i' dseáng' lajee' la'ó' ír' i ni'náng'
ír'. ²¹Jō mi' tí lí' cangáng' tū
Tú Simón i dseá do, joba' lalab
cajmingí' r' Jesús jo cajín'':

—Fí'i, jo i dseañu' i sing' la, ¿e'
nidsingíin'?

²²Joba' cañí tū Jesús calé' catú'
quiá' i dseá do jo casí' rein':

—Jō song jnea' iin' n e seem' bi i
dseañu' la cartí mi' nigüéeng' tūu'
fí' jmigüi' la calé' catú', joba' ¿e'
cuain' quí' 'nu' uii' quiá' i dseañu'
la? Lí' 'nu', ja' güihuín' cōō' jnea'.

²³Jō job mi' canaang' e ngí'
júu' jee' jaléng' dseá quiá' Dsea'
Jmáang' e i dseá i iing' Jesús
eáang' do ja' nijúuin'. Jō dsu'
ja' cajíng' Jesús fa' dseáng' e
ja' nijúung' i dseá do, cō' lalaba'
cajín'': “Song jnea' iin' n e seein'
cartí mi' nigüéeng' tūu' fí' jmigüi'

la calé' catú', joba' ze~ cuaiñ~ quíi' 'nã' faco' lajo?"

²⁴Jo i dseà i iing~ Jesús eáang' dob cajo, í'bing' i tíi' ni~ jalé' e cangojée' do jogui jmo'r' jalé' e júu^ la. Jogui ne~baa' røø e jmang' júu^ já'ba' fé'r.

²⁵Jo jmiguiã'bi jalé' e cajmée' Jesús jíi' laco' e silíi' e fi' ni~ ji' la,

jogui faco' nilíi' fi' ni~ ji' dseáng' lajalé' e cajméer' do, joba' jíi' fi' jmigüi^ ja' ni' jalé' e ji' jo faco' lajo.

Jo lanab cadséng' jalé' júu^ quiá' Dseà Jmáang' e cajme' Juan.

Jo lajob nilí'.